

Matyu

Jesus anen tubun bagen

Luk 3:23-38

1 ¹Yanak e irig ipalu den in Jesus Kristus san tubun bagen a. Jesus in Dawid lo ilasa ya, agod Dawid man in Abraham lo ilasa ya. ^{2-6a}Abraham log ipalug Kin Dawid lo man, tubun bagen san yanak igo iri a: Abraham, Aisak, Jakob, Juda in tein muroun dida. Aria, Juda man Peres in Serah da tamadi, agod uraru an tinadi Tamar. Aria, Peres, Hesron, Ram, Aminadab, Nason, Salmon, Boas (Boas tinan Rahab), Obed (inanen tinan Rut), agod Jesi. Aria, Jesi man Kin Dawid taman.

^{6b-11}Dawid log ipalug saen Babilon san kin yu yabisag Jerusalem daon ipani dugo, Juda adi ikudai go Babilon na subanek tamolpein igo won diau go ante dumado na yan san saen lo man, tubun bagen sad yanak igo iri a: Dawid, Solomon (in tinan man, pein nek a imug Uraya inane ya), Rehoboam, Abijah, Asa, Jehosafat, Jehoram, Usia, Jotam, Ahas, Hesekeya, Manasei, Amon, Josaya, agod Jehoyakin in tein muroun dida.

¹²⁻¹⁶Aria, Juda adi Babilon na dumado yan san saen ibiseig ipalug, Jesus ilasa yan san saen lo man, tubun bagen sad yanak igo iri a: Jehoyakin, Sealtiel, Serubabel, Abiud, Eliakim, Asor, Sadok, Akim, Eliud, Eliasar, Matan, Jakob, agod Josef nek a Maria inane ama ya. Maria nek a Jesus igansi a, in tamol nek a Kristus tabol dama ya.

¹⁷Aria, Abraham log ipalug Dawid ilasa yan tubun 14 lo dar igile ya. Anteg, Dawid log ipalug Juda adi Babilon na dumado yan san saen lo, tubun 14 taida lo dar igile ya. Aria, anteg tubun 14 taida lo dar igile gug Kristus ilasag malan ipuk a.

Kristus ilasa ya

Luk 2:1-7

¹⁸Aria, Jesus Kristus dugo ilasa amaiak san dal man igo ya. Maria tinan taman in Josef inane san nien dupani, ago yak man Josef pein an da gamugo dien dugo, Awan Urgan san dabai iganeg Maria luan anda yan tamolpein fidian dile dulon a. ¹⁹Agog in iwon Josef man tamol itaot

ago yan lo inj pein an malak malak miai ipani man imoi, agog pasak nam pein an ibiseip isol yau o ilo sou ago igane ya. ²⁰Saen inſan ilo sou ago igane man, yen dugo Tubun ak san eŋel njonamin lo san na ilasag irupeig ibol, “Josef, Dawid nanun, Maria oŋ iwo yak nŋen o ilo ta gidigheid na wa, fun dugo, nanuk Maria tiŋaen lo man Awan Urgun san dabai lo ilasa la ya. ²¹In nanuk tamol ak igansi wa, ago dop oŋ yaŋan Jesus ubol a, fun dugo, inj inſan tamolpein inaned aupasek san ai wadan an lo patud ipasi wa.” ²²Mel an fidian dilasa yan san fun man igo ya, wagam Anut ru fulalek profet ta awan lo ibol ilasa yan gamu nuŋon fo tusuda ya. ²³In ibol, “Pein baras ta kitek tamol ta da dutor man tia yak, tiŋaen lo nanuk tamol ak ta ilasa wa. Ago dop yaŋan Imanuel dubol a.” (Yaŋak Imanuel fun man igo: “Anut id da tumado da.”) ²⁴Agog saen Josef njon lo imasa man Tubun ak san eŋel awan irig, Maria iwon oŋ inaneg san panu na diaug iwon oŋ ida dumado se ya. ²⁵Ak man saen inaneg yau man kitek iwon oŋ ida dien man tia ya, agog yaug pein an nanuk tamol luan lo yan igansi a. Agog Josef nanuk an yaŋan Jesus ibol a.

Maŋau tamol Jesus dile wo dupalu ya

2 ¹Jesus Betlehem na ilasa, Betlehem man tan tubun Judea na yen da. Saen an lo Herod inj kiŋ imado se ya. Saen Jesus ilasa man maŋau tamol adi ad ilasa dak lo yak Jerusalem na dupalug gidigheid dusumiaen se ya, ²“Nanuk a ilasa amaiak dugo mi ak i? In murnap Juda adi sad kiŋ imado wa. Ilasa yan maŋ malon a, man dugo, inſan patui ad ilasa dak ate fun iganeg ided do mile ya, an lo maŋ ubou an mile wo mupalu ya.” ³Saen kiŋ Herod inſad nŋen ago ilon man ilo sou ifini saian, ago dugo tamolpein Jerusalem na dam sisem ilo sou gidigheid diŋane se ya. ⁴Agog Herod pris gurman adi, agod kubiaen san girek maŋau adi dida itumanai go isumianaig ibol, “Aben dugo amaiak lo Kristus ilasa wak i?” ⁵Ago dugo dubol, “In aben Betlehem o Judea na amaiak ate ilasa wa. Man dugo, wagam ru fulalek san profet ta igireg ibol,

⁶‘O Betlehem, tan Judea na,

oŋ Judea san gugoi gurman lulunad lo panu kawan ak oŋ tia ya.
Man dugo, mitep oŋ lo gurman ta ilasa wa.

Gurman an ŋaisag tamolpein Isrel itirnai a.’”

⁷Murnag Herod pasak nam maŋau tamol adi igiaig dupalug isumianai, “Saen dugon lo patui fun iganeg ided ak i?” ⁸Agog Betlehem na idinaig diau o dugo ago ibol, “Aup nanuk an nŋen o aban ale wo uyanan a. Saen ale dop ru ananep apalup, abol ŋalon dop, ŋai dam ŋaup ubou an ŋile wa.” ⁹⁻¹⁰Saen kiŋ san nŋen dulon go itout man fun diganeg Betlehem na diau a. Ago dugo patui a ad ilasa dak lo dile yan, afon ilasa dag dile ya. Saen patui an dile man ilod uyanan geig go uyad isusa ya. Agog patui an imug naod na yaug, nanuk ab a lo yen dak ate gug, ab fufo ago ided

dugo yen se ya. ¹¹Agog ab an ate dilasag diladug, nanuk tinan Maria da dumado dugo dili ai man, ditakoksig ubou an dile ya. Ago gug melmel naod lak na lak na disini an, awad dupasi idug lou dupani a. Mel naon ibol gol, agod ubou san marasin ta yaŋan frankensens dubol dan, agod marasin ta yaŋan mirr dubol damaiak dupani a. ¹²Agog dumul man Herod san na ta diau na ya, man dugo, insad ŋion lo Herod san na ta diau na wo Anut geg ipidinai a. Ago yan lo dal senamo diŋaneg sed naod na dumul diau a.

Disol go Egipta na diau a

¹³Aria, saen dumul man Tubun ak san eŋel ŋionamin lo Josef san na ilasag irupe i, “Masa kisaek oŋ pe nanuk tinan da uŋal pe tan Egipta na ante asol pe au a. Aup ante amado dop saen isudap ŋai amul o ŋabol dop amul. Man dugo, Herod nek nanuk an daon ipani wo aban ile da.” ¹⁴Agog Josef imasa kisaek oŋ go nanuk tinan da tidom lo iŋal go, ab dibiseig fun diganeg Egipta na diau a. ¹⁵Diaug Egipta na dumado yau dugo Herod imat. Ago gug Egipta dibiseig Judea na dumul diau a. Ŋiŋeŋ nek e ru fulalek san profet wagam ibol ago mi nuŋon ilasa ya. Tubun en ibol, “Egipta ilon lo ŋaineg nanug ŋuwagiŋ go tan en ibiseig ilasa ya.”

¹⁶Saen Herod maŋau tamol dirawi ago ilon man, tiŋaen imumari geig a. Agog wagai tamol idinaig Betlehem na fidian mi lubanek diaup ante nanuk tamol anaŋar urarug isuda agog anaŋar urarug idu yan fidian dufu dumat o diau a. Man dugo, imug Herod maŋau tamol an isumianaig ibol, “Nal dugon lo patui an fun iganeg ided se yak i?” Ago dugo iŋ ru naon durupeig dubol, “Anaŋar uraru yau la ya.” ¹⁷Dal an lo ulon tamol yaŋan Jeremaia wagam ŋiŋeŋ a ibol ilasa yan nuŋon ilasa ya. Iŋ ibol,

¹⁸“Kilagun ta panu Ramah lo dulon a,
tinaŋ igane dugo tubun mi isasai se ya.

An man Rasel nanun muroun niŋedi wo tinaŋ yabi se ya.

Ilon diŋane gug imoi, man dugo,
iŋanen nanun muroun fidian dumat pasik a.”

Iŋ dumul ak man Nasaret na diau a

¹⁹Aria saen Herod imat man, Tubun ak san eŋel Egipta na yaug ŋionamin lo Josef san na ilasag irupeig ibol, ²⁰“Masap nanuk tinan da uŋal pe tan Isrel na ante au a. Man dugo, tamol iŋ dufuni imat o digane yan man gubak mi dumat la ya.” ²¹Agog Josef imasag nanuk tinan da iŋal go tan Isrel na atna diau a. ²²Saen dumul diau man, Akilaus taman Herod aben iŋaneg kiŋ imado se yan Josef ago ilon a. An niŋen o Josef irer an lo provins Judea ante imado wo man imoi a. Agog afon ŋion lo Anut ru kagin ipanig Jerusalem na ta yau na wo ibol a. Ago tag Jerusalem iriŋanig Galili na yau a. ²³Agog yaug aben ta Nasaret dubol

dak lo imado se ya. Ante afon ru ta wagam Anut san ulonj tamol adi dubol an nujon ilasa da ya. Njinen an igo ibol, “Tamolpein inj tamol an ninen o Nasaret tamol dubol a.”

Jon suguek tamol Jesus san dal ikubine da

Mak 1:1-8; Luk 3:1-18; Jon 1:19-28

3 ¹Saen malak malak lo Jesus gamugo ilasa man, Jon suguek tamol dubol dan ipalug, Judea na tan kawan ak lo ru ifulale se ya. ²Inj ru kuai te iganeg ibol, “Anj ilom ibileksa wa, man dugo, Anut san kagin panek an sumeik ipanad la ya.” ³Profet Aisaia tamol an ninen o wagam mi igo ibol a,

“Tamol ta san kilagun tan kawan ak lo iwaginj go ibol,

Tubun en injanen dal akubunep itaot yen a.”

⁴Aria, Jon san biouj tinin fo idiri man kamel san fufulun nam igane ya. Agod san let luan na man makau san sunulun nam igane, agod san ananj man sis tutubun agod nini^a sad dubei bulbal bulbal dineg ilasa damaiak mi ile dop yani da. ⁵Saen injan urut fun iganep ru ifulale se man, tamolpein wei mi Jerusalem nag Judea ilon lo fidian, you Jordan yen dugo giranjen na aben an fidian dupalug ru dulonj se ya. ⁶Agog saen injan ru dulonj man aupasek digane na yan walal te dubol ilasa dugo, Jon you Jordan lo isuguai idu ya.

⁷Ak gug saen inj tamol wei mi Farisi agod Sadyusi ago inj isuguai o naon na dupalug dilasa dugo yil a, agog ru dabai ipidinaig ibol, “Anj mot nanun moroun! Enti Anut san tinj saian mitep ilasa wan ninen o ru kagin ipananj dugo asol dak i? ⁸Anj kagin mok a ilom ibilisa dak iri panig yen dan mi agane ilasa wa. ⁹Anj ansem ilom lo igo ta abol na wa, ‘Abraham man manj tamama, an manj o idaisuda ya.’ Man dugo, njai en njurupaianj itaot da, Anut ilon ibol tap man, pat e dien den ka injiliaip ibilaip Abraham nanun muroun mok dilasa wa. ¹⁰Pilagis ai dabin lo yen la ya. Ai fidian a nujon uyan uyan ta ifu na dan, Anut itarep yai lo yabi yaup inanai yau a.

¹¹“Njai you lo mi anj njusuguanj da, ago dop tamolpein naod na anj ilom ibilisa yan kuai isi wa. Ak man tamol a njai patug fo ipalu dan injan dabai njaisag dabai irinjani geig a. Njai man tamol gidad a, amaiak ninen o injan sendal njisini san o yanag tia ya. Gug tamol en man Awan Urgun lo isuguanj a, agod Urgun an san yai nam ifulananj pe ikok alasa wa. ¹²Inj banin lo kon gilek lo idirai san biouj yabig imado da. Aben ate urut a igane wan ikubineg ante itur da. Uyan ak senamo idirai dop, metmet adi yabi yau o da. Ago dop kon ananj ab lo itumani wa. Ak man metmet adi man yai lo isuwari yau a. Agod tamol ta yai an igane imat san tia ya.”

^a Kuṇobṇob

Jon Jesus isugui a
Mak 1:9-11; Luk 3:21-22

¹³Aria saen ta Jesus Galili ibiseig you Jordan lo Jon isugui wo yau a. ¹⁴Ak man Jon ipadau go ibol, “Onje amaiak naj suguag a. Ata wo onj nusuguo wo ubol go najisag na palu i?” ¹⁵Jesus ru naon irupeig ibol, “Gidad umoi dop ago ilasa wa. Id kagin itaot ak fidian tigane san an tigane itout o uyanan a.” Ago tag Jon awan mi iri a. ¹⁶Agog Jon Jesus isugui a. Nek saen a Jesus you ibiseig tan fo isuda man, kumaen panu san dalawan awan pasek go yen dugo, Anut san Ur muluk onj idug, inj kabunan fufo imasi dugo ile ya. ¹⁷Agog kumaen panu lo waginj ta injinj idug, igo ibol dugo ilonj, “En man najneig Nanug, najneig bubeg mok, inj ninjen o naj ilog tubun mi uyanan da.”

Ur saian a Satan dubol dan Jesus bitinaek lo igane ya
Mak 1:12-13; Luk 4:1-13

4 ¹Aria, Jon Jesus isugui itout man, Urgan inj Jesus iduduwig tan kawan ak lo yaup an lo Satan inj bitinaek lo igane wa. ²Ante man Jesus sen ananj lo geg ipani a. Nal 40 ad tidom da ananj ta yani na ya, ak ninjen o nal wadan ante man imatigen saian geig a. ³Ago dugo ilo najnek san ur saiak an injan na ilasag irupeig ibol, “Onj Anut Nanun tap, ubol dop pat en bret onj ibili wa.” ⁴Ak man inj ru naon irupeig ibol, “Girek ta buk lo igo ibol, tamol bret lo mi ta kumaen imado na da, tia, ru a fidian Anut awan lo ilasa dan lo mi inj ka kumaen imado wa.”

⁵An itout go Satan injaneg Jerusalem na diaug, lak na tempel san nudun fufo igunig itur a. ⁶Ago dugo irupeig, “Onj Anut Nanun tap sokalik udu, man dugo, girek ta buk lo igo ibol,

‘Inj injanen enjel irupidai dop kagin dupano wa.

Banid nam disawo wa,
kabelan pat onj nej ifini banau.’ ”

⁷Ago dugo Jesus ibol, “Girek ta buk lo dam igo ibol, onj mel ta gane tap lo Tubun en onjane Anut an bitinaek lo ta gane na wa.”

⁸Agog afon Satan Jesus injaneg did lak na geig ak kabunan fufo igunig itur dugo tan en san abanj fidian, agod injaned girager dam, ikubiai pani a. ⁹Agog irupeig ibol, “Onj takoksip ubou ag ule tap man, naj mel e ule den fidian nupano wa.”

¹⁰Ak man Jesus ru naon irupeig ibol, “O Satan sen lasa wau! Man dugo, girek ta buk lo igo ibol, ‘Onj Tubun en onjane Anut mi ubou an ule wa. Injen mi ninjen o bigabeg urat gane wa.’ ”

¹¹Ago ibol dugo Satan ibiseig yau a. Agog enjel dudug kagin dupani a.

Jesus injanen ru fulalek san urat fun igane ya
Mak 1:14-15; Luk 4:14-15

¹²Aria, Jon dusubanig subanek ab lo digane ya. Saen Jesus ninjen an ilonj man aben an ibiseig Galili na yau a. ¹³Injinanen panu Nasaret

ibiseig, yang Kaperniam na imado ya. Taun an you tilianek ta, you uyanan ak man, yang You Galili dubol dan, sijiren na yen da. Distrik an gugoi uraru a yang Sebulun agod Naftali amaiak sad tan. ¹⁴Dal amaiak lo awak aban ta profet Aisaia ibol an nunon ilasa ya. In ibol,

¹⁵“Tan Sebulun agod tan Naftali,

you tilianek sijiren na yan, you Jordan aen ate,

tan Galili gob wei mi ante dumado dan, tan an njen o nabol da.

¹⁶Aban an san tamolpein a tidom tubun lo dumado dan,

lilaman tubun ak dile ya.

Agod ensauta a mater san miriau lo dumado dan,

ilalan in sad na ilasa ya.”

¹⁷Nek saen an lo Jesus fun iganeg ru ifulaleg ibol, “Ilom abilisa, man dugo, Anut san kagin panek man an sam na ipalu sumeik la ya.”

Jesus in san megeloum malmalan ak igiai a

Mak 1:16-20; Luk 5:1-11

¹⁸Jesus You Galili gigin irig itor dugo tamol ta tein da yil a. Tamol an imug yang Saimon, agod yang ta dam Pita dubol da. Agod tein Andru.

Uraru an iy nalan, ago yan lo inaned dob you lo dubal idu dugo, Jesus ipalu ya. ¹⁹Agog irupidai, “Nai nieg abag ari gup tamol an san manau nipitejanan a.” ²⁰Agog dob dubal yen dugo njen aban diri kisaek on a.

²¹Jesus you aen gigin irig isuda yau man afon tamol ta tein da yil a, Jems Sebedi nanun agod tein bakanan ak yang Jon, uraru an wog fo tamad Sebedi da dob duwei se ya. An dam urarum igiai a. ²²Agog urarum wog fo dudu kisaek on go tamad dibiseig Jesus njen aban diri a.

Jesus ru ifulale dugo tamolpein subam ifu ak ikubuniaia a

Luk 6:17-19

²³Aria Jesus aben Galili ilon lo fidian itiliani pasik go sad ubou ab ilon lo manau ipitejanai dugo, Anut inanen kagin panek an san bilalun dam malak malak ifulale se ya. Saen an lo tamolpein ilod lo subam naon funfun fidian agod njed banid ikikai an ikubuniaia idu se ya. ²⁴Ago tag njen in njen o ifurak yang tan Siria ilon lo in san yang tubun geig ilasa ya. Ago yan lo tamolpein fidian subam amad da yan dijal go san na dupalu ya. Tamolpein madai gidigheid tinid lo, agod subam naon funfun, tamolpein ur saiak saiak ilod lo yen dan, a saen wei mi kurbarib ifu dan, agod tamolpein njed banidi imat ak an fidian dusu dupalu ya, agog in ikubuniaia idu pasik a. ²⁵Agog tamolpein wei mi geig njen aban duri na ya. Galili na dipalug, provins a TenTaun^b dubol dan te, Jerusalem na, Judea na, agod aben you Jordan aen ate dam fidian in dile wo dupalu se ya.

^b Dekapolis

Jesus Anut san kagin panek an ningen o ru ifulale ya

Luk 6:20-23

5 ¹Aria, saen Jesus tamolpein dubuluwi dugo ago ile man, yaug did giranjen na isuda yau a. Agog saen imasi an, iñsan megeloum awan duloŋ o san na dupalu ya. ²Agog awan isupanig fun iganeg ipitejanai a. Agog ibol,

³“Talpein enti ŋutun lo binawek ningen katukan, an bar iñaneg imado da.

Man dugo, Anut san kagin panek man iñsan mok a.

⁴Talpein enti tan en lo tinaŋ yabi dan, bar iñaneg imado da.

Man dugo, Anut iñ ilon iñane dop ilon pasa ibol a.

⁵Talpein enti mos kagin mi iri pani dan, bar iñaneg imado da.

Man dugo, tan tilianek en san taman igo ilasa wa.

⁶Talpein enti tamolpein fidian kagin itaot digane san ningen o yaes isofutani dan, bar iñaneg imado da.

Man dugo, iñsan mala nouk an idaisuda wa.

⁷Talpein enti aenta ilod imuñanai dan, bar iñaneg imado da.

Man dugo, Anut dam talpein an iñanen ilo muñanek ipani wa.

⁸Talpein enti ilon lo ikokan imado dan, bar iñaneg imado da.

Man dugo, iñ Anut ile wa.

⁹Talpein enti maror ipidinaig itor dan, bar diñaneg dumado da.

Man dugo, iñ man Anut san nanun muroun mok ago dubol a.

¹⁰Talpein enti kagin itaot ak ningen o muruan ile dan, bar iñaneg imado da.

Man dugo, Anut san kagin panek man iñsan a.

¹¹“Tamolpein aŋ naom dufute wak, muruan dupanaŋ ak, agod aŋ niñemi wo ru saiak saiak lo sewak digane wa. Man dugo, aŋ ŋaisag tamolpein ago yan ningen o ago digane tap man, aŋ bar aŋaneg amado da.

¹²Yousai lo amado dop ilom uyanan a, fun dugo, aŋanem naon kumaen panu lo yen den tubun geig a. Man dugo, nek muruan naon kisaek mi tamolpein profet adi imug dumado yan dupidinaŋ se ya.

Aŋ beig ilalaŋ da igo woŋ a

Mak 9:50; Luk 4:34-35

¹³“Tan en lo man aŋ nek ibol beig oŋ a. Ak gug beig san gigen itout tap, aria dugo woŋ tamol ta san gigen an iganep beig oŋ ilasa da wak i? Beig an urat aman tia ya, an ningen o tamolpein tan fo diabi yau dop fufo diau dumul pe duparfufari wa. ¹⁴Aŋ tan en lo ilalaŋ oŋ amado da. Panu ta did fufo yen dan tamolpein dimiani san tia ya. ¹⁵Nek ago mi tamol ta lam ibanip sareg paen na ta igane na da. Tia, lam an ab ilon lo isuŋani dop ate ab ilon igane ilalaŋ da. ¹⁶Nek dal kisaek an lo na agane dop tamolpein ilod lo aŋsam

miadiac an dile wa, an lo tamolpein anjam kagin uyan uyan an kuai tem dile wa. Ago dop in anjanem Tamam kumaen panu lo imado dan per dupani wa.

Jesus Moses san kubiaen dabai ipani a

17“Kabelan Moses san kubiaen agod profet sad ru an nai ngane itout o nupalu abol banau. Nai mel uraru an ngane itout o ta nupalu na ya, tia, nai tinig lo inaned ru idaisuda wo nupalu ya. 18Man dugo, nai rumok nrupaian da, gamu yaup tan keit da itout san saen idu dop, samun kitekan ta kubiaen ilon lo yen dan dupasi yaup itout san tia geig a. Tia, mel fidian kubiaen lo man nek ago yen yaup, nek ru fidian digire yan sad nunon ilasa wa. 19Aria, talpein enti a kubiaen tusan ak ta ipilali dugo tamolpein aenta ago mi digane wo ipitejanai dan, talpein an kumaen panu lo yanjan tia wa. Gug talpein enti a kubiaen fidian iri ipani dugo tamolpein aenta kubiaen an fidian diri wo ipitejanai dan, in yanjan kumaen panu na man tubun geig a. 20Alon uyan a, man dugo, nai itaot nrupaian da, an gidad maeg aganep anjanem kagin itaot an, kubiaen girek manau adi, agod Fasidi adi dam, sad kagin itaot ak irinani wa. Tia tap, an Anut san kagin panek lo aladu san man tia geig a.

Jesus tiniae saian san ai wadan ninen ipitejanai a

21“Ru kubiaen a Anut anjam tubum bagem irupidai an alon a. Ru an ibol, ‘On tamol ta funi imat na wa. Talpein ta tamol ifuni imat tap, isol yau san tia ya, tia, in mok mitep Anut san sumiaek lo itur a.’ 22Ak man nai nrupaian da, an anjanem turam ninemi wo ilom wananan dan, kagin an dam saian geig a. Man dugo, talpein enti a tein lo tiniae saiak igane dan, in dam Anut san sumiaek lo itur a. Agod talpein ta tein pilapil ru saian ak ipani tap, Juda sad kot malan te yak lo itur a. Agod talpein ta tein ipeip ‘on ningeo’ ibol tap, in Ades san yai lo idu yau a. 23Fun an ninen o, saen on Anut ilo uyan pani wo mel ta alta san yai fo mari san ninen o sini palu dop, tei mel ta ninen on lo ilon saian an ilo sou tap, 24onane ilo uyan san mel an alta naon na wabi idu dop, umul waup tei da bubem kisaek gup, umul palup onane mel an sinip marip Anut ilo uyan pani wa. 25Saen on kot ab naon na wau dop, tamol a injiliog kot lo wau o dan, dabai ganep ida ninen an dal te mi akubune kisaek on gup aup alasa wa. Kabelan kot lo alasa dop, tamol an tulek tamold banin lo iginiop, in on ai katuk banid lo iganep, subanek ab lo dibilio waup, dusubano banau. 26Nai rumok nrupaio da, on nek ago mado yaup naon dugo dupano yan udad pasik a.

Jeit kagin san pitejanek

27“An ru kubiaen e dubol en alon a, ‘On jeit kagin ta gane na wa.’ 28Ak man nai igo nrupaian da, tamol ta pein ta ilep ninen o ilo masa lo

^c Mididan ^d Jas

malan isi tap, iŋ ilo sou lo da jeit kagin digane la ya. ²⁹Oŋ mala iganep kagin saiak lo udu tap, mala an fure ilasap biliau a. Gidad, an uyan a, an man oŋ tini san boi ta mi ideg yau a, kabelan oŋ tini fidian mi Ades lo idu banau. ³⁰Agod saen oŋ bani won ak boi iganep aupasek lo udu tap, an dam tutep biliau a. Gidad, an man oŋ tini san boi kisaek o lian bisei a, kabelan an iganep oŋ tini fidian mi Ades lo yau banau.

Jesus iwo kudi san maŋau ipidinai

Mat 19:9; Mak 10:11-12; Luk 16:18

³¹“Ru kubiaen e dubol en dam alon a, ‘Tamol ta iwon pein ak ikudi wo ilon ibol tap, nug banin diabi an itout san girek iwon pein ak an ipani wa.’ ³²Ak man ŋai igo ŋurupaian da, tamol ta iŋsan pein ikudi san fun man kisaek o lian a, pein an jeit kagin igane la ya, nek an mi a. Saen pein an jeit kagin ta igane na yak gug iwon ikudi tap, iŋ iganep pein an jeit san pein ago ilasa ya. Man dugo, iŋsan pein an tamol foun ak iŋane tap man, da jeit digane wa. Ago dop tamol sen ta pein a iwon ikudi an iŋane tap, iŋ dam pein an da jeit kagin digane ya.

Jesus ru dabai panek san ipiteŋanai a

³³“Afon ru a Moses san kubiaen tubud baged irupidai an aŋ alon a, ‘Saen oŋsigane nŋen dabai pani wo dop, nŋen nunon aman tia yak lo dabai pani wo ago ta gane na wa. Tia, oŋane nŋen Anut malan lo uri uyanan an mi gane wa.’ ³⁴Ak man ŋai igo ŋurupaian da, oŋ mel ta san yaŋan lo oŋsa ru dabai pani wo ta gane na wa. Oŋ kumaen panu yaŋan patep lo oŋane ru dabai ta pani na wa, man dugo, aben ante Anut san badim yen da. ³⁵Agod tan san yaŋan patep lo oŋane ru dabai ta pani na wa, man dugo, tan en man aben Anut san nŋen ate yaes ibal da. Jerusalem san yaŋan patep lo ago gane wan nŋen o umoi a, man dugo, aben an man Kiŋ tubun amaiak san panu malan te ya. ³⁶Taidam, oŋ kabuŋa dam san yaŋan patep lo oŋsa ru dabai ta pani na wa, man dugo, oŋ gumura roun ta ganep milkouk boi bilkas boi ilasa san tia ya. ³⁷Nek ‘awok’ ubol a, tia dop, ‘tia’ ubol a, an mi idaisuda ya. Oŋ mel ta suguan taida gane tap, kagin an san fun man, ilo sou saiak a ilo lo yen damaiak lo ilasa ya.

Jesus naon pani san maŋau ipidinai

Luk 6:29-30

³⁸“Aŋ mel e kubiaen ibol en alon a, ‘Malak ta iŋ oŋ mala san a, agod luok ta iŋ oŋ luok san a, agodo naon pani wa.’ ³⁹Ak man ŋai igo ŋurupaian da, oŋ tamol a saian an ta wabiani na wa. Tia, saen talpein ta kuduŋa won ak igufte tap, ŋas ak dam bilisa dop dam igufte wa. ⁴⁰Agod saen muruan ta nŋen o talpein ta kot lo iŋilio waup ante tulek tamol irupaio,

‘onjane siot pani.’ Ago tap, siot mi ta pani na wa, tia, mel suguan taidam pani wa. ⁴¹Agod saen yu san tamol ta injanen bioun sinip kilomita kisaek wau wo isoduduno tap, sinip kilomita uraru wau pani wa. ⁴²Agod saen talpein ta mel an tia dop bunawi wo ibol tap, pani wa. Agod saen talpein ta onsa na gubun igane wo dop ta umoi na wa.

Idsad ager bubed tupidinai a

Luk 6:27-28,32-36

⁴³“An mel e kubiaen ibol en alon a, ‘Onjane tura murou ilo pidinai a, ak gug onjane ager adi nijedi wo man siai gane wa.’ ⁴⁴Ak man nai igo jurupaian da, anjanem ager adi dam bubem apidinai a. Agod ensauta a muruan dupanan dan nijedi wo Anut san na agudani wa. ⁴⁵An lo dop an man Tamam kumaen panu lo imado dan injan nanun mouro mok ago amado wa. Man dugo, injan mi injanen ad igane ilasa dugo tamol uyan, agod tamol saian ak sisem ilalan ipidinai da, agod ui iganep tamol sad kagin itaot, agod a sad kagin ta itaot na yan, sad na isi wa. ⁴⁶Ak dugo, tamolpein a on niye wo ilod dupano dan mi ilo pidinai tap, Anut naon uyan ak ta ipano wak i? Tia geig a. Man dugo, moni takis njalan tamol adi dam, kagin nek ago mi digane na ya. ⁴⁷Agod on tura murou mi sad na adian ubol tap, on kagin dugo uyan ak suguan taidam tamolpein aenta ta digane na yan gane di? Gob adi dam kagin nek ago mi digane na ya. ⁴⁸Amaiak nijen o nek ibol onjane Tama lak na yan itaotan igo won, on dam itaota lasap mado wa.

Jesus pani san manau ipidinai a

6 ¹“Kagin gane wo uyan a, onjane kagin uyan uyan man tamolpein naod na gane dop lo dilio wo ago ta gane na wa. On ago gane tap, Tama kumaen panu lo imado dan naon ta ipano na wa.

²Fun an nijen o, saen on talpein enti mel aman tia yan mel ta pani wo ilo ibol tap, talpein ta imug mi dinip yaup dugo gane wo dan nijen o tour ta iwi na wa. Tamol balek uraru san kagin diri dan man, ubou ab lo, agod dal te dam, tamolpein dil o kagin naok ago yak digane na ya. Nai rumok jurupaian da, tamol naok an injaned naon idaisuda mi dijane la ya. ³Ak man saen on tamol filiad tia yak mel ta pidinai tap, onjane bani nas an biabi a bani won ak nam gane dan ilon o ta ulefuni na wa. ⁴An lo dop mianuk lo mi onsa binawek pidinai a. Ago dop lo onjane Tama kagin a mianuk lo mi gane yan ile dop, naon ipano wa.

Jesus gudanek nijen o ipitejanai a

Luk 11:2-4

⁵“Agod saen on gudani wo dop, tamol balek uraru san kagin diri dan, igo won ta gudani na wa. In ilod ibol dak ubou ab lo, agod dal titin

gidigheid ate dam, dugudani wo dutur dop lo tamolpein diliai o digane da. ⁶Ɔai rumok geig Ɔurupaiaŋ da, iŋ naon nek an mi diŋane wa. ⁶Ak man saen oŋ gudani wo dop oŋane galuŋ lo ladup, dalawan futani gup, mianuk lo mi Anut enti a sen imianig imado dan san na gudani wa. Ago dop Tama enti a mel ta mianuk lo yen ak gug, iŋ kuai te mi ile dan, naon ipano wa.

⁷“Agod saen aŋ agudani man, nek ibol gob adi igo Ɔiŋeŋ kawan ak ta afuti na wa. Man dugo, iŋsad Ɔiŋeŋ wei mi dubol dan lo mi Anut kududon igure wak ago dubol a. ⁸Nek ibol iŋ dugudani dak igo woŋ ago ta agane na wa. Man ata wo? Gamugo oŋane Tama sumiani dop mel a niŋen o umat pe sumiani wo dan iŋ iloŋ la ya.

⁹Fun an niŋen o aŋ igo agudani wa.

O Bai, oŋ did lo mado da.

Oŋane yaŋa gun migane da.

¹⁰Oŋane kagin panek idu ipalu wa.

Oŋane awa mi muri mupani wa,

tan na nek ibol did lo digane dak ago mi a.

¹¹Gamu nal en san anaŋ panama wa.

¹²Maŋsama gubun oŋ lo migane yan pasi yau a,

nek ibol aenta sad gubun maŋ lo diganeg mupasi dak ago mi a.

¹³Maŋ kubianek lo madu san an lo ta giniama na wa.

Tia, Satan tuon lo patuma pasi wa.

¹⁴Man dugo, aŋ tamol ta sad aupasek apare idu tap, Tamam lak na yak aŋsiganem aupasek dam ipare idu wa. ¹⁵Ak gug aenta sad aupasek ta apare idu na tap, Tamam aŋsam aupasek dam ta ipare idu na wa.

Jesus anaŋ geg pani san niŋen o maŋau ipidinai a

¹⁶“Saen oŋ gudanek san dabai Ɔane wo anaŋ lo geg gane tap, nao san leil ta ganep saian na wa, nek ibol tamol balek uraru adi digane dak ago mi ta gane na wa. Iŋ naod diganep saian dop aenta dil dop dubol a, ‘iŋ anaŋ tia ditor da.’ Ɔai rumok Ɔurupaiaŋ da, iŋaned naon idaisuda mi diŋane la ya. ¹⁷Ak man saen oŋ gudani wo anaŋ lo geg gane tap, usug pe nao kubune wo uyan a. ¹⁸Ago dop aenta oŋ anaŋ lo geg gane yan ta duloŋ na wa. Ago dop Tama mi ilio dop, iŋ mel mianuk lo ile dan, naon ipano wa.

Filian kumaen panu lo dien da

Luk 12:21,33-34; 11:34-36; 16:13

¹⁹“Aŋ tan en lo filian tubun mok afuti wo urat maeg ta agane na wa. Fun dugo, ente man kadum diani wak, teirteir dam malad dusue wak, gumagam dam ab digilep diladup digam a. ²⁰Ak man kumaen panu lo mi filian afuti wa. Aben an ate kadum ta diani na wak, teirteir dam malad ta dusue na wak, agod

gumagam dam ab digilep diladup ta digam na wa. ²¹Man dugo, aben a oꝛane filia ate yen dan, nek aben an mi lo oꝛane ilo tini fidian dam antem yen a.

²²“Oꝛane mala man tini san lilaman. Saen oꝛane mala uyan tap, tini fidian mi igane ilalaꝛ a. ²³Ak man saen oꝛ mala saian tap, tini fidian geig an tidom tubun da awan isa wa. Aria, saen lilaman oꝛ lo yan tidom tubun oꝛ tap, tidom tubun an bilkas geig a.

²⁴“Tamol ta gurman uraru mi nal kisaek lo mi awad yabi san tia ya. Iꝛ ago igane wo igane tap, iꝛ kisaek o lian niꝛen o imat dop, turan ile sisaian a. Tia dop, kisaek o lian ilon ipani dop, turan patun ipani wa. Nek ago mi oꝛ Anut moni da sisem uri san tia ya.

Ilo ta muruan na wa

Luk 12:22-31

²⁵“Nek an niꝛen o ꝑurupaiaꝛ da, aꝛsam madok niꝛen o ilom ta muruan na wa. Mel ani wan niꝛen o, mel aluk san agod bioꝛꝛ tinim san an niꝛedi wo ilom ta muruan na wa. Ak dugo, anaꝛ an mel tusan dugo ꝑutumi an mel tubun ak i? Aria, taida mi, bioꝛꝛ tinim san an mel tusan dugo tinimi mok an mel tubun ak i? ²⁶An niꝛen o kuseꝛ eil, iꝛ anaꝛ ta dupae na da, iꝛ anaꝛ disinip anaꝛ ab lo ta dutumani na da, ak man Tamami kumaen panu lo amaiak iꝛaned anaꝛ ipidinai da. Ak dugo, Anut malan lo kuseꝛ mel tusan dugo aꝛ mel tubun geig ak i? ²⁷Ak dugo, aꝛ luluaꝛ lo talpein ta ilon weiwei dan lo nal taidam ka imado wak i? ²⁸Agod aꝛ ata wo bioꝛꝛ direk san niꝛedi wo ilom muruan dak i? Garaꝛ san kakak dugo woꝛ disa dak ilom isou a. Kakak an urat ta digane na dak, agod iꝛaned bioꝛꝛ dam ta diwei na da. ²⁹Ak man ꝑai ꝑurupaiaꝛ da, gidad Solomon damag siꝛaokan ak dupani bo man, iꝛsan leil man kakak an san leil igo tia ya. ³⁰Aria, Anut garaꝛ san kakak san leil iꝛanep siꝛaokan ago dilasa dop, gidad gamu kumaedi dumado gup gabulop yai lo diabiau o tap, o aꝛ tamol ilo rumok amam tusan a, ak dugo, aꝛ dam bioꝛꝛ tinim fo ta idiri na wak i? ³¹Amaiak niꝛen o ilom muruan pe ‘ata tani wak i?’ tia, ‘ata taluk ak i?’ tia, ‘ata tinid san bioꝛꝛ oꝛ tidiri wak i?’ ago ta abol na wa. ³²Man dugo, gob adi mel an fidian abaꝛan diabi dutor da. Agod aꝛanem Tamami lak na imado dan mel dugo niꝛedi wo amat dan iꝛ fidian ilon ꝑasik a. ³³Gug imug mi man, iꝛsan kagin panek lo aladu san, agod iꝛsan kagin itaot an dam aꝛane san niꝛen o maeg agane wa. Ago agane tap, mel an fidian dam aꝛane wa.

³⁴“Ak niꝛen o gabulo san niꝛen o ilom ta muruan na wa, man dugo, gabulo man iꝛsen niꝛen o mi ilon muruan a. Nal anen anen iꝛaned muruan anen anen idaisuda la ya.

Aenta bitinaek lo ta dirai na wa

Luk 6:37-38,41-42

7 ¹“Oꝛ aenta biai dudu wo bitinaek lo ta dirai na wa. Oꝛ ago ta gane na tap, Anut dam oꝛ lo ago ta igane na wa. ²Man dugo, dal

kisaek nek a lo, aenta bitinaek lo dirai dan, ago mi Anut onj dam lo ago igane wa. Agod saen aenta sad madok bitinae ule man, tou dugo yan lo onj aenta pidinai dan, tou nek kisaek an mi lo Anut onjane madok dam ibitinae ile wa. ³Dugo wonj go metmet samun ta tei malan lo ule gug onsigane mala lo ai lapan yen an ta kubiani na yak i? ⁴En dugo wonj tei rupeip ubol, ‘Gane dop metmet samun a mala lo yan njupasi yau,’ dugo onsigane mala lo ai an nal fidian mi ago yen di? ⁵Onj bale uraru ama ya, imug mi sigane mala lo ai lapan an pasi gup, lo abanj ka ule uyanan dop lo tei malan lo metmet samun an pasi yau a.

⁶“Mel gun ak gown ta pidinai na wa. Ago gane tap, gown an didansap tini diburtiti kitiktik a. Nek ago mi onjane koksai bor naod na ta ubal na wa. Ago gane tap, bor njied nam duparfufari wa.

Sumiaen, abanj ule, dalawan tuti

Luk 11:9-13

⁷“Sumiaen dop Anut ipano wa, abanj ule dop ule wa. Dalawan tuti dop ipasi pano wa. ⁸Man dugo, talpein a isumiaen dan inane wa, talpein a iban ile dan ile wa, agod talpein a iladu wo isumiaen dan, Anut dalawan ipasi pani wa.

⁹“Enti anj lulugam lo nanun bret o isumiaen dop pat ipani wak i? ¹⁰Tia dop, iy o isumiaen dop mot wagai ak ipani wak i? ¹¹Fun an ningen o gidad onj tamol saia bo man, nanu murou mel uyan uyan ak pidinai o ulonj a. An ningen o mel uyan uyan ak sapita taida dop onj Tama kumaen panu lo yan tamolpein a dusumiani dan ipidinai ak i? ¹²Ak ningen o mel fidian lo kagin tamolpein aenta dukubiai pano wo ilo ibol dan, kagin nek an mi onj dam imug mi kubiai pidinai a. Ago agane tap, kagin naok naok nek a kubiaen lo ibol an, agod profet sad ru kubiaen durupaianj an dam ibulumai a.

Dalawan ipipiani aman

Luk 13:24

¹³“Dalawan ipipiani^e aman an lo mi aladu wa. Man dugo, dalawan a pitininek aben lo yau an man tubun geig a, agod san dal dam nek ago mi a, agod tamolpein a dalawan amaiak lo diladu dan man wei kasik a. ¹⁴Ak man dal a kumaen aben lo yau dan man ta pasauman na ya, agod san dalawan ipipiani aman a. An ningen o tamolpein kisaek kisaek mi dal amaiak dile da.

Ai ta nujon an da

Luk 6:43-44; 13:25-27

¹⁵“Profet sewak an nijedi wo kagin agane wa. Inj tinidi sipsip sunulon nam dubuluwi dop lo mos nam anjam na dupalu wa, ak man tinidi ilon

^e Ipinima

lo man in̄ nek ibol gown kasik yai ided geig ak igo won̄ a. ¹⁶In̄sad urat nūjon digane ilasa dan te gup sad bunud lo ale alon̄ ak in̄ tamol naok ago ya. Ak dugo, ka tamolpein ai dudurun anda yak lo an̄ar nūjon dījane wak i? Tia, nom lo fud nūjon dījane wak i? Tia geig a. ¹⁷Fun an nījen o saen ai ta uyan tap, san nūjon ifu ilasa man dam uyan mi a. Ak man saen ai ta saian tap, san nūjon dam saian a. ¹⁸Ai uyan ak lo nūjon saian ak ilasa san tia ya, agod ai saian ak lo nūjon uyan ak ilasa san dam tia ya. ¹⁹Saen ai ta nūjon ta ifu uyan na tap, ai an ditare idup dubal yai fo isuda wa. ²⁰Nek dal an lo mi sad naok naok dugo sad kagin lo igane ilasa dan te, in̄ tamol naok dugo yan an̄ ale alon̄ a.

²¹“Tamolpein a ɲai durupaiaɲ pe ‘O Tubun ak, O Tubun ak’ igo dubol dan lulun̄ad lo, aenta Anut san kagin panek lo diladu san tia ya. Tia, tamolpein nek a ɲaisag Tamag kumaen panu na imado dan san ilon dugo yen dugo durid amaiak mi diladu wa. ²²Nal an lo tamolpein wei mi durupaiaɲ pe dubol a, ‘O Tubun en, O Tubun en, maɲ on̄ yaɲa lo profet ru mabol ilasa ya, on̄ yaɲa lo ur saiak saiak tamol ilod lo mukudai diau a, agod on̄ yaɲa lo dam urat dababai anda yan wei mi migane na yan ta ulon̄ na i?’ ²³Ak gug ɲai ɲurupidaip ɲabol a, ‘ɲai nal fidian an̄ ta ɲalon̄ na ya. An̄ kulob saiak saiak san tamolpein, abisawag pe sen alasa!’

Ab bek ta san kankan milae in̄ ab bek ta san kankan ɲiɲeo ak da

Luk 6:47-49

²⁴“Ak nījen o talpein a ɲaisag ru ilon̄ pe awag kagin ipani dan, in̄ nek ibol maɲau tamol ab yabi wo dugo bag san gib kuror mi yabig, pat nam bag fun isueg sakar ak igo won̄ a. ²⁵Agog saen ui tubun ak isi dugo, lom dam idug tim ifureg ab an ifuni bo man, ab an ibili idu san tia ya. Man dugo, ab an pat nam yabi an lo itur sakar a. ²⁶Ak man talpein ru e ɲabol den ilon̄ gug awag kagin ta ipani na dan, in̄ man nek ibol ɲiɲeo tamol igo ya, in̄anen ab yabi wo dugo gib ta yabi nag, lul fufo mi yabi ak igo won̄ a. ²⁷Agod saen ui isig lom tubun ak idu dugo tim dam ifureg, ab an ibili idug iratitale yau a. Agod ab an san pitiɲinek man saian geig a.”

²⁸Saen Jesus tamolpein sad na mel e fidian ibol se yen igane itout man, in̄san dal dugo lo maɲau ipidinai man dileg maladi ifure idu ya. ²⁹Fun dugo, in̄ nek ibol in̄sad kubiaen̄ san girek maɲau adi igo won̄ maɲau ta ipidinai se na ya, tia, tamol tubun yaɲan anda yak on̄ ipiteɲanai se ya.

Tamol ta tinin lepra yafutani a

Mak 1:40-45; Luk 5:12-16

8 ¹Saen Jesus did an fo idu dugo tamolpein wei mi ɲien aban diri se ya. ²Ago dugo tamol ta tinin lepra yafutani an ipalug Jesus naon na turun isaluwig irupe, “O Tubun ak, on̄ ilo ibol tap, ɲai kubuniag pe tinig ikok ilasa da wa.” ³Agog Jesus banin iwateg isupurig ibol, “Ubol agom

ñai ilog ago yen da, ikok lasa.” Agog tamol an tinin ikok ilasa kisaek on a. ⁴ Ago dugo Jesus irupeig ibol, “Kagin gane, kulob ilasa yen nigen o aenta ta rupidai na wa. Tia, itaot waup, tini Juda sad pris mi kubiaip ile dop, mudan a Moses san kubiaen lo ibol dan ñanep Anut yai gane pani. An lo dop tamolpein dulon ak onane subam itout a.”

Rom yu gurman san ilo rumok

Luk 7:1-10

⁵ Jesus Kaperniam na yaug saen iladu wo dugo Rom san yu gurman ta inşan na ipalug binawek ipani wo imosiai a. ⁶ Ago dugo irupeig ibol, “O Tubun en, ñaisag urat tamol ta subam ifunig ab lo yen da. Ñien banin imat dugo madai tubun kasik lo yen da.” ⁷ Agog ru naon irupeig ibol, “Ñai ñupalup ñukubune wa.” ⁸ Ak gug yu gurman an ru naon irupeig ibol, “O Tubun en, on ñaisag ab lo ladu san man ñai yanag tia ya. Ru mi ubol dop lo ñaisag urat tamol uyan isusa da wa. ⁹ Man dugo, nek onse ago mi, ñai dam tamol aenta waged lo urat ñigane da, agod ñaisag yu tamol adi paeg na dumado da. Saen ñai yu tamol ta ‘wau’ ñabol tap, in yau a. Tia, ta ‘palu’ ñabol dop in ipalu wa. Tia, ñaisag biabi ñilañal ta ‘igo gane’ ñabol dop, in igane wa.” ¹⁰ Jesus ru an ilon man, irut saian geig a. Agog idansag tamolpein a ñien aban diri se yan irupidai, “Rumok geig ñurupaian da, tamol ta ilo rumok naok igo yak aman da Isrel ilon lo ñile man tia ya. ¹¹ Ñai ñurupaian da, tamolpein wei mi ad ilasa dak ate, agod ad idiau dak ate dam dupalup Abraham, Aisak, agod Jakob dida dutumanip, Anut san kagin panek aben ante sisem dumasip, soubul san anañ diani wa. ¹² Ak man Anut inşan kagin panek aben san tamolpein injal pe yabiaup patun fo dilasa dop tidom tubun lo mi dumado yau a. Aben ante man tamolpein tinañ digane dop madai lo luod dugurmi wa.” ¹³ Agog Jesus yu gurman an irupeig, “Wau, nek ibol on ilo rumok ama da ago mi, ñai dam nek ago mi ñigane wa.” Saen Jesus ago ibol go itout man, biabi ñilañal an uyan isusa kisaek on a.

Jesus tamolpein wei mi ikubuniaig uyan dilasa ya

Mak 1:29-34; Luk 4:38-41

¹⁴ Pita raon subam ifunig tinin dam wananan go, gadab fo inşiganen ab lo diganeg yen se ya. Saen Jesus ab an lo iladu man, pein an yen dugo ile tag ¹⁵ banin iwateg pein an banin yabi a. Agog pein an tinin ibubarum kisaek on dugo subam an ibisei a. Agog imasa itur go anañ ikubuneg Jesus kagin ipani a. ¹⁶ Aria, saen gurai isi dugo, tamolpein a tinid ur saian saian amad da yan diñal dupalu ya. Ago dugo Jesus ru ta dabai anda yak lo ur saian an fidian ikudai diau a, agog tamolpein subam amad da yan dam ikubuniaig uyan dilasa pasik a. ¹⁷ Jesus kulob a igane yan lo awak aban ta profet Aisaia ibol an nuñon ilasa ya, “In idsad muruan injal go inşanen tinin nam idsad subam isini a.”

Jesus awan tiri san muruan

Luk 9:57-62

¹⁸Saen Jesus tamolpein wei mok dubuluwi dugo yil an, ijanen megeloum adi wog nam you aen ate diau wo irupidai a. ¹⁹Agog kubiaen san girek manau ta siniren na ipalug irupei, “O Girek Manau, on dugon te wau o dan, nai dam ate tau a.” ²⁰Gug Jesus ru naon irupeig ibol, “Goun kasik in wur amad da ya, anakanak dam wur amad da ya, gug Tamol Nanun ninen o man aben ta ate kabunan igansip njon yabi san o man tia ya.” ²¹Agog tamol ta in njen aban iri an irupeig ibol, “O Tubun en, umoi dop naup, tamag njisare gup.” ²²Ak man Jesus irupeig ibol, “Njeg aban uri wa. Tamolpein a njutudi imat la yan bisawai dop injsiganed tubabun ka disiriai a.”

Jesus inijen dugo beig tim da dutokubol a

Mak 4:35-41; Luk 8:22-25

²³You lo dupalug Jesus imug wog lo isuda gug ijanen megeloum murna disudag diyawai diau a. ²⁴Agog you titinjaem dumado dugo tim tubun ak ifure ya. Ago dugo you tubun geig imasag wog ilon lo iladu bo man Jesus njon yabi se ya. ²⁵Agog diaug Jesus dufufunig dubol, “Tubun ak binawam, tadek tau o sumeik da.” ²⁶Agog irupidaig ibol, “O an tamol ilo rumok amam nanunan, ata wo arer dak i?” Agog imasa itur go tim tamun da ipidai man, tim ifure na yan itout dugo you malin idu geig a. ²⁷Saen inisan megeloum ago dile man malad ifure idu dugo sed nug dusumianig dubol, “En so tamol ta igo yak i? Gidad you tim da dumasayak dubo man awan dulon a.”

Jesus tamol uraru tinid ur saian saian anda yak ikubuniai a

Mak 5:1-20; Luk 8:26-39

²⁸Jesus wog nam you aen ate ipalu dugo aban ta Gadarin tamolpein dumado dak ate disasau a. Aben ante tamol uraru tinid ur saian saian anda yak mutou aben lo dumado se ya. Uraru an yaided nuon a, an lo tamolpein nijedi wo tubun mi direr dugo aben ante ta diau na da. Saen Jesus sumeik ipidinai man mutou dibiseig diaug naon na dilasa ya. ²⁹Ago dugo tubun mi disasai dugo duwagin go dubol, “O Anut Nanun, on mel ta man lo i? Dag inisan saen mok gamugo ilasa wo dugo, man imug madai tubun ak panama wo palu i?” ³⁰Aria, in dumado dak ate kitekan asau man, bor malan tubun geig ak dunuaen se ya. ³¹Agog ur saian saian an Jesus san na dumosiaig dubol, “Gidad on tamol uraru en ilod lo kudama tap, diramap maup bor malan tubun an tinid lo miladu wa.” ³²Agog in irupidaig ibol, “Au.” An lo man, ur saiak saiak dilasag diaug bor tinid ilon lo diladu ya. Ago yan lo bor fidian dumasag, dumaspalug diaug

damab aen te dudug you duluk go dumat pasik a. ³³Tamol bor kagin dupidinaï dan disol go dumaspalu on panu lo diaug mel ilasa yan ningen o tamolpein durupidaig dulong a. Agod tamol a ur saiak saiak ditirni na yan mel dugo in lo ilasa yan dam ningen o dubol go dulong a. ³⁴An lo man, panu an san tamolpein fidian direr go Jesus dile wo dupalu ya. Saen dupalug dile man inaned aben ibisei wo dusumiani a.

Jesus tamol njen banin ikikai ak ikubune ya

Mak 2:1-12; Luk 5:17-26

9 ¹Jesus wog fo isudag you ituteg aen ate siganen taun lo yau a. ²Ante tamol ta njen banin fidian ikikai aman ak kapal anda disinig Jesus san na dupalu ya. Agog saen Jesus inaned ilo rumok ile man, tamol an irupeig ibol, “O nai nanug, se ilo wabisa; nai onjane aupasek fidian nusus yau la ya.” ³Ago dugo kubiaen san girek manau aenta in awan dulong man ilod lo mi dubol se, “Tamol an Anut lo ru kukok igane da.”

⁴Ak man Jesus in kankan dugo digane se yan fidian ilon pasik an lo irupidaig ibol, “An ata wo ilo saiak saiak ilom lo agane dak i? ⁵Ata mel pasauman ak i? Aria, nai igo nabol, ‘Onjane aupasek nupasi yau wo?’ Tia, ‘Masap kapal wabisap utor o?’ ⁶Gug kulob e njigane en lo, nai Tamol Nanun, tan en lo Anut wagen lo aupasek ka nupasi yau amaiak alon o ...” saen ago ibol man, tamol a njen banin ikikai aman ak irupeï, “On masa utur pe onjane kapal nanep onsigane na wau.” ⁷Agog tamol an imasa itur go siganen ab lo yau a. ⁸Aria, saen tamolpein a Jesus dubuluwi an kulob ago dile man, dirut saian go Anut yanan diabisa ya, man dugo, inisan dabai naok ago yan tamol ta ipanig, an lo tamol njen banin ikikai ak ikubune ya.

Jesus Matyu iwagi a

Mak 2:13-17; Luk 5:27-32

⁹Jesus kitekan taida yang ab ta, ate moni njilanal tamolpein sad na takis dijaned dak ate ilasa ya. Ate man takis njilanal tamol ta imasig imado dugo ile ya. Tamol an yanan Matyu. Agog irupeï, “Njeg aban uri.” Agog Matyu imasag njen aban iri a.

¹⁰Murnag saen Jesus Matyu san ab lo imasig imado dugo sisem anan diani man, takis njilanal wei mok, agod tamolpein aenta wei mi a Farisi adi nijedi wo “aupasek tamol” dubol dan dam, dupalug dumasig Jesus inanen megeloum dida sisem anan diani a. ¹¹Saen Farisi adi ago dile man Jesus san megeloum dusumianai, “En ata wo anjam girek manau takis njilanal, agod aupasek tamolpein dida sisem anan diani dak i?” ¹²Ak man Jesus insad sumiaen ago ilon man irupidaig ibol, “Tamolpein a uyadi ak dokta san na ta diau na da, tia, tamolpein subam anda yak mi diau da. ¹³Alasa aup girek en ilom isou uyan dop san fun alon mok a, ‘An ilo uyan

apanag an ningen yai agane panag o ilog ta ibol na ya, tia, an aenta ilom imunanai o mi n̄amat da.’ Man dugo, n̄ai tamolpein a itaot adi dubol dak n̄igiaip dupalu san ningen o ta n̄upalu na ya, tia, aupasek tamol adi mi n̄igiaai o n̄upalu ya.”

Jon san megeloum anan san geg ningen o dusumiaen a

Mak 2:18-22; Luk 5:33-39

¹⁴Agog Jon san megeloum Jesus san na dupalug dusumiani, “Man agod Farisi dida nal kadi anan lo sema geg ipanama da, ago gug ata wo on̄sigane megeloum anan lo geg ta digane na dak i?” ¹⁵Agog Jesus irupidaig ibol, “Tamol ta iwon da sad nug n̄anek san saen an ilom isou a. Ak dugo, saen tamol an in̄anen turan mouroon dida dumado dan, waliḡ diganep lo ilo muruan amad da dumado wo ago digane wak i? Tia geig. Gug nal ta ipalu dan te man, nug n̄anek san tamol an naon atna tia wa, nal an lo gup waliḡ digane dop ilo muruan lo ditata wa.

¹⁶“Tamol, yamel kilaken ta ikukuik^f na yan irasirep ate yamel wagam ak san mutunuk ta iwei na da. Man dugo, ago igane tap, yamel kilaken foun an yamel wagam an irae dop afon irasire dop daon̄ ipani wa.

¹⁷Agod tamol dam wain foun ak bilelek suḡulon wagam ak lo ta diwali na da. Man dugo, ago digane tap, wain foun an iganep bilelek suḡulon wagam an ikafut yaup ipuk dop, wain ikulmaek pe tan fo idu dop, bilelek suḡulon dam daon̄ ipani wa. Fun an ningen o in̄ wain foun ak bilelek suḡulon foun ak lo mi diwali da, ago dop bilelek suḡulon an in̄ wain da sisem ka uyanan mi dien yau a.”

Kubakan ta imat ak in̄ pein ta subam anda yak da

Mak 5:21-43; Luk 8:40-56

¹⁸Saen Jesus mel an sad na ibol ilasa dugo, gurman ta san na ipalug n̄ien fun na turun isaluwig irupeig ibol, “In̄aineg nanug pein gamu na geig imat a, ak man on̄ in̄san na palup bani kabun̄an fufo gane tap man, kumaen ilasa da wa.” ¹⁹Ago tag Jesus imasag in̄anen megeloum dida n̄ien aban dirig diau a.

²⁰Gug saen dal durig diau man, pein ta subam anda imado se yan n̄ien aban irig yau se ya. Pein an anan̄ar 12 siganen dar tinin ilon lo yak ilasa se ya. Aria, in̄ Jesus patun fo yaug sumeik man banin iwateg in̄san kulos bitin̄en isupuri a. ²¹Man dugo, in̄ imug mi siganen ilo sou lo ago ibol, “In̄ai banig in̄anen kulos mi n̄usupuri tap, in̄anen dabai ikubuniag a.” ²²Saen in̄anen kulos isupuri man, Jesus idan̄sag ileg irupeḡ, “O nanug pein, ilo wabisa, on̄sigane ilo rumok n̄ai lo yan ikubunio ya.” Ago ibol man pein an tinin nek saen ante mi uyan ilasa kisaek on̄ a.

^f Ikukup isuda

²³ Saen Jesus gurman an san ab ate ilasa man, ilon lo iladu ya. Ante man tamol suduk duwi dugo, tamolpein ditata wo dutumani an, lilijan tubun mok diganeg dumado dugo yil a. ²⁴ Agog irupidaig ibol, “Alasa au, man dugo, pein baras an ta imat na ya. Tia, inj njonj yabi da.” Ago ibol man disel on dugo kukok an digane se ya. ²⁵ Ak man Jesus imug tumanek malan an ikudaig kuai te dilasa, agog pein baras an san galun lo iladug banin te yabi a. Saen yabi man pein baras an imasa ya. ²⁶ Agog kulob e igane yen san njinej an dijaneg aben tubun an san titin fidian lo dubol itiliani a.

Jesus tamol malad itau agod tamol awan itau ak dam ikubunia i a

²⁷ Jesus aben an ibiseig yau dugo tamol uraru malad itau an njien aban duri se ya. Inj tubun mok disasai dugo duwagin se, “O Dawid Nanun, gidad ilo panama wo!” ²⁸ Saen Jesus ab ta lo iladu man, tamol uraru malad itau an ate san na dilasa ya. Ago tag irupidaig ibol, “Ak dugo, nai kulob e njigane san an ilom lo rumok ak i?” Go inj durupe i, “Awo, O Tubun ak.” ²⁹ Agog Jesus uraru an maladi isupuri dugo ibol, “Ananem ilo rumok iri panim nek ago mi an o ilasa wa.” ³⁰ Agog maladi uyan ilasag aban dile uyan a. Ak gug Jesus ru dabai nam ru kagin igo irupidai, “Kagin agane wa, talpein ta kulob e ilasa yen dulon o ta arupidai na wa!” ³¹ Ak man dibiseig diaug njinej an aben fidian distrik an ilon lo dubol ditiliani se ya.

³² Saen Jesus injanen megeloum dida ab an dibisei man, tamol awan itau ak ta dijaneg san na dupalu ya, man dugo, tamol an ur saiak ilon lo imado na ya. ³³ Jesus tamol an ilon lo ur saiak an ikudi man, tamol an injinej kisaek on a. Agog tamolpein a dutumanig dumado dan kulob an dileg durut saian go dubol, “Mel tutubu naok ago yak imug mi Isrel na ta ilasa na ya.” ³⁴ Ak man Farisi adi dubol, “Ur saiak sad gurman injanen tuon nam ur saiak tamol tinid ilon lo yak ikudai da.”

Urat tamolpein wei an tia ya

³⁵ Jesus panu fidian agog taun fidian lo itilianig itor se ya. Injaned ubou ab fidian ilod lo ipitejanai go aben gidigidad lo Anut san kagin panek an san bilalun uyanan ak njien o ibol ilasa se ya. Agod subam naok funfun an fidian dam ikubunia i na ya. ³⁶ Saen tumanek ile man, ilon lo tubun mok imujanai a, man dugo, injanen malan lo gown kasik tamolpein an dirasisirai ak igo won a, agod tan fufo dudug dabai amad tia yak dien dak igo won a. Nek ibol sipsip sad muroun tia yak ago mi dumado se ya. ³⁷ Agog Jesus injanen megeloum irupidaig ibol, “Anan wei mi ibes pasik a, ak man sinek san tamol wei an tia ya. ³⁸ Amaiak njien o ananem gadin lo man, an sinek urat san muroun asumiani dop inj ka sinek san tamol wei mok injal pe idinaip, anan dutumani wo, injanen abi lo diau a.”

Jesus injanen megeloum urat digane wo manau ipidinai a

Mak 3:13-19; 6:7-13; Luk 6:12-16; 9:1-6

10 ¹ Jesus injanen megeloum 12 an igiaig sijiren na dupalug dabai ipidinai a. Ago yan lo inj wagen lo ka ur saiak saiak tamolpein

ilod lo dukudai diau a. Agod dam ka subam funfun dukubuniaid idu wa. ²Aposel 12 an yaḡadi igo ya, imug an Saimon, tamol an yaḡan neinta Pita dubol dan, iḡ tein Andru da. Tinin te Jems iḡ Jon da Sebedi nanun muroun. ³Filip, Bartolomiu, Tomas, Matyu tamolpein sad na moni takis isi dan, Jems Alfeus nanun, agod Tadaeus. ⁴Saimon neinta iḡ Rom san yu tamol sad ager, agod Judas Iskeriot tamol an murnag Jesus ager tamol banid lo igane yau a.

⁵Jesus tamol 12 en idinaig ru dufulale wo diau a. Iḡ igo digane wo irupidai a, “Aḡ tamolpein Juda tia yak sad tan lo ta au na wak, agod taun dugon Samaria sadi dam lo ta au na wa. ⁶Tia, sipsip a dideg diau san dumado dan Isrel sad warou lo dilasa yan sad na mi au a. ⁷Atiliani ator dop igo abol ilasa wa, ‘Anut san kagin panek ipalug sumeik la ya.’ ⁸Subam ifu an akubuniaid, dumat la yan afufunaip dumasa wa. A tinid lepra amad da yan akubuniaip tinid afon uyan ilasa da wa. Agop ur saiak saiak tamolpein ilod lo yan akudai diau a. Aḡ ḡaisag dabai sen kawan aḡane amaiak niḡen o, tamolpein dam moni tia kawan akubuniaid a. ⁹Aḡ moni dam ta asini na wa. Pat naon ibol gol boi ta silva boi ta kopa ago woḡ aḡanem let lo iyuk dan ta asini na wa. ¹⁰Au wo dop tureḡ san badam ta asini na wak, madid san kulos taidam ta asini na wak, sendal dam ta aḡane na wak, agod makud dam ta aḡane na wa. Man dugo, a sad na urat agane wo dan anaḡ lo dibinawaḡ san man uyan a.

¹¹“Agog saen panu ta boi, tia taun ta boi lo aladu wo dop asumianai a. Ago dop enti tamol uyan an dubol aloḡ gup, aup, tamol an da amado na gup, abisei dap, au a. ¹²⁻¹³Agog saen san ab lo aladu wo dop, bar maror san an tamolpein ab an lo dumado dan niḡedi wo agudani gup, aladu wa. Saen tamolpein an ilo uyan lo digiaḡ tap, bar an iḡ da dumado wa. Ak man saen iḡ ta digiaḡ o uyan na tap, bar an apasi aḡane da wa. ¹⁴Ak gug saen tamolpein abaḡ an ate patud dupanaḡ boi, tia, aḡsam ḡiḡeḡ ta duloḡ na tap, ḡiem fo gufgaf afuni idu gup, ab boi, tia, aben boi, an abiseip au a. ¹⁵ḡai ru en rumok geig ḡurupaiaḡ da, saen nal a lo Anut tamolpein ibitinae san ilasa dop, aben an san tamolpein muruan tubun geig ak ipidinai a. Agod iḡaned wadan naon an taun Sodom iḡ Gomora da sad wadan naon an iriḡani geig a. ¹⁶Aloḡ siḡaokan, nek ibol sipsip iḡ goun kasik lulunaḡ lo dutor dak igo woḡ, ḡai aḡ ḡidinanaḡ pe tan en san tamolpein naod na au o da. Ago yak niḡen o mot igo woḡ abaḡ ale wo uyanan a, gug aḡanem tureḡ lo nek muluk oḡ mos kagin lo mi ator a.

Murnap muruan wei mi dilasa wa

Mat 24:9-14; Mak 13:9-13; Luk 21:12-19

¹⁷“Tamol niḡedi wo kagin agane wo uyanan a, man dugo, tamol an dusubanaḡ dop diḡiliaḡ pe iḡaned tumanek lo dibitinaḡ o dugunaḡ a, agod Juda sad ubou ab lo rasau nam dufunaḡ a. ¹⁸Tamolpein an ḡai

nineg o dibianj dop dirianj onj diñilianj pe tamol gurman inj kinj da naod na atur a. Ago yan lo inj naod na, agod gob fidian naod na dam, anjanem ilo rumok ñai o kuai tem ka abol ilasa wa. ¹⁹Aria, saen ager banid lo didiranj dop, ru dugo abol man ninjen o ilom ta muruan na wa, ru naok dugo yak arupidai an dam ninjen o ilom ta saian na wa. Man dugo, saen nek an lo ru a arupidai an Anut san Urgun ipanarj a. ²⁰Man dugo, ru a ubol dan onsa mi tia ya. Tia, onjane Bai Anut anen Ur, injsen mi onj awa lo injinej da. ²¹Tein ta injanen tein ager banid lo iganep dufuni imat a. Taman ta dam nanun muroun lo ago igane wa. Nanuk dam tinan taman patun ipidinaip ai katuk banid lo idiraip dufu dumat a. ²²Agod tamolpein fidian ñai nineg o anj lo siai digane wa. Ak gug enti a muruan en fidian lo itur sakar onj yaup injanen wadan idu dop, ñai talpein an njanep patun nupasi wa. ²³Saen panu ta ante muruan dupano tap, usol pe panu turan ate wau a. Ñai rumok nrupaianj da, anj panu fidian Isrel ilon lo yan ate gamugo au itout dop, ñai, Tamol Nanun, ñamul nupalu wa.

²⁴“Nanuk manjau injane wo dan, injsan girek manjau ta irinjan na da. Agod urat tamol dam injanen tirnek ta irinjan na da. ²⁵Nanuk a manjau injane dan siganen girek manjau igo wonj ilasa tap, an idaisuda ya. Agod urat tamol siganen tirnek igo wonj ilasa tap, an dam idaisuda ya. Ak dugo, ab muroun inj Satan dubol dak ago tap man, sapta taida dop ab muroun an san gugoi lo uf ru dupidinai ak i?

Tamol Anut mi ninjen o irer a

Luk 12:2-9

²⁶“Amaiak ninjen o anj tamolpein naok ago yak ninjedi wo ta arer na wa. Man dugo, mel fidian gamu dufutanig dien dan murnap walal te dilasa wa, agod mel fidian gamu mianuk lo didiraig dien dan dam, murnap Anut iganep id fidian talonj a. ²⁷Ru tidom tubun lo nrupaianj dan, ad lo abol ilasa wa. Agod ru dugo kisikisik lo alonj dan, ab funj fufu atur pe awam tubun mi abol ilasa dop fidian dulonj a. ²⁸Agod tamolpein a onj tini dufuni imat gug, onj ntu dufuni imat san ta idaisuda na yan ninjedi wo ta urer na wa. Tia, gidad enti a onj tini ntu sisem Ades lo daonj ka ipidinai san dabai aman da yan ninjen o mi urer a. ²⁹Ak dugo, kusej uraru didaenj san an sapita yak i? Nek toea kisaek o lian a. Ago bo man, onjane Bai ilon ago ta yen na tap, kusej an dumat pe tan na dudu san tia ya. ³⁰Nek gurma roun san sutek Anut ilonj pasik a. ³¹Amaiak ninjen o urer umoi. Anut malan lo onjane naon lak na geig a, naon an kusej wei mi sad naod irinjan geig a.

³²“Talpein ta tamol naod na inj njasag ago ibol tap, ñai dam Tamag kumaen panu na yan naon na natur pe nabol ak inj njasag a. ³³Ak man talpein ta tamol naod na inj njasag tia yak ago ibol tap, ñai dam Tamag kumaen panu na yan naon na inj njasag tia yak ago nabol a.

Jesus tan na ilasa yak san fun*Luk 12:51-53; 14:26-27*

³⁴Kabelan naj maror tan en lo njigane ilasa san njupalu yak ago ilom isou banau. Tia, naj muruan ale yau o anj lulunam lo njupalu ya. ³⁵Man dugo, naj njupalu san fun man igo ya,

‘nanuk dimasap tamadi lo siai digane wa,

nek ago mi nanudi pein dimasap tinadi lo siai digane wa.

Nek ago mi, nanuk pein dam dimasap iraodi lo siai digane wa.

³⁶Tamol san ager mok man, siganen gugoi ilon lo mi a.’

³⁷Talpein ta tinan taman nijedi wo tubun geig imat gug, naj o tubun mi ta imat na tap, talpein naok ago man inj njaisag talpein ilasa san an ta idaisuda na ya. Agod talpein ta nanun mouroin nijedi wo tubun geig imat gug, naj o tubun mi ta imat na tap, talpein naok ago yan dam njaisag talpein ilasa wo ta idaisuda na ya. ³⁸Agod talpein siganen aigim fufo imat an isinip njieg aban ta iri na tap, inj dam njaisag talpein ilasa san ta idaisuda na ya. ³⁹Talpein a siganen madok yabituani dan, madok mok a kumaen panu lo yan banin lo ideg yau a. Ak man talpein ta naj njieg o siganen madok tan san an banin lo ibisei yau tap, madok yen yau san an injane wa.

Id aenta tibinawai tap, naon uyanan ak tiijane wa*Mak 9:41*

⁴⁰“Talpein enti uyan ipanaj tap, naj dam uyan ipanag da. Agod inj a uyan ipanag dan, a idinag go njupalu yan dam uyan ipani da. ⁴¹Talpein ta inj profet ta ilonj gug profet an uyan ipani tap, inj profet sad urat naon injane wa. Nek ago mi, talpein ta inj tamol itaot ak ta ilonj gug, tamol an uyan ipani tap, inj dam tamol itaot aman an san naon injane wa.

⁴²Agod talpein ta nanuk kititik lulunad lo nanuk kisaek o lian, inj njaisag megeloum ago ilonj go, talpein an you bubarum kitek an mi nanuk an ipani tap, naj rumok njurupaianj da, kulob an san naon iriniani san tia geig a.”

Jesus inj Jon suguek san da*Luk 7:18-35*

11 ¹Saen Jesus injanen megeloum ru kagin irupidai itout man, inj aben an ibiseig yau a. Yaug aben an san taun gidigidad dien dan lo sad tamolpein ipitejanai dop Anut san ru ifulale wo itor se ya.

²Aria, saen Jon subanek ab lo imado se man, Kristus urat naok naok igane dan ilonj, injiganen megeloum aenta idinaig ru disinig Jesus san na diau a. ³Ru sinek tamol an Jesus san na dilasag Jon wagen lo ago dubol dusumiani, “Tamol a ipalu san ninen o manj mala nouk mumado dan, onj

tamol nek amaiak i? Tia, man tamol sen ak ipalu san ninen o mala nouk mumado wak i?” ⁴Jesus ilon go ru naon irupidai, “Amul aup mel dugo ale dugo, ru alon na yan dam Jon arupeip ilon a: ⁵malad itau ak afon aban dile dugo, njed saian ak afon turen diabi dugo, a tinid lepra amad da yan tinid sijaokan dilasa ya. Kududod itau ak njinen afon dulon dugo, a dumat ak kumaen dumasag dumado dugo, agod tamolpein mel amad tia yak bilalun uyanan ak njufulale pidinai dugo dulon da. ⁶Agod talpein a njai o ilon ta saian na yan, in Anut san bar njane wa.”

⁷Jon san megeloum dumul diau dugo, Jesus Jon ninen o tamolpein irupidai o fun iganeg igo ibol, “Saen an aben kawan talpein tia yak ate au an, an ata mel mok ale wo au ak i? Nag an tim ifurep war iwi yau imul dop ale wo au boi ak i? ⁸Tia tap, ata wo au ak i? Nag an tamol ta tinin kulos naon lak na geig ak idiri amaiak ale wo au ak i? Tia, tamol a bioun naok ago yak didiri duman, in kin sad ab lo mi dumado da. ⁹Ak ninen o ata mel mok ale wo au ak i? Nag profet ale wo boi i? Awo, agod nek amaiak ninen o njurupaian da, profet en man rumok in profet a, ak gug urat subanan taidam da imado da, ¹⁰tamol nek emaiak ninen o girek e Anut san ru lo digire idug yen den, igo ibol,

‘Ule, njaisag ru sinek tamol njidinip, on nao na imug mi yau a.

An lo man onsa dal ikubune wa.’

¹¹Njai rumok njurupaian da, tamol a pein tinaed lo dilasa yan lulunad lo tamol ta kisaek Jon Suguek san irinani man tia ya. Ago bo man, tamol ta Anut san kagin panek aben ilon lo yanan aman tia yan, fidian aenta paed na imado dan, in Jon Suguek san an irinani a. ¹²Saen Jon Suguek San kuai te ilasag yang saen gamu tumado den lo, Anut san kagin panek aben an sen wagai ikubiani na ya, agod tamol wagai san amaiak silei nam aben an njane da. ¹³Man dugo, profet adi agod Moses san Kubiaen dam profet ru lo dubol ilasag yang saen Jon ilasa yan lo njaned urat itout a. ¹⁴Agod njinen e njurupaian en ilom lo rumok o ilom ago yen tap, profet Elaija Anut san buk lo in ipalu wak ru ago ibol an man nek Jon ama ya. ¹⁵Tamol on kududo ama da tap, ru an ulon uyanan a.

¹⁶“Saen en san tamolpein in naok dugo won ak i? In nek ibol nanuk kikitik dadej aben na dumasig dumado dugo nanuk aenta igo dubol digiai da,

¹⁷‘Man an atari wo dum muwi se ya,
ak man an ta atari na ya.

Agod mater san saen an san bar mabi se ya,
gug an ilom saian dugo atata man tia ya.’

¹⁸Man dugo, Jon ipalug anan tubun ak ta yani na dugo, you sakar ak dam ta iluk na ya, an ninen o ago dubol, ‘in ur saiak aman da ya.’ ¹⁹Ago dugo Tamol Nanun dam ipalug anan tubun mi yani dugo you sakar dam iluk da, an ninen o ago dubol, ‘Ale wo, tamol en tunalek tamol, agod

lukluk tamol, in man takis njanal agod aupasek adi dam sad turadi!’ Ak man, kankan a milaen mok amaiak, inanen kagin naok naok an lo mi tamolpein malad lo man itaot geig an ago ikubiai pidinai a.”

Taun funfun a sad tamolpein ilod ta dibili na yan muruan dile wa

Luk 10:13-15

²⁰Agog Jesus taun ante inſan kulob tutubu yak wei mi igane se yan ibubuſanai o fun igane ya, man dugo, taun an sad tamolpein ilod ta dibili na ya. Agog in igo ibol, ²¹“O Korasin san tamolpein, muruan tubun geig ale wa; O Betsaida san tamolpein, an dam muruan tubun geig ale wa. Man dugo, kulob girager a nai an luluſam lo nigan se amaiak, wagam geig taun Tair agod Saidon dam ante nigan wo tap, taun uraru an sad tamolpein ilod ibilsag, muguſ san kulos didirig, yai san utut fo dumasig dumado ya. ²²Amaiak nigen o nai an nſurupaian da, saen Anut san bitinaek san nal ipalu wan lo, urat naon Anut an ipanaſ an naon senamo geig a, agod muruan an Tair in Saidon da sad urat naon an iriſani geig a. ²³Agod an Kaperniam tamolpein, sem yaſam abisap timtaen lo isuda wak i? Tia mok, Anut inſen inliian pe au adu dop tan ilon lo aben yaſan Ades dubol dan lo idiraſ pe amado wa. Man dugo, kulob girager a nai luluſam lo nigan yan taun Sodom ante ago mi nigan yak man, gamu taun an yen dop na wa. ²⁴Amaiak nigen o nai an nſurupaian da, saen Anut san bitinaek nal ipalu wan lo, muruan Anut aſsam na igane ilasa wo duman, muruan a gubak mi Sodom san aben ante ilasa man iriſani geig a.”

An nai ſinireg na apalup yaes abal a

Luk 10:21-22

²⁵Saen an lo Jesus ago ibol, “O Bai, oſ kumaen panu agod tan en dam sad Tubun ak, nai oſ ilo uyan nupano wo da, en ata wo? Oſ melmel en mianaig an lo tamolpein a maſau amad da yan, agod tamol kankan milaen amad da yak dam melmel en duloſ san tia geig a. Ak gug tamolpein in nanuk kititik oſ dumado dan melmel en kubiai pidinaig duloſ o uyanan a. ²⁶Awo, Bai, oſane ilobol man nek ago ya, an nigen o ilo uyan ak lo oſ ago gane.

²⁷“Melmel fidian man naineg Tamag in nai tuog lo idiri a. Tamol ta in Anut Nanun ta ilon na ya, nek Taman inſen mi a. Agod tamol ta in nai Tamag ta ilon na ya, nek naiseg mi, gug nai mi tia ya, tia, tamolpein a naiseg ilobol lo mi Tamag nukubiai pidinai o yan in dam ka duloſ a.

²⁸“An fidian urat dabai geig agane dugo ilom isali dan, agod muruan tubun mi asini dan, naiseg na apalu dop, nai an tinim yaes ibal uyanan san nupanaſ a. ²⁹Naiseg urat ananep paen na sem ibian adu dop, nai lo maſau anane wa. Man dugo, naiseg mi mos kagin lo numado dugo maror

numado da. Ago dop an ɲutumi ɲai lo yaes ibal a.” ³⁰Man dugo, ɲaisag urat man muruan an tia ya, agod muruan a ɲupanɲ dan dam pasauman a.

Jesus man ubou nal yaɲan Sabat dubol dan san muroun

Mak 2:23-28; Luk 6:1-5

12 ¹Murnag Sabat nal⁸ lo Jesus kon abi lo itor se ya. Ago dugo inɲsan megeloum dimatigen, amaiak niɲen o inɲ kon nuɲon aenta dufunig fun diganeg diani a. ²In ago digane dugo Farisi adi dil a, ago tag Jesus durupeig ago dubol, “Ule, urat a Sabat nal lo tigane san niɲen o idsad kubiaen ipadau amaiak, gamu onane megeloum adi urat an digane da.”

³Ago man Jesus ru naon irupidaig igo ibol, “Nag mel e Dawid igane yen ta asuti na ak i? In inɲanen turan muroun dida kadag^h san saen lo anaɲ o dumat go, ⁴Dawid Anut san ab lo iladug, bret a Anut naon na didirig dien an isinig, inɲanen yu tamol adi dida diani a. Bret an tamolpein fidian lo geg a, nek Anut san pris mi diani wa. ⁵Nag an ru a Moses san kubiaen lo yen dan ta asuti na i? Sabat nal lo pris adi tempel lo urat diganep, saen an lo kubiaen a Sabat nal niɲen o ibol dan dipilali bo man, muruan amad tia ya. ⁶Aria, ɲai ɲurupaiaɲ da, tamol ta an luluɲam lo imado dan inɲ tempel irinɲani geig a. ⁷Anut san ru igo ibol, ‘An ilo uyan apanag san yai agane wan ilog ta ibol na da, tia, an aenta ilom imuɲanai o mi ɲamat da.’ Aria, an ru an san fun mok aloɲ uyan tap man, an tamol e muruan amad tia yan ta abiai dudu na wa. ⁸Man dugo, Tamol Nanun man inɲen Sabat nal an san muroun.”

Jesus tamol tuwon ikurɲak yau an ikubune ya

Mak 3:1-6; Luk 6:6-11

⁹Jesus aben an ibiseig yaug, taun ta siɲiren na ilasag, inɲsad ubou ab lo iladu ya. ¹⁰Tamol ta tuon ikikirig ikurɲak yau ak ante imado ya. Ago dugo tamol aenta dal abanɲ dilep lo Jesus ru dupani san niɲen o dusumianig igo dubol, “Ak dugo, idsad kubiaen an iliad funad dop subam tamol ta ka ubou nal lo tukubune wak i?” ¹¹Ago tag Jesus irupidaig ibol, “En dugo, tamol ta an luluɲam lo inɲ sipsip kisaek aman da ya, ak man sipsip an ubou nal lo gib lo idiau a, an niɲen o tamol an inɲanen sipsip ta irae isuda na wak i? Man tia ya. ¹²Ubou nal lo sipsip tibinawi wo uyanan tap, sapta taida dop id ka ubou nal lo tamol ta tibinawi wak i?”

¹³Agog Jesus tamol a tuon ikurɲak an irupeɪ, “Bani wate.” Ago man tamol an banin iwateg foun ikubune dag banin aenta igo mi uyan ilasa ya. ¹⁴Ak man Farisi adi dumasag ubou ab dibiseig Jesus palaɲ an dumari

⁸ Juda sad ubou nal yaɲan Sabat dubol dan man Sarare. ^h Pitol

wo diaug dutumani a. Dal dugo man lo Jesus daonj dupani san ninen o dijinje se ya.

Jesus in urat tamol Anut ipiliani a

¹⁵ Ak man Jesus kagin dugo digane wo dan ilonj, an ninen o aben an ibiseig yau. Ago dugo in tamolpein wei kasik iraug dadi diau se ya, ago dugo a subam amad da yan fidian ikubunia a. ¹⁶ Nal an lo dam in ru kagin ipidinaig ibol, “An hai enti mok an ninen o tamolpein ta arupidai na wa.” ¹⁷ Kagin nek amaiak lo, awak aban ta profet Aisaia ibol an nujon ilasa ya. In ago ibol,

¹⁸ “En man hai sag urat tamol, hai seg mi ipiliani a, hai neg bubeg mok,

in ninen o ilog bulbal da.

Hai hai sag Ur in lo hai gane wa,

agod dop in tamolpein aben fidian lo dumado dan sad na bitinaek
Anut san nag ipalu dan ninen o ibol ilasa wa.

¹⁹ In maeg iganep lo ru ta ikubiai dop iwagin na wa.

Taun san dal lo inanen awan iwagin den ta dulong na wa.

²⁰ In war roun dabai an tia yak daonj ta ipani na wa,

agod lunj ided onj dan ta igane imat na wa.

Ago igane yau onj dop, nal wadan lo man, tan en san tamolpein kot ipidina an lo,

kagin itaot an imug pe malan te ilasa wa.

²¹ Agod tamolpein a tan titin fidian lo dumado dan inanen yajan ninen o tini ganei digane wa.”

In dubol ak Jesus in Satan san dabai lo tamolpein ikubunia se ya

Mak 3:20-30; Luk 11:14-23; 6:43-45

²² Saen an lo tamol ta in tinin lo ur saiak aman da yan Jesus sinjiren na dijane dupalu ya. Tamol an in kududon agod malan dam itau a. Jesus ikubineg uyan isusa ya, agog tamol awan itau an ru ibol dugo, malan dam ka aban ile ya. ²³ An ninen o tamolpein fidian durut dugo ago dubol, “Dag tamol en man Dawid Nanun boi i?”

²⁴ Ak man saen Farisi adi inje an dulong man ago dubol, “Tia, ur sisaik sad gurman yajan Belsebul tabol damaiak, san dabai lo mi in ur sisaik ikudai diau da.”

²⁵ Jesus insad ilo sou ilonj dugo irupidaig ibol, “Kin ta san kagin panek aben ilon lo man, insan tamolpein sed itarpaleg malan ururu dilasap nug dufuni tap, kin an san ager insan na yu dijane dupalup aben an daonj dupani wo man pasauman geig a. Agod taun ta boi, tia, warou ta boi, san tamolpein tarpalek uraru dilasap nug dufuni tap, taun an, warou an dam, sed ipitjinai dop ririan sad kagin fidian itout yau a. ²⁶ Amaiak ninen o

Satan inſen mi sen ikudi yau tap, inſen lo yu yabisa da. Ago tap, en dugo woŋ pe inanen kagin panek aben an dabai yen yau ak i? ²⁷Taida mi, ŋai Belsebul tuon lo ur sisaiaik ŋukudai diau dak an rumok tap, enti mok aŋ muroumi ibinawaig ur sisaiaik dukudai diau dak i? Fun amaiak niŋen o aŋ muroumi inſed mi, kubianek tamol oŋ dilasap bitinaek lo didiraŋ a. ²⁸Ak man ŋai Anut san Urgun lo ur sisaiaik ŋukudai diau dak ago tap, aŋ gidad aloŋ uyan a, Anut san kagin panek an siŋirem na ipalu la ya.

²⁹“Agod fon, en dugo woŋ pe tamol ta tamol dababai geig ak san melmel isini wo san ab lo iladu wak i? Dal ta tia ya. In gidad imug mi tamol dababai an rasau nam isubani gup, in ka tamol an san ab lo iladup melmel isinip yau a.

³⁰“Talpein enti in ŋai ta iganurag na dan, in ŋai patun ipanag da. Agod talpein a ŋai da sisem anaŋ mutumani san urat ta migane na dan, ŋaisag urat iratitale da. ³¹Amaiak niŋen o ŋurupaiaŋ da, aupasek fidian agod uf ru fidian dam a tamolpein digane dan, Anut aupasek an ka isuas yau pidinaŋ a. Ak gug talpein in Awan Urgun niŋen o uf ru igane tap, aupasek an Anut ta isuas yau na wa. ³²An niŋen o talpein ta in Tamol Nanun niŋen o ru saiaik ibol dan, Anut aupasek an ka isuas yau a. Ak gug talpein ta in Awan Urgun niŋen o ru saiaik ibol dan, saen e gamu yen den lo, agod saen foun ak a murnap ilasa wan lo dam, Anut talpein an san muruan ta isuas yau na wa.

³³“Talpein ai uyan ak ipae tap, ai an san nuŋon uyan ak inane wa. Gug talpein ai saian ak ipae tap, nuŋon dam saian a. Man dugo, ai nuŋon lo mi ule dop, ai naok dugo yan ka ule ulon a. ³⁴Aŋ mot wagai ak sad nanud muroudi! En dugo woŋ aŋ saian geig amado yan ru uyan ak ka abol ilasa wak i? Man tia geig a. Man ata wo? Kagin saian ak boi, uyan ak boi, tamol ilon inaneŋute yan inaneŋ awan lo ibol ilasa wa. ³⁵Tamol uyan ak in kagin uyan uyan ak tinin ilon lo itumanai an lo, kagin uyan uyan ak mi inŋal dop an idirai dilasa wa. Ak man tamol saian ak in kagin saiaik saiaik tinin ilon lo itumanai an lo, kagin saian saian ak mi inŋal dop an idirai dilasa wa. ³⁶In ŋai ŋurupaiaŋ da, Anut tamolpein fidian bitinaek lo idirai san nal lo, tamol Anut naon na itur dop, ru kitek a fidian inŋinan awan kagin ta ipani na dugo lo gubak mi inŋinŋ se yan, niŋen o in Anut naon na ru an naon ipani wa. ³⁷Man dugo, oŋsigane ru lo mi Anut oŋ tamol uyan ak ibol a, agod oŋsigane ru lo mi oŋ tamol saian ak ibol a.”

Jesus kulob girager igane wo dusumiani a

Mak 8:11-12; Luk 11:29-32

³⁸Agog kubiaen san girek maŋau aenta, agod Farisi aenkadi dam Jesus durupeŋ, “Girek maŋau, maŋ iloma igo ya, oŋ gidad kulob girager ta ganep an lo kob igo woŋ oŋ Anut san ak ago kubiai panama wa.”

³⁹Ago gug Jesus in ru naon irupidaig ibol, “Nek ibol tamol ta tamol aenta iwodi niŋedi wo ilon imasa dak igo woŋ, tamolpein ensauta a kulob girager dile

wo dusumianag dan man, anut sewak aenta niñedi wo dumat dak igo worj, in aupasek tinadi a. An lo kulob girager ta njigane panarj dop ale san ago ta njigane na wa, nek profet Jona san kulob girager amaiak mi a. ⁴⁰Jona in adian utol, tidom dam utol, in iy tubun ak tijaen lo imado se ya, ago yak niñen o, nek ago mi Tamol Nanun dam, adian utol tidom utol tan ilon lo imado wa. ⁴¹Ninive san tamolpein man arj gamu saen en san tamolpein dida Anut san bitinaek nal lo sisem amasap, kot lo atur a. Ago dop Ninive adi arj niñemi wo ru dubol ilasa dop boum dupanarj a. Man ata wo? Ninive adi Jona san ru ibol ilasa yan dulorj go an lo ilod ibilisa ya; ak man tamol ta in Jona irinani geig an gamu imado da. ⁴²Kwin a saut lo ilasa yan man, arj gamu saen en san tamolpein dida Anut san bitinaek nal lo sisem amasap, kot lo atur a. Ago dop kwin an arj niñemi wo ru ibol ilasa dop boum ipanarj a. Man ata wo? Kwin an in tan asau mok imado bo man, Solomon san kankan milaen amaiak ibol ilasa dop ilorj o ipalu ya. Ago yak gug tamol ta dam in ente imado da, tamol an man Solomon irinani geig a.

Ur saiak fon imul yau da ya

Luk 11:24-26

⁴³“Saen ur saiak ta tamol tinin lo yak dukudip ilasa yau man, aben igosan ak ate gidigidad ila iso wa. Ante aben ta yaes ibal san ile wo abarj yabi wa, ak man aben an ta ile na wa. ⁴⁴Ago dop ilon lo ibol, ‘Ŋai gidad ŋamul pe ab gubak mi ate ŋumado amaiak lo ŋau a.’ In imasap yau ak man, ab an kawan di ilon dam diriani dugo bala dupani la yan ile wa. ⁴⁵Amaiak niñen o in imul yaup, ur saiadi geig ak 7 taidam ijal a. Ur an kulob sisaiak digane san man in dirinani geig a. In sisem ab an lo diladup dumado wa. Gubak mi tamol an san madok saian a, ak man gamu gup san madok saian geig a. Kagin nek amaiak tamolpein saiadi a gamu saen en lo dumado dan ilasa pidinai a.”

Enti in Jesus tinan di tein muroun ak i?

Mak 3:31-35; Luk 9:19-21

⁴⁶Saen Jesus ab lo imado dugo tamolpein dida dirinanj se man, injsinan tinan in muroun dida dupalug kuai te dutur se ya. In Jesus da dukubiai o ilod ago yen a. ⁴⁷Tamol ta irupej, “Ulorj, onjane tina, tei murou dida akubiai o kuai te ditiitano da.” ⁴⁸Ak man Jesus tamol an ru naon irupeig igo ibol, “Enti mok ŋaisag tinag ak i? Agod enti mok ŋaisag teig ak i?” ⁴⁹Agog inanan megeloum banin nam ikubiaig ibol, “Ŋaisag tinag di teig muroug man nek en mi a. ⁵⁰Man ata wo, tamolpein ensauta a in ŋai Tamag kumaen panu lo yan ilon duri dupani dan, nek an mi ŋaisag teig, lug di tinag muroug a.”

Tamol ai patun tan fufo iratitale yak san ru fanan

Mak 4:1-9; Luk 8:4-8

13 ¹Nal kisaek an lo mi Jesus ab ibiseig you aen te yaug imasig imado se ya. ²Ak man tamolpein wei kasik dutumanig Jesus

dubuluwi a. Ago tag Jesus wog lo isudag wog an kitek isuk ilasa ya. Agog Jesus imasig imado dugo, tamolpein dutumani an loŋ na dutur se ya. ³Ante man Jesus ru faŋan lo mel wei kasik niŋedi wo irupidai se ya. Ru ta ago irupidaig ibol, “Saen ta lo tamol ta ai patun isinig abi lo ipae wo yau. ⁴Yaug siŋanen abi lo man ai patun banin igane inawaig tan fufo iratitaleg idu se ya. Saen iratitale man, ai patun aenta dal fufo dudu dugo, anakanak dupalug diani itout a. ⁵Agog ai patun aenta sagargar fufo dudu ya, tan ante man kuror an tia, ago man milaen tiag ai patun an balud isa ya, man dugo, tan mok an ta kuror na ya. ⁶Ak man saen ad isuda man ai baludi an dukurŋak diau a. Ai an dam dabidi tan lo ta idiau geig na, an lo dugos diau kisaek oŋ a. ⁷Ai patun aenta ud saian an lulunad lo dudu ya, agog sisem disag diau dugo, ud saian an ai uyan ak yafutani an lo nuŋon ta igane na ya. ⁸Ak man ai patun aenta tan uyan ak fufo dudu man nuŋodi digane ya, aenkadi patudi 100 dilasa, aenta 60, aenta 30. ⁹Tamol oŋ kududo ama da tap, ru an uloŋ uyanan a.”

Jesus ru faŋan ibol ak san fun

Mak 4:10-12; Luk 8:9-10

¹⁰Agog murnag megeloum Jesus san na dupalug dusumiani, “Oŋ ata wo saen tamolpein maŋau piteŋanai o dop ru faŋan lo niŋeŋ dak i?” ¹¹Jesus ru naon irupidaig ibol, “Anut iŋsan kagin panek aben san melmel imianuk an san maŋau ipanaŋ a. Ak man iŋ maŋau an ta ipidinai na ya. ¹²Man dugo, talpein a maŋau anda yak man Anut iŋ subaŋan taidam ipani dop an lo iŋ maŋau idaisuda geig a. Ak man talpein a maŋau aman tia yan, ata maŋau kitekan iŋ lo yen dan, Anut maŋau an iŋsan na ipasi iŋane wa. ¹³Ŋai iŋsad na ru faŋan lo niŋiŋeŋ dan san fun man igo ya.

‘Iŋ leil digane bo man, ilod ta itarpasi na da.

Kududod nam duloŋ bo man, fun mok ta diŋane na da.’

¹⁴Rumok, iŋ lo profet ru en Aisaia wagam ibol an nuŋon ilasa ya:

‘Saen aŋ ru aloŋ man, ka aloŋ oŋ se ya, ak man san fun ta aŋane na ya, agod saen abaŋ ale man, malami ka yau oŋ se ya, ak man ilom ta itarpasi na ya.

¹⁵Man dugo, tamolpein en sad bubedi dabai geig dilasa ya, iŋ kududodi ta duloŋ uyan na ya, agod maladi ikilakil pasi a.

Tia tap, maladi nam iŋ ka abaŋ dile wak, kududodi nam ka duloŋ ak, agod ilodi nam maŋau ka diŋane wa.

Ago dop an lo ilod ibilisa dop didaŋsap ŋaisag na dupalu dop ŋukubuniaŋ a.’

¹⁶Ak man aŋ malami bar diŋane ya, man dugo, malami abaŋ ka ile da, agod aŋ kududomi dam bar diŋane ya, man dugo, kududomi ka ilonŋ da. ¹⁷Ŋai ru rumok

ak ŋurupaian da, imug geig profet adi agod tamol itaot ak wei mi, mel e gamu an ale den dile wo mok dumat se ya, ak man in digane san tia ya. Agod ru e gamu an alon den dulon o mok dumat se ya, ak man ta dulon na ya.

Ru faŋan an san fun

Mak 4:13-20; Luk 8:11-15

¹⁸“Kududom agurep tamol ai patun tan fufo iratitale yak, san ru faŋan san fun mok ŋisafulale wo da. ¹⁹Ai patun dal te dudu man nek ibol tamolpein Anut san kagin panek aben san ru dulon dugo san fun ta diŋane na yak igo won a. An lo Satan ipalup ru a Anut tamolpein ilod lo ipaeg yen dan iŋanep ipasi yau a. ²⁰Agod ai patun sagargar fufo dudu man, nek ibol tamolpein ru dulon go ilod rumok kisaek on go, niŋen o ilod uyanan a. ²¹Ak man in dabidi man ta idiaug kuror na ya, ago yan lo sad ilo rumok an ilod lo ta yen milaen na ya. Saen Anut san ru niŋen o muruan sad na ilasa boi, tia, kubianek ipalu tap, iŋaned ilo rumok dibisei kisaek on a. ²²Aria, ai patun ud lulunad lo dudu man, nek ibol tamolpein ru rumok an dulon pe ilod lo rumok kisaek on dak igo ya. Ak man in tan en san madok niŋen o ilo sou gidigheid mi digane da, agod in melmel wei mi amad da wo dumat da, an lo kagin uraru an Anut san ru ilod lo yen dan yafutani da. Ak niŋen o ru amaiak nuŋon aman tia ya. ²³Aria, ai patun tan uyanan fufo dudu man, nek ibol tamolpein ru rumok an dulon go san fun dam dulon siŋaokan ak igo ya. Talpein nek amaiak mi nuŋod ifu mok a, aenta nuŋod 100, aenkadi 60, aenta 30, nuŋodi ago ifu yau a.”

Ud san ru faŋan

²⁴Jesus afon ru faŋan taida naod na irupidaig igo ibol a, “Anut san kagin panek aben man igo ya. Tamol ta siganen abi lo yaug kon kubulan ipae ya. ²⁵Agod tidom lo saen inŋan urat tamol dien dugo, san ager tamol ipalug kon ipae yan lulunad lo ud marasin saiak anda yak dam ipae idug, isol go yau a. ²⁶Agog kon isag nuŋon dam didilan te dilasa ya, ak man, ud an dam lulunad lo dida disa kisaek a. ²⁷Agog tamol an san urat tamol inŋan na dilasag durupeig dubol, ‘Gurman, ai patun a on pae yan uyan a. En dugo won go ud dam dida disa kisaek ak i?’ ²⁸Inŋad gurman an ru naon irupidaig ibol, ‘Ŋaisag ager tamol kulob an igane ya.’ Ago tag dusumiani, ‘Ak dugo, maup ud an mubilanai idu wo umat di?’ ²⁹Gug in ibol, ‘Man tia, kabelan aup kon dam abilanai banau. ³⁰Amoi dop urarum ka disa diaup, nuŋod tiŋane san saen ante gup, ŋai urat tamol adi igo ŋurupidai a. Ud an tu kisaek kisaek atem imug mi atumanaip, yai fufo abibol dusudap dinani diau a. Ak gug kon man atumanaip ŋaisag anan ab lo adiri wa.’”

Ai patun kititikan kawan ak san ru faŋan

Mak 4:30-32; Luk 13:18-19

³¹Jesus ru faŋan taidam naod na igo irupidai, “Anut san kagin panek man igo ya. Tamol ta ai yaŋan mastet dubol dan patun iŋaneg siganen

abi lo yaug ipae ya. ³²Ai patun an sen kawan kititikan a, ak man saen isa yau dop ai tinan igo woŋ ilasa wa. Agop raen dam idirip ibalsarer dop kuseŋ ka ate wur dufuni wa.”

Yis san ru faŋan

Luk 13:20-21; Mak 4:33-34

³³Iŋ ru faŋan taidam irupidaig ibol, “Anut san kagin panek man igo ya. Pein ta yis kabelan iŋaneg plawa tubun geig da itumanig ikubuli kisaek, agog yis an plawa ilon lo ifurak yaug iŋaneg plawa fidian mi ikafut isuda ya.”

³⁴Jesus melmel an fidian niŋedi wo ru faŋan lo tamolpein dutumani an irupidai a. Iŋ ru itaot ta irupidai se na ya. ³⁵Iŋ ago iŋane yan lo awak aban ta profet ta ibol an nuŋon ilasa ya.

“Iŋai awag isupani dop ru faŋan lo mi ŋiŋiŋeŋ a.

Melmel mianuk lo dien se yan, tan ilasag ipalug gamu en nek ago mi dien dan, niŋedi wo ŋiŋiŋeŋ dop tamolpein duloŋ a.”

Jesus ud san ru faŋan ifulale ya

³⁶Saen Jesus tamolpein dutumani an ibisawaig ab ilon lo iladu man, iŋsan megeloum san na dupalug ago dubol, “Ud a abi lo isa damaiak san fun ubol dop maloŋ a.” ³⁷Agog Jesus ru naon irupidaig igo ibol, “Tamol a iŋ ai patun uyan ipae yan, Tamol Nanun naon iŋane ya. ³⁸Abi man, tan en naon iŋane ya. Ai patun uyan man, tamolpein ensauta a Anut san kagin panek paen na dumado dan naod iŋane ya. Agod ud saian an man, tamolpein ensauta a Satan nanun muroun amaiak naod iŋane ya. ³⁹Ager tamol enti ud ipae man Satan iŋsen, agod anaŋ tumanek san saen man, saen gamu lo tumadog ilag san wadan lo amaiak naon iŋane ya. Agod urat tamol enti anaŋ dutumani an man, eŋel adi naod iŋane ya. ⁴⁰Nek ibol ud saiak dutumani idup yai fo digansa inani yau dak igo woŋ, saen gamu lo tumadog ilag san wadan lo nek ago mi ilasa wa. ⁴¹Tamol Nanun mitep iŋsan eŋel idiraip dudu wa. Agop iŋ mel fidian tamolpein idiri dop aupasek digane dan dibiai ak, agod tamolpein fidian a sad tureŋ saian an dam dibiaip, dutumanai kisaek pe iŋsan kagin panek aben patun fo diabibol dilasa wa. ⁴²Diabibol pe Ades san yai wananan geig an lo dudu wa. Aben ante man tamolpein tinaŋ digane dop madai lo luod dugurmi wa. ⁴³Agog Anut san tamolpein, iŋsad Bai san kagin panek aben lo man, ad ided dak ago woŋ dided a. Tamol oŋ kududo ama da tap, ru an uloŋ uyanan a.”

Filian naod lak na geig mianuk lo yen dan san ru faŋan

⁴⁴“Anut san kagin panek man igo ya. Tamol ta gib yabig mel naod lak na geig ak tan lo imianaig dien na ya. Agog tamol sen ak ta yaug walal

ipanig afon ituanai da. Agog yousai lo yaug inſan biouſ fidian moni inſane wo didaen lo idiri yau a. Biouſ an san moni inſaneg tan an muroun san na yaug tan an idad a.

⁴⁵ “Anut san kagin panek dam igo ya. Dadenſ tamol ta koksai ſiſaokan ak idad o aban an ile se ya. ⁴⁶ Nal ta, koksai ſiſaokan geig ak ile, ago tag yaug inſan biouſ fidian didaen lo idirig an lo moni inſaneg ate koksai an idad a.

Dob san ru faſan

⁴⁷ “Afon Anut san kagin panek an dam ibol dob on a. Iy ſilaſal dob ta beig lo dubal pe iy funfun diſane wa. ⁴⁸ Saen dob an iy lo inawai man, lon na dirae isuda wa. Agop iy naok naok atem ſenſen didiri wo dumaſip dumado wa. Iy uyan ak ſenamo didiri dugo ſaian ak dam ſenamo didiri wa. Agop uyan ak inſaned kulgou lo ditane idu dop, ſaian ak diabi yau a. ⁴⁹ Saen gamu tumado den san wadan ifutani dop nek ago mi ilasa wa. Enel adi dudup tamolpein ſaiadi ak, uyadi ak da, ſenſen didirai idu wa. Agop ſaiadi ak diabibol diau dop ⁵⁰ Ades san yai wananan geig ak inanai a. Aben ante man tamolpein tinaſ digane dop madai lo luod dugurmi wa.”

⁵¹ “Ak dugo, an mel fidian en alon uyanan ak i?” Agog durupeſi, “Awo, malon a.” ⁵² Agog Jeſus irupidaig ibol, “Amaiak niſen o kubiaen san girek maſau enſauta a Anut san kagin panek niſen o maſau diſane yan man nek igo ya. Ab muroun ta filian aman da yak, in ka ſiganen biouſ lo mel ta foun ak, agod wagam ak dam, iragurſip tamolpein malad lo kuai te idiri wa.”

Profet inſan muroun luluaſ lo yaſan tia ya

Mak 6:1-6; Luk 4:16-30

⁵³ Saen Jeſus ru faſan inſen itout man aben an ibiſei a. ⁵⁴ Agog inſiſanen panu mok lo yaug ubou ab lo maſau ipiteſanai se ya. Ak man Naſaret tamolpein ſaen inſan ru dulon man durut ſaian a. Agog dubol, “Tamol en dugon te maſau inſane yak i? Agod kulob dababai a igane idu dan san dabai dam dugon te inſane yak i? ⁵⁵ In man nek kapenta kawan amaiak san nanun, tinaſ Maria, agod tein moroun Jems, Joſef, Saimon agod Judas. ⁵⁶ Agod lun moroun e dida tumado da! Amaiak niſen o tamol en dugon te mel a fidian igane dan san dabai inſane yak i?” ⁵⁷ Fun an niſen o naod ikafut go patud dupani a. Ago gug Jeſus irupidaig ibol, “Panu fidian lo tamolpein profet ta yaſan diabisa wa, nek inſiganen panu fun lo, agod inſiganen dar lo man tia ya.” ⁵⁸ Nek an niſen o aben an lo kulob dabai anda wei mi ta igane na ya, man dugo, in niſen o ilodi ta rumok na ya.

Jon ſuguek san dufuni imat a

Mak 6:14-29; Luk 9:7-9

14 ¹ Saen an lo Herod, provins Galili agod Perea ſad tirnek tamol imado se ya. In tamolpein ſad ru Jeſus niſen o dubol dugo ilon

a. ²Agog ijanen urat tamol irupidaig ibol, “Tamol en man Jon suguek san. Inj materj aben lo yak imasa da ya, an lo man dabai tubun geig tinin ilon lo yen dugo lo urat igane da.” ³⁻⁴Imug Herod inj Herodias iwon igo ijanen ya, ak man pein an iñsiganen tein Filip san iwon a. Ak ningen o Jon suguek san an ningen o Herod irupeig ibol, “Onj Herodias iwo igo wonj nane amaiak ningen o kubiaen pilali a.” Fun an lo Herod ijanen ai katuk irupidaig Jon diabig, dusubanig, subanek ab lo digane yau a. ⁵Herod ifuni imat o igane se ya, ak man doup adi niñedi wo irer a. Man dugo, iñsad ilo sou lo man Jon inj profet ago dubol se ya.

⁶Ak man saen Herod tinan igansi ak san nal idu yan lo, Herodias nanun pein tamolpein ante yan naod na isaluwai ila iso se ya, an lo man Herod pein baras an ningen o ilon uyanan a. ⁷An lo inj ru dabai nam irupeig ata mel ningen o isumiani dop man, rumok geig ak mel an ka ipani san mi a. ⁸Ago tag yang tinan, dal dugo ipani wak o isumiani a. Agog imul go Herod irupeig, “Gamug geig Jon suguek san an kabujan daeg lo ganep sini palup panag a!” ⁹Kinj Herod ilon muruan geig a, ak man ru dabai geig pein baras an Herod turan muroun naod na ipani an ningen o, ijanen yu tamol irupidaig nek pein an ibol ago mi digane ya. ¹⁰Ago tag iñsan yu tamol diaug subanek ab lo Jon buron dutute ya. ¹¹Agog kabujan daeg lo disinig Herod san ab lo diaug pein baras an dupani a. Agog pein an afon ijaneg isini yang tinan ipani a. ¹²Agog Jon san megeloum dupalug tinin diñane diaug disare ya. Agog diaug mel ilasa yan Jesus durupeig ilonj a.

Jesus tamol 5,000 ifutuwai a

Mak 6:30-44; Luk 9:10-17; Jon 6:1-14

¹³Saen Jesus Jon san materj ilonj man, wog fo isudag pasak nam aben ta yoitout yen dak ate yau a. Ak man saen aben a ate Jesus imug imado yak san tamolpein Jesus ibisawai an dulonj man, ijaned panu anen anen dibiseig, lonj na diaug njed nam Jesus dirig diau se ya. ¹⁴Saen Jesus wog ibiseig idu man, tamolpein malan tubun geig ak dititianig dumado dugo yil a. Inj ilon ipidinai an lo talpein a subam amad da yak lulunad lo yan ikubuniai idu ya.

¹⁵Ad idu yau dugo iñsan megeloum dupalug durupeig dubol, “Aben en yoitout a, agod ad dam idu yau da, amaiak ningen o onj tamolpein dinaip panu na diaup, ananj didad pe diani wa.” ¹⁶Agog Jesus ibol, “Gidad, aben en dibisei dumoi, ansem mi ananj ta apidinaip diani wa.”

¹⁷Agog gug inj Jesus durupeig dubol, “Manj etna bret faiv o lian a, agod iy dam uraru o lian a!”

¹⁸Agog inj ibol, “Igo asini apalu wa.” ¹⁹Agog tamolpein dutumani an irupidai, “Ago gafurfur fo amasi.” Agog bret faiv inj iy uraru da yan isinig, malan keit lo isudag, bret iy da bar ipanig yafute idu se ya. Agog

anarj an megeloum ipidinaig diaug tamolpein dupidinai a. ²⁰Fidian diani man luadi ipuk a. Diani itout man megeloum diaug samsamun disini wo ditiliani se ya. Samsamun disini an sareg 12 tutubu yak digane inawai a. ²¹Tamol mi faiv tausen anarj an diani a, taida mi pein wei mi, nanud muroudi dida anarj an dam diani a.

Jesus you fufo itor a

Mak 6:45-52; Jon 6:15-21; Mak 6:53-56

²²Saen anarj dianig itout man Jesus ijanen megeloum wog fo dusudap aen ate imug diau wo irupidai a. Ago dugo inj kitekan ka imado dugo, tamolpein siganed ab lo dumul diau wo irupidai a. ²³Saen tamolpein idinaig diau pasik man, inj sen mi did fo Taman san na igudani wo isuda ya. Agog saen ad idu yau man sen kisaek did fufo imado se ya. ²⁴Saen an lo wog man you titijaem yen se ya. Agog tim ifure dugo you dam imasa man wog ifuni ila iso se ya, man dugo tim naon na yen se ya.

²⁵Salso idug abarj ipasti yau dugo, Jesus ijanen megeloum sad na you fufo yau se ya. ²⁶Ak man saen ijanen megeloum ago dile man direr dudug dubol, “An man tamol njutun a!” Agog disasai dugo disuruwor se ya.

²⁷Agog Jesus irupidai kisaek onj go ibol, “Dabai anjane! Njaiseg o, asuruwor amoi!”

²⁸Agog Pita ru naon irupeig ibol, “O Tubun en, onje mok tap, ubol dop naji dam you fufo onja na njupalu wa.”

²⁹Agog Jesus ibol, “Palu!” An lo man Pita imasag wog lo yak ilasag fun iganeg you fufo mi yau se ya. ³⁰Ak man malan yang tim tubun ak ifure dugo ile man irer saian geig a. Agog fun iganeg you lo isarir idiau dugo iwagin, “Tubun en, binawagi!”

³¹Jesus banin iwate kisaek onj go yabi dugo isumiani, “Onj tamol ilo rumok ama kabelan, ata wo ilo weiwei ak i?”

³²Saen uraru an wog fo dusuda man, tim ifure yan itout kisaek onj a. ³³Agog injan megeloum turud disaluwig ubou an dile dugo dubol, “Rumok geig, onj Anut Nanun mok a!”

³⁴Saen you dututeg tan yanan Genesaret dubol dak ate disasau man dusuda ya. ³⁵Tamolpein ante Jesus naon dile da man, ru diganeg panu tan ante yan fidian sad na yau dugo, tamolpein subam amad da yak Jesus san na dijajal dupalu wo dubol a. ³⁶Tamolpein subam ifu dan Jesus dusumiani dop injan kulos bitijen an mi ka dusupuri wa. Ago dugo fidian a dusupuri an uyad isusa da ya.

Juda gurman sad balek uraru san kagin

Mak 7:1-23

15 ¹Agog Farisi inj kubiaen san girek manau da Jerusalem dibiseig Jesus san na diaug dusumianig igo dubol, ²“En ata wo onja

megeloum adi idsad tubud baged sad tamol kagin digansi an ta diri na dak i? Inj banidi ta dufulani na gup anan diani da.”

³ Ago tag Jesus ru naon irupidaig igo ibol, “Ata wo an siganem tamol kagin ari apani wo Anut san ru kubiaen patum apani dak i? ⁴ Man dugo, wagam mi Anut ru kubiaen en igansi, ‘Onjane tina tama awad paen na mado dop kagin pidinai o uyan a.’ Agod Anut ru kubiaen en taidam ibol, ‘Ta inj awan nam tinan taman saian ipidinai tap man, materj ile wa.’ ⁵ Ak man anj abol, ‘Tamol ta taman boi, tinan boi, ka igo irupej, mel ta ate naj ka njbinawo san man, naj mel an Anut njupani san njen njupani la ya. O kabel, an njen o naj mel an njupananj san tia ya. ⁶ Tamol an ago ibol tap, ru kubiaen a inj tinan taman kagin ipidinai o ago ibol an man, nujon an tia ya.’ Ago man anjanem tamol kagin ari apani dan lo Anut anen ru nujon tia agane ilasa da. ⁷ Anj balem rararu a! Profet ru a Aisaia gubak mi an njnemi wo ibol ilasa yan rumok geig a. Inj igo ibol,

⁸ ‘Tamolpein en awadi nam yanag diabisa da,
ak man bubedi man asau geig yen da.

⁹ Inj sen kawan naj ubou amag dile da,
man dugo, pitejanek a tamolpein durupidai dan man nek tamol
siganed ilo sou mi a.’ ”

¹⁰ Agog Jesus tamolpein injan na dutumani wo igiai a. Dupalu dugo irupidaig ibol, “En alonj dop anjane o uyanan a! ¹¹ Ananj a tamol awan ilon lo iladu dan, ilon ta nun igane na da. Tia, mel a tamol awan lo ilasad amaiak ilon nun ipani da.”

¹² Agog injanen megeloum adi sinjiren na dupalug durupej, “Ak dugo, saen Farisi adi njnen an dulonj man, onj nije wo ilod saian an ulonj ak i?”

¹³ Jesus Farisi adi njnedi wo ru naon megeloum irupidaig igo ibol, “Ai fidian naj Tamag tan lo ta ipae na yan, ibilani yau a. ¹⁴ Abisawai, inj man unbek malad itapul ak igo ya. Aria, tamol ta malan itapul aman ak, turan ta dam malan itapul ak, dal ikubiai pani wo banin te yabi tap man, tamol uraru an dog lo diau dudu wa.”

¹⁵ Ak man Pita irupeig ibol, “Ru mitilaen a rupidai an fun fulale dop malonj a.”

¹⁶ Agog Jesus ibol, “Anj dam nag manau lo katuk am mi ak i? ¹⁷ Anj ta alonj o uyan na yak i? Mel a tamol awan lo iladu dan ananj mi a, agop tinjen lo dam iladup dibej san dal lo yaup tinin patun fo yak ate ilasa wa. ¹⁸ Ak man mel ta awan lo ilasa man senamo geig a, man dugo, an njutun lo ilasa da, agod mel amaiak mi tamol ilon nun ipani da. ¹⁹ Man ata wo? Kagin naok naok igo yan tamolpein sad njutud lo ilasa da: ilo sou saian ak san kagin, tamol ifuni imat dak, turan iwon ida dien dak, jeit kagin, gumagam kagin, supalek ru agod uf ru dam mi a. ²⁰ Mel naok amaiak tamol nun ipani wa. Ak man tamol banin ta ifulani na gup ananj yani dan, nun ta ipani na wa.”

Tan Kenan san pein ta Jesus o ilon rumok a*Mak 7:24-30*

²¹Agog Jesus aben an ibiseig gob adi sad tan ate yaug, Taia in Saidon da sad distrik lo itilianig itor se ya. ²²Aria, gob pein ta tan Kenan dubol dan ate imado dan isusag awan tubun ak lo iwagin, “O Tubun ak, Dawid Nanun, ilo imunanag! Ur saian ta nai nanug pein itirni dugo muruan ipani geig da.”

²³Ak man Jesus ru naon ta irupein na ya. Agog insan megeloum sinjiren na dupalug dubol, “On pein an peip sen ilasa, man dugo, in man irama dugo mibinawi wo igiama da.”

²⁴In ru naon irupidai, “Anut nai Isrel san sipsip dideg diaud amaiak mi nibinawai o idinag a.”

²⁵Ak man pein an sinjiren na ipalug turun isaluwig irupein, “O Tubun ak, binawag!”

²⁶In ru naon irupeig igo ibol, “Nai nanuk sad anan njinanep goun diani wo nabi yau tap, an ta uyan na wa.”

²⁷Pein an ibol, “Awo, Tubun en ru rumok ubol da. Ak gug goun dam inaned muroudi sad awad aban tan na idu man ka diani wa.” ²⁸Agog Jesus ru naon irupeig ibol, “O pein, onane ilo rumok an tubun geig a! Nek on ilo yen dak ago mi on lo ilasa wa.” Ago ibol dugo pein an nanun pein uyan isusa kisaek on a.

²⁹Agog Jesus aben an ibiseig You Galili aen irig yau se ya. Agog yaug bubun ta fo isudag ante imasig imado ya. ³⁰Ago dugo tumanek malan tubun ak insan na dupalu se ya. Tamolpein njied ikael ak, a malad itapul ak, a banid ikael ak, a awad itau ak, agod aenta dam wei mi dinag go dida dupalu se ya. Agog Jesus njien fun na didiraig tinid ikubune dugo uyad isusa da ya. ³¹An lo tamolpein dutumani an, saen tamolpein awad itau ak dinjen dugo, a njied ikael ak uyad isusa dugo, a njied ikikai ak ditiliani ditor dugo, agod a malad itapul ak afon aban dile da dugo dil man, durut saian geig a. Ago dugo Isrel sad Anut nanan diabisa ya.

Jesus tamol 4,000 ifutuwai a*Mak 8:1-10*

³²Agog Jesus insan megeloum san na dupalu wo igiai a. Dupalug irupidaig ibol, “Nai tamolpein malan tubun en ilog imunanai da, man dugo, gamu nal utol yau la dugo in nai dida mumado ya, ak gug anan diani san etna tia ya. Ak man dimatigen dop njidinaip diau man, ilog ta ibol na da, kabelan dal na yaes ifu dop malad itiliani banau.”

³³Agog inanan megeloum durupeig dubol, “Man dugon te anan mile dop minanep lo tumanek tubun geig en ka mufutuwai ak i? Aben en yoitout a.”

³⁴Jesus isumianai, “Anj bret sapita yak i?”

Inj dubol, “Bret seven dien da, agod iy kititik kisaek kisaek a.”

³⁵Agod inj tamolpein tan na dumasi wo irupidai dugo ³⁶bret seven inj iy da inaneg, Anut ilo uyan ipani gug yafuteg inanen megeloum ipidinaig, diaug tamolpein duwae pidina i a. ³⁷Fidian ananj an dianig luad ipuk. Diani itout go megeloum dumasag ananj samsamun dutumanig sareg seven lo ditaneg awad isa ya. ³⁸Tamolpein ensauta a ananj diani an sad sutek man tamol 4 tausen, agod pein nanuk man ta dusutai na ya. ³⁹Jesus tamolpein siganed panu anen anen atem diau wo irupidaig, wog lo megeloum dida dusudag, panu Magadanⁱ san tan tilianek lo diau a.

Jesus kulob girager igane wo dududuwi a

Mak 8:11-13; Luk 12:54-56

16 ¹Farisi adi Sadyusi dida Jesus san na dupalug dusebani wo bitinaek lo digane ya. Inj Anut san dabai nam kulob girager ta kob igo wonj igane dop dile wo dusumiani a. ²Inj ru naon irupidaig igo ibol, “Saen ad idu yau dop anj abol, ‘Gabulo dop malin ibalsi wa,’ man dugo, timtaen daran da. ³Agod tidom lo mi dop abol, ‘Gamui ui isi wa,’ man dugo, timtaen daran an bilkas ak ituani a. Anj ka keit san leil akubiani ale uyanan mok a, ak man anj kulob sensen a anjiganem saen lo dilasa la yan, sad fud mok akubiani ale san anj ta idaisuda na ya. ⁴Nek ibol tamol ta tamol aenta iwodi nijedi wo ilon imasa dak igo wonj, tamolpein ensauta a kulob girager dile wo dusumianag dan man, anut sewak aenta nijedi wo dumat dak igo wonj, inj aupasek tinadi a. An lo kulob girager ta njigane pananj dop ale san ago ta njigane na wa, nek Jona san kulob girager amaiak mi a.”

Farisi inj Sadyusi da sad yis

Mak 8:14-21

⁵You tilianek dututeg you aen ate diaug disasau man, inanen megeloum bret ta disini na yan ilod isou a. ⁶Agog Jesus irupidai, “Kagin agane wa, Farisi inj Sadyusi da sad yis an njen o kagin agane wo uyanan a.”

⁷Agog fun diganeg ilod lo mi dijnijen yau imul se ya. “Ago ibol man fun dugo i? Nag id bret ta tisini na, amaiak njen o ago ibol boi.”

⁸Jesus dugo dubol se man ilon, ago tag isumianai, “O anj tamol ilo rumok kabelan geig amam da ya, ata wo bret tia yan njen o anjijen dak i? ⁹Anj an ta alon uyan na di? Saen naj bret faiv njafuteg ate tamol faiv tausen njufutuwai an ilom injaon ak i? Agod anj sareg sapta awad agane inawai an dam ilom ta isou na i? ¹⁰Tia, bret seven nam tamol 4 tausen

ⁱ Magdala

ɲufutuwai, agod sareg sapita awad agane inawai an dam ilom iɲaonj ak i? ¹¹En dugo wonj go ɲai bret ninen o ta ɲiɲinen na yan, ta alonj siɲaokan na yak i? Aria, afon kududom agurep kagin agane: Farisi iɲ Sadyusi da sad yis ninen o sen alasa wa.” ¹²Agog iɲanen megeloum dulonj ak iɲ yis bret ate digane dan ninen o ru kagin ta ipidinai se na ya. Tia, piteɲanek a Farisi iɲ Sadyusi da tamolpein durupidaid amaiak ninen o ru kagin ipidinai se ya.

Pita Jesus iɲ Kristus an kuai te ibol a

Mak 8:27-30; Luk 9:18-21

¹³Saen Jesus iɲanen megeloum dida distrik a taun Sisaria Filipai siɲiren na yen dan te dilasa man, igo isumianai, “Tamol Nanun en enti mok ak i? Tamolpein iɲ ninen o ru dugo dubol dak i?”

¹⁴Agog dubol, “Aenkadi onj Jon suguek san ago dubol dugo, aenta onj Elaija dubol dugo, aenta onj dag Jeremaia boi, tia, onj profet ta a wagam dumado na yan lulunad lo fon lasa boi ago dubol da.”

¹⁵Agog Jesus isumianai, “Ak man ansem mi ɲai enti mok abol di?”

¹⁶Agog Saimon Pita iɲsan ru naon irupeɪ, “Onj Kristus, onj Anut ipiliano ama ya, onj Anut a kumaen imado dan Nanun mok a.”

¹⁷Jesus ru naon irupeig igo ibol, “Saimon, Jon nanun, onj bar ama da, man dugo maɲau an tamol ta, ta ifulale dugo ulonj na ya, tia, maɲau an itaot ɲai Tamag kumaen panu lo yan san na ilasa dugo ubol ilasa ya.

¹⁸Agod ɲai ɲurupaio da, onj Pita, yaɲa san fun man pat. Pat tubun en fufo ɲaisag midaen ɲususe wa. Agod mateɲ san dabai an ɲaineg midaen ibiai dudu san tia ya. ¹⁹ɲai Anut san kagin panek aben san ki ɲupano wa, agod ata mel tan en lo futani tap, kumaen panu na dam itau a, agod ata mel tan en lo pasi tap, kumaen panu na dam awan ipasi a.” ²⁰Agog Jesus iɲanen megeloum adi ru kubiaenj dabai mok an ipidinai man, iɲsen mi Kristus, an ago ta dubol ilasa na wa.

Jesus imat san nal sumeik ak ago irupidai a

Mak 8:31–9:1; Luk 9:22-27

²¹Saen an lo yau man Jesus iɲanen megeloum adi kuai tem irupidai se ya, iɲ Jerusalem na yaup ante dop Juda sad matu gurman adi, pris gurman adi, agod kubiaenj san girek maɲau adi saian dupani dop madai wei mi ile na gup dufuni imat a. Agop murnap nal utol lo Anut ifufunip kumaen imasa da wa.

²²Ago ibol go Pita Jesus yabig iɲaneg ida gigin na diaug san ru an ninen o igo ibol, “Tubun en, tia geig a, kulob ago onj lo ta ilasa na wa!”

²³Agog Jesus idaɲsag irupeɪ, “Satan, ɲai patug fo sen lasa! Onj ɲai naog dal fou da, man dugo, ilo sou uri dan man Anut san tia ya, an man tamol san mi a.”

²⁴Agog Jesus inanen megeloum irupidaig ibol, “Talpein ta ɲai ɲieg aban iri wo imat tap, gidad inŋsan mel an fidian ilon iɲaon pe inŋsiganen aigim isinip ɲieg aban mi iri wa. ²⁵Man ata wo? Talpein enti siganen madok kagin mi yabi sakar tap, inanen madok murna san an ibisei wa. Ak gug talpein enti ɲai niɲeg o siganen madok kagin ibisei tap, inŋsiganen madok mok an ile dop iɲane wa. ²⁶Talpein ta tan en san madok lo malan imug dop, an lo tan en san filian fidian an san muroun ilasa wak gug, ɲutun ideg yau tap, nuɲon uyan ak dugo won ɲigane ilasa wak i? Man tia geig a. Tia, mel dugo man, talpein ta Anut ipanip, an lo siganen ɲutun an idad iɲane dop daon ta ile na wak i? ²⁷Man dugo, Tamol Nanun mitep Taman san girager an lo ipalu dop, inanen eɲel adi dida dudu wa. Agop talpein fidian inaned urat dugo dugo digane na yan naon ipidinai a. ²⁸Rumok ɲurupaian da, tamolpein aenta igo dutur dan gamugo dumat dop, Tamol Nanun amaiak Kiɲ igo won ipalu dop dile gup, murnap dumat a.”

Jesus tinin ibilisag ad on ided a

Mak 9:2-13; Luk 9:28-36

- 17** ¹Nal siks itout go, Jesus in Pita, Jems agod tein Jon da injal go imug did lak na geig ak fo disudag ate inŋsed mi dumado ya. ²Agog ante Jesus tinin ibilisa dugo dile ya. Inŋsan naon man ad on ided se ya, agod san biouɲ tinin fo man ibilisag lilaman on milkouk geig ilasa ya. ³Ago dugo Moses in Elaija da megeloum naod na dilasag Jesus da diɲiɲeɲ dugo dil a.
- ⁴Agog Pita imasa kisaek on go Jesus irupeig ibol, “Tubun en, nek uyanan geig man ente mumado da! On ilo ibol tap, lalai utol etna ɲabi wa, onsa kisaek, Mosen san kisaek, agod Elaijah san kisaek dam ɲususe wa.”
- ⁵Saen inɲiɲeɲ se man timtaen ta ided dak ipalug, ibuluwai dugo, ɲiɲeɲ ta timtaen an ilon lo yak ibol, “En man ɲaineg Nanug mok, ɲaineg bubeg mok, in ɲiɲen o ɲai ilog tubun mi uyanan da. Awan alon!”
- ⁶Saen megeloum utol an ɲiɲeɲ an dulon man, tubun mok direr go naodi tan fo ditakok dudug dumunamig dien se ya. ⁷Ak man Jesus sad na ipalug isupuraig ibol, “Amasa, arer amoi.” ⁸Saen dufotsa man, tamol ta dile man tia ya, nek Jesus sen kisaek mi dile ya.
- ⁹Saen did dibiseig dudu se man, Jesus ru dabai anda irupidaig ibol, “Mel gamu ale yan ɲiɲen o aup tamolpein ta arupidai na wa, abol amoi dop Tamol Nanun mater aben lo Taman ipasi iɲane gup abol a.”
- ¹⁰Agog inanen megeloum utol dusumianig dubol, “En ata wo kubiaen san girek manau, Elaija imug ipalu dop Kristus murna ilasa wak ago dubol dak i?”
- ¹¹Jesus ru naon irupidai, “Rumok, Elaija imug ipalu dop mel fidian ikubuniaip uyad dususa da wa. ¹²Ak man ɲai ɲurupaian da, Elaija imug ipalu

la ya. Inj bo ilasa gug tamolpein inj ta dile duloŋ na ya. Ago dugo inŋiganed ilobol lo mi saian dupani se ya. Nek dal kisaek an lo mi inj Tamol Nanun dam saian dupani wa.”¹³ Agog injanen megeloum duloŋ ak Jesus Elaija mok niŋen ta ibol na ya, tia, Jon suguek san amaiak niŋen o ibol na ya.

Jesus nanuk ta ur saiak anda yak ikubune ya

Mak 9:14-29; Luk 9:37-43a

¹⁴Saen dumul go tamolpein a dutumanig dumado se yan sad na dupalu man, tamol ta Jesus san na ipalug naon na turun isaluwig ibol, ¹⁵“O Tubun ak, ŋaineg nanug ilo imuŋani! Saen wei mok kurbarib^j ifunig an lo madai tubun geig ile da. Saen aenta ilon iŋaonj dop yai lo idu dak, saen aenta dam you lo idu da. ¹⁶Ak niŋen o oŋane megeloum sad na ŋiŋane ŋupalu yak man dukubune wo digane yak gug tia ya.”

¹⁷Jesus ru naon irupeig ibol, “Aŋ saen en san tamolpein man ilo rumok amam tia ya, agod ilom gidigheid aman a. Nal sapta ŋai aŋ da tumado wak i? Nal sapta muruan a apanag yau an ŋisini wak i? Nanuk an igo aŋane apalu.” ¹⁸Agog Jesus inj ur saian nanuk ilon lo yan ru dabai aman da nam ipei dugo, ur saian an nanuk ibiseig uyan isusa kisaek oŋ a.

¹⁹Murna gug megeloum adi pasak nam Jesus san na dupalug dusumiani, “En ata wo maŋ ur saian an mukudi san tia yak i?”

²⁰Inj ru naon igo irupidai, “Man dugo, aŋ ilo rumok kabelan mok amam da ya. ŋai ru rumok ŋurupaianj da, gidad oŋane ilo rumok nek ibol ai patun tusan igo wonj tap, did en rupeip ubol, usuk onte wau, ago ubol dop yau a. Mel fidian oŋ gane san tia yan ka gane wa.” ²¹(-)^k

Jesus saen uraru inŋsan mateŋ niŋen o megeloum irupidai a

Mak 9:30-32; Luk 9:43b-45

²²Saen Jesus injanen megeloum adi dida Galili na turenj diabi se man, irupidaig ibol, “Tamol Nanun inj ager tamol banid lo digane yau o da. ²³Agop dufuni imat a. Murnap nal utol itout gup, Anut ifufunip kumaen imasa da wa.” Injanen megeloum ago duloŋ man, tubun mi ilod itau idu ya.

Jesus tempel san takis idad a

²⁴Saen Jesus injanen megeloum dida Kaperniam na dupalu man, tempel san takis ŋilaŋal dupalug Pita dusumiani, “Dugo, oŋane girek maŋau tempel san takis idad o dak i?”

²⁵Pita ru naon igo irupidai, “Awo.”

Murnag Pita ab ilon lo ipalu dugo Jesus imug inŋinenj, “Saimon, tan en sad kiŋ, enti sad na takis moni diŋane dak i? Inŋiganed nanud muroudi sad na, tia, tamolpein gol ak sad na, aria, oŋsa ilo sou dugo yak i?”

^j Luŋaliŋ ^k Boi 21 Grik lo tia ya.

26Agog Pita ibol, “Tamol gol ak sad na ya.”

Ago ibol man Jesus irupeï, “Ago tap nanud muroudi sad na takis moni ta digane na da. 27Ak man gidad ilodi ta tigane saian na wa. Ago yak ningen o you lo waup oul ubal idu. Iy malmalan wane dan rae isudap, awan pasi dop moni ate yen dan ñane. Moni an nek idaisuda ya, oñse niñe wo, agod ñai ñutug dam, ate tempel san takis udad a.”

Enti Anut san kagin panek aben lo iñ malan te ya

Mak 9:33-37; Luk 9:46-48

18 1Saen an lo megeloum adi Jesus san na dupalug dusumiani, “Enti Anut san kagin panek aben lo yañan malan te yak i?”

2Agog Jesus nanuk ta iwagig megeloum naod na igunig itur dugo 3irupidaig ibol, “Ñai rumok geig ñurupaiañ da, añ gidad sem ibilañsap nanuk en igo woñ alasa. Tia tap, Anut san kagin panek aben an lo aladu san tia geig a. 4Amaiak ningen o talpein enti sen yabi idup nanuk en igo woñ ilasa dan, nek talpein amaiak Anut san kagin panek aben lo yañan malan te ya.

5“Talpein enti ñai yañag lo nanuk igo yan iñane wo iyuñani tap, ñai dam iñiliag o iyuñanag da. 6Ak man nanuk ta ñai o ilon rumok dan, talpein ta iganep aupasek lo idu tap, talpein an gidad kagin igane wa. Man dugo, pat tinan buron lo disisi idup beig lo dibal pe isarir o man bo, uyan mok a. Man ata wo? An tia tap, ai wadan ñupani san man iriñani geig a!

7“Tan en san tamolpein ensauta a mel ta lo ilo rumok adi aupasek lo dudu wo dududuwai dan, naon muruan tubun geig ak diñane wa! Rumok, melmel ta tamolpein ilod diñanep lo au dupas dan, dilasa san dal tufutani san tia ya. Ak man talpein enti ilo ñanek an igane ilasa dan, naon saian geig ak iñane wa! 8Amaiak ningen o oñ bani boi, tia, ñie boi, iganep aupasek lo udu tap, tutep wabi yau! Gidad ñie bani tia man ago madok yen yau san lo ladu man ta saian na ya, man dugo, kabelan ñie bani ama da yak ago diñilio dop yai pempem ided dan lo dubulo wau banau. 9Agod oñ mala iganep au upas tap, mala an bilanip biliau a. Gidad mala kisaek o lian da ago madok yen yau san lo ka ladu wa. Kabelan mala uraru mi dop diñiliop Ades san yai lo dubulo wau banau.

Sipsip ideg yau ak san ru fañan

Luk 15:3-7

10“An gidad nanuk kititik añanem leil lo yañad tia yak ago ilom ta isou na wa. Man dugo, ñai ñurupaiañ da, iñaned eñel kumaen panu lo yan maladi pempem yau dop ñaineg Tamag kumaen panu lo imado dan naon dile da. 11(-)1

1 Boi 11 Grik lo tia ya.

¹²“Añanem ilo sou dugo yak i? Sipsip muroun iñanen sipsip 100 dida ditiliani da, ak man kisaek man naon tia ya. Sipsip muroun an dugo igane wak i? Iñ sipsip 99 an ibisawaip, did luan te gafurfur dianid dumado dop yaup kisaek an abañ an ile wa. ¹³Sipsip naon tia yan ile tap, 99 a dumado dan niñedi wo ilon ta tubun mi uyan na wa. Tia, kisaek a naon tiag fon iñaneg imul da yan niñen o man ilon tubun geig uyanan a. ¹⁴Nek dal kisaek an lo mi, añanem Tamami kumaen panu na yan, nanuk kititik igo yan naod tiap dideg diau o ilon ago ta yen na da.”

Tei ta oñ lo aupasek igane ya

¹⁵“Saen Kris tei ta oñ lo aupasek igane tap, san na waup iñsan aupasek an kibiai ile. Ak man nuñom uraru mi nug lo añiñeñ a. Aria, oñ awa ilon tap man, oñ oñane tei da ilom kisaek da wa. ¹⁶Ak man awa ta ilon na tap, tamol kisaek boi, uraru boi, uñal pe dida aup oñane tei da añiñeñ a. Dal an lo ru fidian a sisem abol dan, talpein nuñod uraru an ka dibinawo wa. ¹⁷Aria, iñ oñane tei uraru an awad ta ilon na tap, muruan an gidad Kris midaeñ naod na abol ilasa wa. Aria, Kris midaeñ dam sad ru ta ilon na tap, tamol an gob igo woñ, tia, takis ñilañal tamol igo woñ, ago ale dop abiseip asau mi au.

¹⁸“Ñai ru rumok ñurupaiañ da, añ mel ta tan na yak afutani tap, kumaen panu na dam itau a, agod mel ta tan en lo apasi tap, kumaen panu na dam ipasi panañ a.

¹⁹“Agod afon ñurupaiañ da, saen añ nuñom uraru mel ta niñen o kabuñam kisaek go agudani tap, ñai Tamag kumaen panu na yan mel an igane panañ a. ²⁰Man dugo, aben ta ate talpein uraru boi, utol boi, ñai yañag lo dutumani dan, ñai iñ dida mumado da.”

Urat tamol ilo muñanek aman tia yak san ru fañan

²¹Agog Pita Jesus san na ipalug isumiani, “O Tubun ak, saen ñai teig ta ñaisag na mi aupasek igane tap, saen sapta mok iñsan aupasek ñupare idu pani wak i? Dag sutek yang 7 boi i?”

²²Jesus irupeï, “Saen 7 man tia ya, tia, ñai ñurupaio da, saen 70 an seven taida batep, nek ago yen yau a.

²³“Amaiak niñen o Anut san kagin panek man igo ya. Kiñ ta gubun” funfun a iñsan urat tamol tinidi lo dien dan ikubunep itout o ilon ibol se ya. ²⁴Saen iñsad pani naon iñane san urat an fun igane dugo, urat tamol kisaek diñaneg san na dupalu ya. Kiñ san gubun tamol an tinin lo yen dan man ten milion kina ago ya. ²⁵Ak man urat tamol an iñsan gubun an isopasi san ta idaisuda na ya. Ago tag kiñ iñanen urat tamol aenta irupidaig ibol, ‘urat tamol an bigabeg oñ didaen lo agane dop, tamol ta idad a. Iñanen iwon,

^m Pani

nanun muroun, agod sad melmel fidian dam nek ago mi agane wa. An lo dop san naon an njanep ate inſan gubun ka nſopasi wa.’

²⁶“Urat tamol an kiŋ naon na turun isoluwi idug ibol, ‘O Tubun ak, gidad bube panag dop oŋane gubun an fidian nſopasi wa.’ ²⁷Agog kiŋ ilon imuŋanig san gubun an isopasiŋ iganeŋ yau a.

²⁸“Agog urat tamol an ilasag yau man, tamol ta inſan urat kisaek gubak mi inſan na gubun igane yan ile ya. Tamol an san gubun man 10 kina. Ile go buron yabig iratitale dugo inſan gubun ipani wo irupeŋ a.

²⁹“Urat tamol an inſan urat kisaek an naon na turun isoluwi idug irupeŋ, ‘Gidad bube panag dop oŋane gubun nŋupano wa.’

³⁰“Ak man tamol an imoi go subanek ab lo ibili iladu ya. Ago imado dop san gubun an ikubune itout gup ilasa wo ago igane ya. ³¹Saen inſan urat kisaek aenta ago dile man, ilod saian geig go kiŋ san na diaug mel fidian dile yan naon na dubol ilasa ya.

³²“Agog kiŋ an urat tamol a kulob igane yan iwagig san na yau a. Yaug iladu man kiŋ ago irupeŋ, ‘Oŋ tamol saia geig a, oŋsa gubun man niŋen o bubeg nŋupano ya, man dugo, oŋ ŋai sumianag a. ³³Oŋ gidad oŋsa urat kisaek an bube pani wa, nek ŋai dam oŋ bubeg nŋupano ago mi a.’ ³⁴Kiŋ tiŋaen wananan geig a, ago yan lo urat tamol an dam subanek ab lo igane yau a. Ante man subanek ab san tirnek adi tinin malan dusue dop yaup, kiŋ san gubun isopasi gup ilasa da wa.

³⁵“Aria, oŋ bube fidian lo tei a oŋ lo aupasek igane dan inſan aupasek ta pare idu na tap, man ŋai Tamag kumaen panu na yan iŋ kagin nek ago mi oŋ lo igane wa.”

Jesus pein tamol nug dibisei dak niŋen o inŋenŋ a

Mak 10:1-12

19 ¹Saen Jesus niŋenŋ en ibol itout man, distrik Galili ibiseig Judea na yau a. You Jordan ituteg Judea san aben titin ante iladug itilianig itor se ya. ²Ago dugo tamolpein malan tubun ak niŋen aban diri dugo subam ad da yak ilod lo ikubuniaŋ se ya.

³Agog Farisi aenkadi san na dupalug diabi wo bitinaek diganeŋ dusumiani, “Idaned kubiaenŋ dugo ibol ak i? Mel ta niŋen o, tia, mel dugo dugo yak niŋen o, tamol ta inŋanen pein ka ibisei wak i?”

⁴Jesus ru naon irupidaig ibol, “Aŋ dag girek en ta asuti na ya, ‘Fun lo mok Mel Niganag Tamol man tamol iŋ pein da idirai a,’ ⁵agog ibol, ‘Fun an niŋen o tamol iŋ tinan taman ibisawaip iwon inŋanep nug dupini dupini wa, an lo dop uraru an kisaek mi dilasa wa.’ ⁶An niŋen o iŋ uraru ago tia ya, iŋ kisaek a, man dugo, Anut inŋsen mi itumanai a. Ak niŋen o kabelan mel ta Anut itumanai an tamol itute banau.”

⁷Ago ibol tag Farisi dusumiani, “Agog ata wo kubiaenŋ Moses igire yan igo ibol ak i? Tamol ta iwon ikudi wo ilon ago yen tap, aria, girek

ta igirep, iwon ipani gup ikudip yau a. Girek an nug banin diabi amaiak itute san girek.”

⁸Jesus ru naon igo irupidai, “Moses iwomi akudai san awok ipanaj a, man dugo, aj bubem dabai geig a. Ak man fun lo mok an san saen lo, kagin naok ago yak ta digane na ya. ⁹Agod ru taida jurupaian da, tamol ta mel ta ninjen o iwon ikudi yau dop, pein foun ak ijane tap, tamol an jeit kagin igane ya. Aria, iwon imug ak a jeit kagin igane yan mi ka ikudip yau a.”

¹⁰Ijanen megeloum dulong go durupei, “An ago pein tamol da lo ilasa tap, gidad nug dijane dumoi.”

¹¹Jesus ru naon irupidai, “Tamol nug jnanek lo dumoi dan san pitejanek man, fidian ilo uyan lo dijane san tia ya, ak man nek a Anut dabai ipidinai damaiak mi kagin an ka dijane wa. ¹²Tamol pein ta dusu na duman, fun senamo senamo ya. Aenta man nabud patun amad tia, ago tinad tijaen lo dilasa ya. Aenta man tamol nabud dupasi da. Aria, aenta man, Anut san kagin panek aben dabai dupani san ninjen o pein ta dusu na da. Tamol ta pitejanek en awok ka ipani tap, ijane wan uyanan geig a.”

Nanuk dijaj go dida Jesus san na dupalu ya

Mak 10:13-16; Luk 18:15-17

¹³Agog tamolpein insiganed nanuk dijaj go Jesus banin kabuad fo iganep gadij lo bar ipidinai san ninjen o insan na dupalu se ya. Ak man ijanen megeloum adi tamolpein ru dabai nam dupudai a.

¹⁴Ago gug Jesus ibol, “Nanuk njaisag na dupalu wo dop eilafu wak, abituanai amoi. Man dugo, Anut san kagin panek aben man nanuk igo yak sadi a.” ¹⁵Agog banin kabuad fufo iganeg aben an ibiseig yau a.

Pinein damag filian anda yak Jesus isumiani a

Mak 10:17-31; Luk 18:18-30

¹⁶Aria, pinein damag ta Jesus san na ipalug isumiani, “O girek manau, ata kulob uyan ak njane dop lo madok pempem yen san an ka njane wak i?”

¹⁷Jesus ru naon igo irupei, “Ata wo mel ta uyan an ninjen o sumianag dak i? Nek Anut kisaek o lian an mi uyanan a. Madok uyan ak lo wau o ilo ibol tap, ru kubiaen girek lo dien dan kagin pidinai a.”

¹⁸Agog isumiaen, “Ru kubiaen dugomaiak i?”

Jesus ru naon irupei, “Onj tamol ta funi imat na wak, jeit kagin ta gane na wak, ta ugam na wak, kot lo supalek ru ta ubol na wak, ¹⁹tina tama awad paen na mado dop kagin pidinai o uyan ak, agod onse niye wo umat dak ago mi aenta dam nijedi wo umat a.”

²⁰Pinein an irupeig ibol, “Ru kubiaen an fidian juri jupani se ya. Ata mel taida ninjen o katuk ag ak i?”

²¹ Jesus irupeï, “On itaot mok lasa wo ilo yen tap, waup onsa mel an fidian didaen lo ganep moni nane wa. Aria, moni an nanep tamolpein mel ad tia yan pidinai a. Ago dop on kumaen panu lo filiama da wa. Ago gane gup palup njeig aban uri wa.”

²² Saen pinein an ru ago ilon man, ilon idug yau a, man dugo, in tan en lo melmel wei kasik aman da ya.

²³ Agog Jesus inanen megeloum irupidaig ibol, “Inai rumok nabol da, tamol filian anda man Anut san kagin panek lo iladu san man muruan geig a. ²⁴ Inai fon nrupaian da, tamol filian anda yak Anut san kagin panek aben lo ka iladu an, rumok tap, aria, kamel dam si guburan tusan ak lo yau san man pasauman geig a.”

²⁵ Saen inanen megeloum ago dulong man, malad ifure saian geig go dusumiani, “Mago tap, enti mok patu pasek ka inane wak i?”

²⁶ Jesus malan ti ibol go yil dugo irupidai, “Tamolpein kulob ago man in lo ta idaisuda na ya, ak gug Anut lo mel fidian man pasauman a.”

²⁷ Agog Pita ru naon ibol, “Ule, mel fidian mibiseig nje aban muri se ya, an lo ata naon igo mok minane wak i?”

²⁸ Jesus irupidai, “Inai rumok nrupaian da, Anut mel fidian afon foun idirai dilasa san saen lo man, Tamol Nanun inanen badim girager anda yak fufo imasi wa. Ago dop an enti njeig aban ari apani na yan dam badim 12 ak fufo amasip Isrel san gugoi 12 an abitiniai a. ²⁹ Agod talpein enti ab ibiseig, tia tein boi, lun boi, taman boi, tinan boi, nanun moroun boi, siganen tan boi, an nai yanag yabisa wo ibisei dop man, mel a ibisawai an san naon sutek yaup 100 irinani wa. Taida mi, nai madok pempem yen san an dam nupani wa. ³⁰ Ak man talpein wei mi gamu in sed malan te idirai dan, saen an lo man in yanag tia yak ago dilasa wa. Agod talpein wei mi in gamu yanag tia dumado dan, saen an lo malan te dilasa wa.

Wain abi san urat tamol adi

20 ¹ “Anut san kagin panek man igo ya. Salso idug abi san muroun imasag didaen aben lo yaug urat tamol aenta ibiaip inanen wain abi ilon lo urat digane san. ² In urat tamol an dida urat naon dugo ipidinai an ninen o dukubiai se ya. Agog adian kiskisaek atem kina kiskisaek ipidinai o ago ibol a. Agog urat tamol an dulong go njein an awok dupanig idinaig inanen abi lo diau a.

³ “Tidom lom, afon imasag didaen aben ante yaug ilasag, tamol ta kawan dutur dugo yil a. ⁴ Ago dugo irupidaig ibol, ‘An dam naisag wain abi lo aup urat agane. Ago dop murnap ananem urat naon dugo itaot atem nupanai a.’ Ago tag diau a. ⁵ In afon, adian lo agod guraian lo mi, nek ago igane ya. ⁶ Guraian mok, auwa kisaek imug mi ad idiau an lo, afon imasag yaug tamol taidam urat ad tia kawan dutur dugo yil a. Agog

tamol an irupidaig ibol, ‘Anj ata wo ad milaen kawan atur amado dugo urat ta agane na dak i?’ ⁷Inj abi muroun ru naon durupeig dubol, ‘Tamol ta man ibiama man tia ya.’ Ago tag irupidai, ‘Anj dam gamu naine wain abi lo au a.’

⁸“Aria, saen ad idiau dugo abi muroun inisan urat gurman irupeig ibol, ‘Urat tamol giai dop sad urat naon anen anen atem udad a. Tamol a murna geig njanal an ate fun ganep, ipalup, yaup, imug ak ate itout a.’ ⁹Saen urat tamol a murna geig ibiai an dupalu man, anen anen atem kina kiskisaek urat san gurman ipidinai a. ¹⁰An ninen o saen urat tamol a imug mi ibiai an dupalu man, inj moni subujan taidam dijanane wak ago ilo sou digane se ya, ak man inj dam nek kina kiskisaek mi dijanane ya. ¹¹Inaned kina dijanane gug, abi muroun ninen o fun diganeg dujurjur se ya. ¹²Inj dubol, ‘Tamol e murna geig biai an auwa kisaek o lian urat digane ya, ak man on ago gane yan lo man inj dida sisem mi milasa ya. Gug man urat san muruan ad milaen man mi misini se ya.’

¹³“Ak man abi muroun tamol ta lulunad lo imado yan irupeig ibol, ‘Turag, hai on ta njinio saian na da. Dugo, on kina kisaek o lian lo urat gane wo awok ta ubol na yak i?’ ¹⁴Ojane urat naon njane wau. Tamol a murna geig njanal an, urat naon a njano yan, nek ago mi inj dam njupidinai o ilog yen a. ¹⁵En dugo, hai siganeg moni lo dugo njigane wo dan, ago ka ta njigane na wak i? Tia, hai siganeg mel njuwae dan ninen o mala isi dak i?’

¹⁶“Nek ago mi, talpein murna yan mitep imug dop, imug an murna wa.”

Jesus afon inanan materj sumeik ilasa dan ninen o ibol a

Mak 10:32-34; Luk 18:31-34

¹⁷Jesus inj Jerusalem na yau se ya, saen an lo inanan megeloum ¹²an injal go dida gigin na diaug, irupidaig ago ibol, ¹⁸“Alon uyan a, id Jerusalem na tau da. Ante man Tamol Nanun dijanep pris gurman agod kubiaen san girek manau banid lo digane wa. Inj malak malak bitinaek lo digane gup imat a. ¹⁹Ago dop Juda tia yak banid lo diganep lo kukok aman digane gup, rasau nam dufuni nap, aigim fo dubali wa. Ago digane wak man, nal utol itout gup, Anut ifufunip afon kumaen imasa da wa.”

Jems inj Jon da sad tinad san sumiaen

Mak 10:35-45

²⁰Agog Sebedi san nanun uraru amaiak tinadi da, Jesus naon na dupalu ya. Agog tinadi turun isaluwig mel ta ipani san ninen o Jesus isumiani a. ²¹Jesus pein an isumiani, “Ata mel ninen o ilo ibol dak i?” Agog pein an naon irupe, “Ru ubol an lo hai nanug muroug e dumado den, murnap unjal pe ojane kagin panek aben lo, ojane badim fo sijire

na dumasip dumado wa. Neinta bani won ak lo dop, neinta ŋas ak lo gane wa.”

²²Agog Jesus, Jems in Jon da irupidaig ibol, “Mel dugo mok niŋen o asumianag dan ta alon uyan na ya. Ak dugo, gab a ŋai lo ŋaluk san an, aŋ dam lo aluk anen idaisuda yak i?” Agog in ru naon durupeig dubol, “Awo, maŋ idaisuda ya.” ²³Jesus irupidai, “Rumok, aŋ ŋaineg gab an lo aluk a. Ak man siŋireg na amasip amado, ta banig won ak lo, ta banig ŋas ak lo, aben a yaŋan anda amaiak ŋai ŋupanar san ta idaisuda na ya. Tia, ŋaineg Tamag inŋen mi tamol ta aben an ipidinai san ipilianai la ya, amaiak niŋen o aben uraru an inaned mi a.”

²⁴Saen inanen megeloum 10 dumado yan ago dulon man, tamol uraru an niŋedi wo tiŋaed saian geig a. ²⁵Ak man Jesus igiaig san na dupalug igo irupidai, “Aŋ alon ak, gob adi luluŋad lo inaned gurman sed idiraip lak na mok disuda dop tamolpein ditirnai o digane wa. Agod inaned tutubu yan tamolpein kawan ak didiraip tuod paed na dumado wa. ²⁶Ak gug aŋ luluŋam lo kagin ago yak ta mok ilasa na wa. Tia, talpein ta aŋ luluŋam lo yaŋak tubun ak inane wo ilon ibol tap, sen iganep aŋanem biabi ŋilaŋal oŋ ilasa wa. ²⁷Agod talpein ta aŋ luluŋam lo imug yau san ago ilon ibol tap, sen igane idup aŋ fidian mi wagem lo bigabeg igo woŋ ilasa wa. ²⁸Nek ibol Tamol Nanun inŋen igo woŋ, tamolpein aenta binawek urat dupani wo ta ipalu na ya, tia, aenta niŋedi wo binawek urat igane wo ipalu ya. Agod sen tinin fidian ibiseip an lo tamolpein wei mi siganen dar lo idad pe inŋal imul o dam ipalu ya.”

Jesus tamol uraru malad itau an ikubuniaia a

Mak 10:46-52; Luk 18:35-43

²⁹Saen Jesus inanen megeloum dida Jeriko dibisei man, tamolpein malan tubun ak niŋen aban diri a. ³⁰Ante man tamol uraru maladi itau ak dal gigin na dumasig dumado ya. Saen Jesus iriŋanai o igane dugo dulon man diwagiŋ, “O Tubun ak, Dawid Nanun, ilo imuŋanama!”

³¹Agog tamolpein an dububuŋanaig durupidai, “Awam itaup atokabol pe amado!” Ago tag tamol uraru an nen maeg nam duwagiŋ dugo disasai, “O Tubun ak, Dawid Nanun, ilo imuŋanama!” ³²Jesus awad ago ilon man, ipartuanig igiaig irupidai, “Dugo niŋdiraŋ o ilom ibol di?” ³³Agog in durupeig dubol, “O Tubun ak, maŋ abaŋ mile wo iloma ibol da.” ³⁴Agog Jesus tubun mok ilon imuŋanaig maladi isupuri dugo gamu nam uraru an abaŋ dile ya. Agog niŋen aban dirig dutor se ya.

Jesus kiŋ oŋ Jerusalem na iladu ya

Mak 11:1; Luk 19:28-40; Jon 12:12-19

21 ¹Jesus inanen megeloum dida Jerusalem sumeik dupani dugo, Did Oliv siŋiren na panu ta yaŋan Betfage dubol dan ate dilasa

ya. Ago man Jesus megeloum uraru panu an ilon lo diau o idinai a. ²In ago irupidaig ibol, “Aŋ nuŋom urarum panu o tile dan ante au a. Aup doŋki ta dususeg itur dak ante ale wa, iŋ nanun da sisem dutur da. Urarum kam apasip aŋal pe ŋaisag na apalu. ³Tamol ta ru aman da dop, aŋ igo arupeŋi wa, ‘Tubun ak urat ipidinai a.’ In ago ilon dop, idinaip aŋal pe apalu salti wa.”

⁴Dal an lo man, awan aban ta profet ta ibol an nuŋon ilasa ya. Ru an igo ibol,

⁵“Ru en Saion san Nanun Pein” naod na ubol ilasa wa.

Ale, aŋanem Kiŋ gamu aŋsam na ipalu da.

Tamol mos aman ak igo woŋ ipalu da, doŋki ta fufo na imasig imado da.

Doŋki an foun ak fo na imasig imado dugo ipalu da.”

⁶Agog megeloum uraru an diaug, Jesus ibol ak ago mi digane ya.

⁷Diaug, doŋki tinan iŋ nanun da diŋal go dupalu ya. Agog doŋki an patun fufo kulos duruwarig, Jesus fo isudag imasig imado dugo diau a. ⁸Agog tamolpein malan tubun geig an iŋsiganed kulos milmilae ak dupasi dugo dal te duruwari se ya. Ago dugo aenkadi ai raen dututeg dal damag dupani dugo didiri se ya. ⁹Tamolpein aenkadi, Jesus dida inug mi diau dugo, tamolpein aenta murna dupalu ya. In fidian mi igo dubol duwagiŋ se ya,

“Hosana,^o Dawid Nanun, per mupano da!

Tamol Anut yaŋan lo ipalu den bar iŋane ya!

Hosana lak na geig!”

¹⁰Saen Jesus Jerusalem na iladu man, tamolpein fidian ilod imasa dugo nug dusumiani se ya, “Tamol en enti ak i?” ¹¹Ago dugo tamolpein a ida tureŋ diabi se yan ago dubol, “En Jesus, emaiak iŋ profet, distrik Galili ilon lo panu ta Nasaret san ak ipalu ya.”

Jesus tamol tempel san ar ilon lo didaen digane se yan ikudai a

Mak 11:15-19; Luk 19:45-48; Jon 2:13-22

¹²Jesus tempel san ar ilon lo iladug, aben ante didaen tamol, agod a melmel ta didad dan dam fidian ikudaig patun fo dilasa ya. Insad tebol fufo na moni dubulisa se yan, iratitaleg yabibol idu dugo, tamol aenta muluk didaen lo didirai se yan sad kalik dam yabibol yau a. ¹³In ago ipidai, “Anut san buk lo ru en digire ya, ‘Ŋaineŋ ab man gudanek san ago dubol a,’ ak man aŋ agane ilasag ‘gumagam adi sad mianuk ab’ igo agane da.”

ⁿ Saion san Nanun Pein an ru faŋan, iŋ fun man ‘Jerusalem san tamolpein’ ^o Wagam mok ru en ‘hosana’ san fun man ‘oŋ patuma pasi’ igo ya, murnag fun afon ibileksag, nek ibol ‘per mupano’ ago ilasa ya.

¹⁴Jesus tempel lo imado dugo, malad itau agod njied saian ak dam san na dupalu se ya, ago man inj ikubunia i dugo tinid siŋaokan dilasa se ya. ¹⁵Ak man pris gurman adi agod kubiaen san girek manau dam inj kulob girager igane se yan dile dugo, nanuk tempel san ar ilon lo yak igo duwagin, “Hosana Dawid Nanun, per mupano da!” Saen gurman adi ago dile man ilod saian dugo tiŋa ed wananan a.

¹⁶Ago tag Jesus dusumianig dubol, “Ru e dubol den ulonj dak i?” Agog Jesus ru naon irupidai, “Awo, njalonj da. Nag an ru en ta asuti na yak i?”

‘Onj nanuk kititik agod nanuk su ate dam pilianai dop,
per panek awad lo ilasa wa.’ ”

¹⁷Agog inj ibisawaig Jerusalem patun fo ilasag yang tidom an lo Betani na njionj yabi a.

Jesus ibol dugo gurab ibun yau a

Mak 11:12-14, 20-24

¹⁸Tidom lom mok Jesus imul go Jerusalem na yau, saen an lo dam inj ananj o imat. ¹⁹Malan yang dal gigin na ai gurab ta itur dugo ile, ago man siŋiren na geig yau. Ak man nuŋon ta ile man tia ya. Roun kawan mi yen a. Ago tag inj ai gurab an ago irupe i, “Onj afon nuŋo ta ufu na wa. Tia geig a.” An lo man gurab an ibun yau kisaek onj a.

²⁰Inanen megeloum ago dile man durut geig dugo dubol, “En dugo wonj mok go gurab an ibun yau kisaek onj ak i?” ²¹Ago dugo Jesus ru naon igo irupidai, “Ŋai rumok mi njurupaianj da, anj ilom lo rumok dop, agod ilom uraru dam tia tap, anj kulob e njai gurab lo njigane yak ago mi ka agane wa. An mi tia ya, tia, anj did en arupeip, onj masap sokalik beig lo udu, ago dop mel a arupe i an awam yabi wa. ²²Agod anj ilom rumok aman da yak lo gudanek agane tap, mel fidian a niŋedi wo gudanek agane dan ka agane wa.”

Inj Jesus dusumiani, “Enti ipiliano ya?”

Mak 11:27-33; Luk 20:1-8

²³Jesus tempel lo iladug tamolpein manau ipiteŋanai se ya. Ago dugo pris gurman adi agod Isrel san gurman adi dam dupalug naon na dilasag dusumiani, “Onj kob en agod dabai dam dugon te njaneg lo melmel en gane dak i? Enti mok dabai en ipanog ate urat en gane wo ibol ak i?”

²⁴Agog Jesus ru naon igo irupidai, “Ŋai dam mel ta niŋen o njusumiananj o da. Ago dop anj imug njaisag sumianek an itaot arupaia g tap, enti mok urat e njigane den san dabai ipanag ak ka njabol pe alonj a. ²⁵Dugo ilom isou dak i? Jon san suguek man, dugon te kagin an injane yak i? An kumaen panu san mel, tia, tamol sad mi ak i?”

Agog injsed nug lo igo diŋiŋen se ya. “En kumaen panu san mel, ago tabol tap, inj igo ibol isumianad a, ‘En ata wo anj inj niŋen o ilom ta rumok

na yak i?’ ²⁶ Ak gug ‘En man tamol sad mel mi a,’ ago tabol tap, id o dugo ilasa wak i? Id tamolpein en niñedi wo tarer da, man dugo, iñsad ilo sou lo man Jon mi iñ profet, ago dubol da.” ²⁷ Ago yak ninen o Jesus ru naon durupeig dubol, “Man ta malon na ya.” An lo man Jesus irupidai, “Ago yak ninen o ñai dam enti mok kob agod dabai ipanag an ta ñurupaian na wa.”

Nanuk uraru tamad da sad ru mitilaen

²⁸ “An mel emaiak ninen o dugo won ilo sou agane di? Tamol ta nanun uraru a. Iñ nanun matu ak san na yaug igo irupei, ‘Nanug, on gamu waup wain abi lo urat gane wa.’ ²⁹ Agog nanun ibol, ‘Ñai ñamoi.’ Ak man murna gug ilon ibileksag abi lo yau a. ³⁰ Agod taman an nanun bakan ak san na yaug, ru naon kisaek ago mi irupei a. Agog nanun an awan yabig ibol, ‘Awo Bai, ñau o da.’ Ak gug iñ ta yau na ya. ³¹ Dugo ilom isou dak i? Nanuk uraru en, enti mok taman san ilobol iri ak i?” Ago man iñ dubol, “Nanuk matu ama ya.” Agog Jesus ago irupidai, “Ñai rumok ñurupaian da. Takis ñilañal, agod dal san pein adi, iñ an dirinanan go Anut san kagin panek aben lo diladu da, ak man an aladu wo amoi da. ³² Man ata wo? Jon imug an kagin itaot ak san dal ikubiaip ale wo, sam na ipalu ya. Ak man an ilom ta rumok na ya. Ak gug takis ñilañal tamol, agod dal san pein adi dam, iñ ilod lo rumok a. Gidad an ago ale bo man, ilom lo ta rumok na, agod ilom dam ta ibileksa na ya.”

Abi san kagin panek adi san ru fañan

Mak 12:1-12; Luk 20:9-19

³³ Jesus tamol tutubu yak ago irupidai, “Kududom agure dop ru fañan taidam ñurupaian o da. Tamol ta iñ wain san abi yabig ar ifou a. Abi an ilon lo wain patun dupartitale san gib yabi a. Agod ab a ate abi titianek dumado san dam abi ilon lo yabi a. Agog tamol ta abi an kagin dupani san urat digane wo ipilianaig, banid lo igane ya. Aria, saen abi taman iñ urat an fidian igane itout man, imasag panu asau ak ate yau a. ³⁴ Aria, ai wain nuñod ifu san saen sumeik ipani dugo, iñ iñsan biabi ñilañal idiraig iñanen wain nuñon disini wo diau a. ³⁵ Ak man urat tamol a abi lo dumado dan dumasag, tamol a abi muroun idinaig diau an muruan dupidinai a. Ta dufunig, neinta dufuni imat dugo, kisaek pat nam dufuni imat a. ³⁶ Murnag abi taman an urat tamol sen ak idiraig sad na diau a. Iñ nuñod kitek wei a, a gubak mi idiraig diau an dirinanan a. Tamol abi lo urat digane yan dumasag urat tamol a diau an lo kulob gubak mi digane yak ago mi digane pidinai a. ³⁷ Murna geig abi taman nanun mok idinig yau dugo ilo sou lo igo ibol, ‘Urat tamol an ñaineg nanug mok an awan diabi wa.’

³⁸ “Tamol abi lo urat digane dan, malad yaug nanun ipalu dugo dile. Ago man iñsed nug ru dupeig dubol, “Tamol en man taman san melmel

fidian mi iḡane wo da. Ago yak niḡen o id tufunip imat dop, iḡanen abi id tiḡane wa.’ ³⁹Ago dubol go diabig ar patun fo dubal idug dufunig imat a.

⁴⁰“Ago yak niḡen o aḡ dugo woḡ ilom isou dak i? Murnap, saen abi taman an ipalu wan lo, iḡ tamol a abi lo urat digane na yan niḡedi wo dugo mok iḡane wak i?”

⁴¹Iḡ ru naon iḡo durupeḡ, “Abi taman iḡ tamol saiadi an daoḡ saian geig ak ipidinai a. Ago dop wain san abi an tamol sen ta ipidinaip kagin dupani wa. Urat tamol foudi an, wain nuḡon ifu san saen lo, san nuḡon diḡanep dutumanip disini dop dupani wa.”

⁴²Ago tag Jesus ago ibol isumianai, “Nag aḡ ru e girek lo yen den ta asuti na i?”

‘Pat nek a ab bek tamol adi dumoi dan,
nek amaiak ab tinin fidian yabi sakar da.

An Anut sen ago iḡane ya,
agod id malad lo en man siḡaokan geig a.’

⁴³“Amiaiak niḡen o ḡai ḡurupaiaḡ da, Anut iḡsan kagin panek aben an, aḡ tuom lo ipasi yau a. An lo dop tamolpein sen ak ta, iḡ Anut san kagin panek aben an san nuḡon mok digane ilasa dan, kagin panek aben an iḡ ipidinai a. ⁴⁴Talpein ta iḡ pat en fo na yau idu dop man, sen ifuni ititale wa. Ak gug talpein ta pat en kabuḡan fufo idu dop, ifufari idu wa.”

⁴⁵Saen pris tutubu agod Farisi adi, Jesus ru faḡan a ibol se yan duloḡ man, iḡ duloḡ uyanan ak Jesus iḡanen ru lo iḡ isiai se ya. ⁴⁶Amiaiak niḡen o dal ta lo Jesus diabi wo maeg diḡaneg abaḡ dile se ya. Ak man tamolpein malan tubun ak niḡedi wo direr, man dugo, tamolpein an sad ilo sou lo man Jesus iḡ profet, an niḡen o iḡ ta diabi na ya.

Nug iwon ḡilaḡal san anaḡ tubun ak san ru mitilaen

Luk 14:15-24

22 ¹Agod afon, Jesus tamolpein an ru faḡan lo irupidai a. ²“Anut san kagin panek man iḡo ya. Kiḡ ta iḡsinan nanun tamol ak o nug ḡanek san soubul yabi a. ³Iḡ imug mi tamol adi a iḡsan nug iwon san anaḡ diani wan nal dugon lo dupalu wo irupidai. Aria, anaḡ nal idu dugo iḡsinan urat tamol idiraig tamol an dil o diau a. Ago yak man iḡ dupalu wo dumoi a. ⁴Agod afon iḡ urat tamol sen ak idiraig diau wo dugo, iḡo irupidai, ‘Aḡ tamol a gubak mi ḡiḡiai an sad na aup, iḡo arupidai a. Aloḡ uyan, ḡai anaḡ ḡukubune la ya. Makau tubun ak agod makau nanud tinid bulbal ak dam mafu la ya, mel fidian mukubuneg dien da. Aḡ soubul en lo apalu wa.’

⁵“Urat tamol diaug tamol an ru durupidai a, ak man ru an dumoi go kagin ta dupani na yan lo, dufurak go gidigheid diau a. Ta iḡsinan abi lo yau dugo, ta yaug iḡsinan bisnis urat iḡane se ya. ⁶Aenta dumasag kiḡ

san urat tamol duburoug ru saian ak lo dububunanaig dufu dumat a. ⁷An ningen o kinj tijaen tubun mi saian tag, injsinan yu tamol adi idiraig diaug, tamol a inanen urat tamol dufu dumat, amaiak dufu dumat dugo sad panu dam dumarig inani yau a.

⁸“An itout go kinj an injsan urat tamol ago irupidai, ‘Nug iwon njilañal san ananj kubunek go yen da. Ak man tamol a ñai imug njigai an, dupalu san inj ta idaisuda na ya. ⁹Ago yak ningen o amasap dal gigin fidian lo atur a, tamol fidian eil dop, agiaip nug njilañal san ananj lo dupalu wo ago arupidai a.’ ¹⁰Inj ago ibol dugo, inanen urat tamol dumasag, dal gigin fidian atem dutur dugo, tamolpein uyadi agod saiadi ak dam dil dugo dutumanai se ya. Agog ananj tubun an lo dupalu ya. An lo man ab a ate soubul diani san an awan isa geig a.

¹¹“Tamolpein dumasig dumado dugo kinj an yil o iladu ya. Inj iladug malan yau man, tamol ta nug njilañal san kulos ta igane na yan ile ya. ¹²Agog naon na isusag isumiani, ‘Turag, en dugog onj nug ñanek san kulos ta gane na gug ente sadu yak i?’ Agog tamol an ru ta ibol san tia ya.

¹³“Ago tag kinj urat tamol adi sinjiren na dutur dan irupidaig ibol, ‘Anj njien banin afoup, anjanep abili patun fo ilasa dop, abanj tidom tubun ak lo imado wa. Aben ante man tamolpein tinañ digane dop madai lo luod dugurmi wa.’ ¹⁴Man dugo, Anut inj bo tamolpein wei kasik igiai da, ak gug tamolpein kisaek kisaek mi diladu san kob ipidinai a.”

Kaisa san takis njilañal
Mak 12:13-17; Luk 20:20-26

¹⁵Agog Farisi adi diaug, Jesus san njinenj lo dal dugo diabi san ningen o dutumanig dukubiai se ya. ¹⁶Inj awad kisaek go, siganed megeloum aenkadi, Herod san tamol aenta dida didiraig, Jesus san na diau a. Tamol an Jesus durupeig dubol, “Girek mañau, mañ maloñ ak onj ru rumok san tamol. Onj tamolpein Anut san dal an ningen o itaot mi piteñanai da. Onj tamol ta ningen o urer san tia ya. Tia, onj ru kisaek an mi tamol fidian lo ubol yau da. Gidad yañad da yak, di yañad tia yak dam mi a. ¹⁷An ningen o onj ka mel en ningen o rupaiaama wa. Dugo, Kaisa takis moni tupani wan uyan ak i? Tia, saian ak i? Onj dugo ilo isou dak i?”

¹⁸Ago yak man Jesus injsad ilo sou saian an ilonj dugo igo irupidaig ibol, “Anj balem rararu a, ata wo ñai bitinaek lo aginiag o agane dak i? ¹⁹Anj moni a lo takis adad o dan kisaek akubiai dop njile wa.” Ago tag inj moni ta disinig san na dupalug dupani a. ²⁰Jesus ibol isumianai, “Mitilaen agod yañak e fufo digire yan enti san ak i?” ²¹Agog inj dubol, “Kaisa san.” An ningen o irupidai, “Mel ta Kaisa san tap, Kaisa apani wa, agod mel ta Anut san tap, Anut apani wa.”

²²Saen ru an dulonj man durut saian geig a. Agog dibiseig diau a.

Sadyusi Jesus diabi wo bitinaek digane ya

Mak 12:18-27; Luk 20:27-40

²³Nal kisaek an lo Sadyusi aenta Jesus san na dupalu ya. Tamol nek an pris gurman adi sad warou, inj tamol dumat pe murnap fon kumaen dumasa da wan ninjen o ilodi ta rumok na da. Agog Jesus igo dubol dusumiani, ²⁴“Girek manau, Moses gubak mi igo ibol a. ‘Tamol ta inj nanuk aman tiag imat tap, gidad tein imasap iwon ka injane dop, an lo tein imat la yak aben lo nanuk idiri ilasa wa.’ ²⁵Aria, gubak mi man tein muroun nuṇod 7 man lulajama lo dumado se ya. Matu ak pein injaneg imado nag imat, ak gug inj nanuk aman tia ya. Ago yak ninjen o tein bakan ak imasag matu imat an san pein injane ya. ²⁶Tein bakan an dam tein san suos a injaneg, dumado yak man nanuk amad tiag tamol ak imat a. Tein muroun murna an dam nek ago mi, teidi sad suos an dijane yak man, nanuk amad tia dumado nag, dumat a. ²⁷Tein an fidian mi nanuk amad tia dumat gug pein an dam imat a. ²⁸An ninjen o onj ubol rupaiama wa. Saen tamolpein dumat pasik an afon kumaen dumasa tap, tamol an fidian ilod lo man, pein an enti iwon ak i? Onj ulonj ak inj fidian iwodi a.”

²⁹Ak gug Jesus ru naon irupidaig igo ibol, “Anj afurfi saian a. Man ata wo? Anut san ru girek lo yen dan, agod Anut san dabai dam anj ta alonj uyan na ya. ³⁰Saen tamol dumat pe dumasap kumaen panu na dutor dan, pein ta dusu na da, agod ante tamol ta pein njen ta dupani na da. Tia, inj kumaen panu san enjel igo wonj dumado da. ³¹Agod taida mi, tamol dumat ak fon kumaen dumasa da wan ninjen o kududom agure. Nag anj ru a Anut irupaianj an ta asuti na yak i? Inj igo ibol, ³²‘Injai man Abraham san Anut, injai dam Aisak san Anut, agod injai dam Jakob san Anut.’ Anut man inj tamol a matej lo dumado dan sad Anut tia ya. Tia, inj man tamol kumaed dumado dak sadi a.”

³³Saen tamolpein a Jesus dubuluwi dan injsan pitejanek emaiak dulonj man, inj durut dugo ru an ninjen o nug lo dijinjenj ila iso se ya.

Kubiaenj dugomaiak malan te yak i?

Mak 12:28-34; Luk 10:25-28

³⁴Saen Farisi, Jesus ru a ibol an lo Sadyusi awad yabituani an dulonj man, naon na dutumani a. ³⁵Tamol ta inj lulujad lo itur an, inj kubiaenj san ulonj tamol, amaiak ru a Jesus ibol an ipipi wo igo isumiani a. ³⁶“Girek manau, kubiaenj dugomaiak inj malan te dugo, kubiaenj aenta irijanai geig ak i?” ³⁷An ninjen o Jesus ago irupej, “Onj gidad Tubun en onjane Anut ninjen o umat a, onj bube fidian lo, onj njutu fidian lo, agod onjane ilo sou fidian lo ago gane wa. ³⁸Kubiaenj en tubun a, agod inj malan te geig a. ³⁹Kubiaenj turan en dam nek ago mi a. Nek onjse nje wo umat dak ago mi, tamolpein aenta dam ninjedi wo umat a. ⁴⁰Kubiaenj

uraru en malan te yen da, Moses san kubiaen fidian, agod profet sad awak aban an dam, kubiaen uraru en paed na diyuk dien da.”

Kristus in enti nanun ak i?
Mak 12:35-37; Luk 20:41-44

⁴¹Farisi adi dutumanig dumado dugo Jesus ibol go isumianai, ⁴²“An Kristus ninen o dugo ilom isou di? In enti nanun ak i?” Ago man in durupe, “En man Dawid nanun.” ⁴³Ago tag in irupidai, “Aria, en dugo won go, Kristus ninen o, Dawid insen mi Awan Urgan san dabai lo mi inijen dugo tamol an yanan man, Tubun ak ibol ak i? In igo ibol,

⁴⁴‘Tubun en naisag Tubun ak igo irupe,

“On nai tuog won ak ate masip yaup,

murna gup nai onsa ager adi njidraip,

on nie pae na dumado dop nie nam partuanai a.” ’

⁴⁵Amaiak ninen o Dawid insen mi in Tubun ak ago ibol tap, en dugo won pe in Dawid nanun ak i?” ⁴⁶Nal an log yau man, Jesus sumiaen subujan taidam dusumiani wan ninen o direr se ya.

Jesus in Farisi agod girek manau adi sad kagin sisaik an kuai tem igane ilasa ya

Mak 12:38-39; Luk 11:43,46; 20:45-46

23 ¹Nal an lo Jesus inanen megeloum, agod tamolpein a dubuluwi an dam irupidaig ibol, ²“Kubiaen san girek manau in Farisi dida Moses naon dijane ya. ³An ninen o ata mel agane wo durupaian dan an kagin apani dop itaot mi agane wa. Ak gug kagin naok naok a digane damaiak an dam nek an ta ari apani na wa. Tia geig, man ata wo? In ru kagin wei mi dubol dak, gug insed mi insiganed ru ta duri dupani na da. ⁴In tu muruan ak dufou dugo, tamol yarod fo didirai da, ago yak gug insed banid kurunen nam kitek diabip tamol dubunawai dop disini wo man dumoi da. ⁵Mel fidian in digane duman, tamol dil o digane da. Awo, in gudanek san ariy didiri dugo, bala milmilae ak dam kulos bitijen fo na digane da. ⁶In soubul lo kalik malan te yak ninen o dumat da, agod ubou ab lo dam nek ago mi a. ⁷In panu titinae mi tamol ‘adian’ dupidinai o ilod yen da, agod tamol in nijedi wo ‘tamol tubun ak’ ago dubol an dam ninen o dumat da. ⁸Ak man, tamolpein aenta an gurman adi dubol ak ago ta digane na wa. Tia, tamol kisaek o lian man ansam gurman, agod an fidian man nug tein taon amado da. ⁹Tan en lo talpein ta an tamami ak ago ta abol na wa. Man dugo, Tamol kisaek o lian in an tamami, amaiak kumaen panu lo imado da. ¹⁰Agod tamolpein aenta in an girek manau adi ak ago ta dubol na wa, man dugo, an girek manau kisaek o lian am da ya, in Kristus. ¹¹Tia, an lulumam lo man, enti in malan te yan, an fidian sam urat tamol ago ilasap imado wa. ¹²Tamol in

sen yaŋan yabisa dan, iŋsan yaŋan an yau idu wa. Tamol iŋ sen yabi idu dan, yaŋak tubun ak iŋane wa.

Jesus saen 7 ru lo ibiai dudu ya

Mak 12:40; Luk 11:39-42,44,47-51; 20:47

¹³“Aŋ kubiaeŋ san girek maŋau, Farisi dida man, muruan tubun geig ak ale wa. Aŋ tamol awam rararu amam mi a! Man ata wo? Aŋ tamolpein naod na Anut san kagin panek aben an san dalawan afutani da. Aŋsem ta aladu na da, ago dugo tamolpein a diladu wo dan, nek amaiak aŋ sad dal afou da.”¹⁴Aŋ kubiaeŋ san girek maŋau, Farisi dida man, muruan tubun geig ak ale wa. Aŋ tamol awam rararu amam mi a! Man ata wo? Aŋ pein suos sad ab agam da, agod gudanek milaen kasik, tamolpein diliaŋ o agane da. Amaiak niŋen o naon a aŋane wan nen tubun mi ilasa wa.

¹⁵“Aŋ kubiaeŋ san girek maŋau, Farisi dida man, muruan tubun geig ak ale wa. Aŋ tamol awam rararu amam mi a! Man ata wo? Aŋ wein abi dak, agod tan na dam ator dak, tamol ta kisaek o lian abaŋ an ale dop, an lo aganep, Juda sad dal iri san tamol ago ilasa wa. Gug saen aŋ tamol naok ago yak ale dop, nek ibol aŋsem Ades lo aup amado wak igo, iŋ dam Ades lo yaup imado wan niŋen o tubun geig iriŋanaŋ a.

¹⁶“Aŋ malam itapul amami a, muruan tubun geig ak aŋane wa. Aŋ tamol malad itapul an ak dal akubiai pidinai dak gug aŋsem mi malam itapul an a. Aŋ igo abol da, ‘Tamol ta iŋsinan ru dabai ipani wo, tempel san yaŋan lo lak na geig ibol tap, iŋsan promis Anut ipani an man kawan a. Ak gug iŋ tempel san gol ilon lo yen dan san yaŋan lo lak na geig ibol tap, gidad promis a ibol ak ago mi iri wa.’”¹⁷Aŋ mala tapul buraurau! Ata mel malan te yak i? Ak dugo, gol malan te yak i? Tia, tempel an san gol gun igane damaiak malan te yak i? ¹⁸Taida mi aŋ igo abol da, ‘Tamol ta iŋsinan ru dabai ipani wo, alta san yaŋan lo lak na geig ibol tap, iŋsan promis Anut ipani an man kawan a. Ak gug iŋ lou panek a alta fufo yen dan san yaŋan lo lak na geig ibol tap, gidad promis a ibol ak ago mi iri wa.’”¹⁹Aŋ malam itapul amami a! Ata mel malan te yak i? Ak dugo, lou panek an malan te yak i? Tia, alta a lou panek an gun igane damaiak malan te yak i? ²⁰An niŋen o tamol iŋsinan ru dabai ipani wo alta san yaŋan lo lak na geig ibol tap, melmel a alta fufo na dien dan lo dam sinan ru dabai ipani da. ²¹Nek ago mi, tamol iŋ tempel san yaŋan lo lak na geig ibol tap, iŋ tempel agod Iŋ a ate imado dan sisem sad yaŋad lo dam lak na geig ibol da. ²²Agod tamol a sinan ru dabai ipani wo kumaen panu san yaŋan lo lak na geig ibol dan, Anut san badim lo, agod Iŋ a badim an fufo imasi dan lo dam, lak na geig ibol da.

²³“Aŋ kubiaeŋ san girek maŋau, Farisi dida man, muruan tubun geig ak ale wa. Aŋ tamol awam rararu amam mi a! Man ata wo? Abi san

^p Boi 14 Grik lo tia ya.

pinapan kititik wei mi abitig malan 10 dilasa ya, agog malan kisaek Anut apani a. Ak man aŋ kubiaen san ru malan te yak, nek ibol kot lo atarpasai uyanan dak, aenta ilom imujanai dak, agod ansganem ru aganuri dan, kagin naok naok ago yak ari san ninen o kagin ta apani na da. Kagin malan te yak agane wa, agod kubiaen san ru kagin kititik dam ta abisei na wa. ²⁴Aŋ gurman adi, aŋ malam itapul ami a! Aŋ tuor fufo na gubudai akudai da, gug ta alon dugo kamel atunjali da!

²⁵“Aŋ kubiaen san girek manau, Farisi dida man, muruan tubun geig ak ale wa. Aŋ tamol awam rararu amam mi a! Man ata wo? Aŋ gab in daeg da, tinid patud fo yak mi afulani da, ak man ilodi nun tinan a. Aŋ ilo sek san kagin, agod ilo masa san kagin abituani san ta idaisuda na ya, kagin sisaik an aŋ ida isuda geig a. ²⁶Oŋ Farisi, oŋ mala itapul an a! Oŋ imug gab ilon fulani uyan a, ago gup tinin patun fufo na yak dam ikok aman ilasa wa.

²⁷“Aŋ kubiaen san girek manau, Farisi dida man, muruan tubun geig ak ale wa. Aŋ tamol awam rararu amam mi a! Man ata wo? Aŋ bem milkouk ak nam mutou san ab diabi ak igo won a. Kuai te man mutou an san leil sijaokan mok a, ago gug ilon lo man tamol dumat ak sad tatumadi, in melmel nun amad da yak wei mi dam dida awa nag dien da. ²⁸Aŋ dam nek ago mi amado da. Tamolpein malad lo ananem nao lalek man uyanan manon a, ak gug ilomi man, balek rararu san kagin in kubiaen pilalek kagin da awa nag yen da.

²⁹“Aŋ kubiaen san girek manau, Farisi dida man, muruan tubun geig ak ale wa. Aŋ tamol awam rararu amam mi a! Man ata wo? Aŋ profet sad mutou san ab abi da, nek ago mi tamol uyadi ak sad mutou dam bala apani da. ³⁰Agod aŋ igo abol, ‘Man tubum bagem sad saen lo mumado yak man, man in luad masap mibinawaip sisem profet ta mafu dumat na wa.’ ³¹Ru amaiak lo aŋ sem ibian adu da, man dugo, aŋ kuai tem tamolpein akubiai pidinai dak ansem man, tamol ensauta a profet adi dufu dumat na yan, amaiak sad nanud muroud mi a. ³²Amaiak ninen aup, kagin naok a tubum bagem digane se yan, ago mi aganep idaisuda wa. An lo dop kob a in ante dilasa yan aŋ dam ante alasa wa!

³³“O aŋ mot adi, mot wagai ak sad nanud muroudi! En dugo won Anut aŋ Ades lo au o irupian an abiseip asol au ak i? ³⁴Fun amaiak ninen o ŋai profet adi ndinai dugo, manau tamol adi, agod girek manau adi, dupalu dugo ansem na dilasa da. Ago bo man aŋ aenta afu dumat a, aenkadi aigim fo abalai a, aenkadi sinam ubou ab ilod lo asukutai a. Aenkadi akudaip taun an dibiseip taun sen ak lo diau a, kagin nek agom digane yau a. ³⁵Fun an ninen o, tamol uyadi fidian a tan en lo ager adi banid lo mater dile yan, kagin amaiak san ai wadan Anut ansem mi ipan a. An man ansinam muruan mi a. An lo Abel imat ak san saen log ipalug kin Joas san saen lo, Sakarias in Berekaia nanun tempel san galun

gun ak, alta da titiŋae mi tubum bagemi dufunig imat a, kagin an san ai wadan man aŋsiganem muruan mi a. ³⁶Ŋai ru rumok ak ŋurupaiaŋ da, kagin sisaiaŋ fidian en sad naon saian ak tamolpein gamu dumado den sad na ilasa wa.

Jesus Jerusalem tamolpein niŋedi wo ilon muruan a

Luk 13:34-35

³⁷“O Jerusalem, Jerusalem, oŋ profet ufu dumat na ya, oŋ tamol a Anut idinaig oŋsa na dupalu na yan ufu wo pat ubal na ya! Saen sapta, nek ibol kurek tinan subarin roun paen na nanun ituanai o dak ago mi, ŋai oŋsa nanu murou ŋutumanaip kagin ŋupidinaŋ o, ilog tubun mi yen da. Ak gug aŋ amoi a. ³⁸Ale, Anut aŋanem tempel ibisei la ya, an lo aŋanem ubou ab man kawan yen da. ³⁹Man dugo, ŋai igo ŋurupaiaŋ da, aŋ fon ŋai ta aliag na wa. Tia, saen aŋ abol, ‘Tamol e Tubun ak yaŋan lo ipalu den bar mupani da,’ an san saen lo mi afon ŋai aliag da wa.”

Saen e lo tumado den itout san kob

Mak 13:1-31; Luk 21:5-33

24 ¹Jesus tempel ibiseig yau dugo, iŋanen megeloum tempel san ab funfun naodi dugo yak dukubiai ile wo san na dupalu ya. ²Ak man iŋ ru naon ago irupidai, “Aŋ mel en fidian mi ale yak i? Ŋai ru rumok ak ŋurupaiaŋ da, ente man pat ta kisaek o lian pat sen ak tinin fufo na ta yen na wa. Tia, murnap tamol adi dupalup tempel en fidian daoŋ dupani wa, ago dop tempel san pat fidian dugufututep diabibol tan na dudu wa.”

³Jesus Did Oliv fo imasi dugo iŋanen megeloum mianuk lo san na dupalug dubol, “Oŋ rupaiaŋa wa, saen dugomaiaŋ lo melmel en dilasa wak i? Mel dugomaiaŋ imug ilasa dop, ate maŋ malon ak, oŋ umul palu o di? Agod saen gamu e tumado den itout o di?” ⁴Jesus ru naon igo irupidai a, “Aŋ kagin agane, kabelan tamol ta aŋ irawaŋ banau. ⁵Tamol wei mi dupalup ŋai yaŋag dupatep dubol a, ‘Ŋaiseŋ Kristus.’ Ago dop tamolpein wei kasik dirawai a. ⁶Aŋ yu ager alon ak, agod ru tim yu ager sensen yau oŋ an dam alon a. Aŋ kagin agane wa, kabelan amasa saian banau, man dugo, mel an ilasa wak, ak gug nal wadan san saen man gamugo da. ⁷Tamol malan ta yu diabisa dop, tamol malan ta yu naon iŋsad na digane imul a. Ago dop kiŋ ta iŋsan tamolpein dida yu diabisap, kiŋ sen ak ta iŋanen tamolpein dida nug dufuni wa. Agod aben sensen lo man kadag tubun mi idu dop kanaurig tubun ak gidigheid dilasa wa. ⁸Nek ibol pein nanuk igansi wo dop madai ile dak igo woŋ, melmel en fidian man, madai a nal wadan ilasa san amaiak ilasa wo fun igane da.

⁹“Saen an lo gup aŋ diŋiliaŋ pe aŋanem ager sad tuod lo didiraŋ dop madai tubun kasik dupanaŋ a, agod dam dufunaŋ amat a. Tamolpein tan

titin fidian lo dumado dan aŋ lo siai digane wa. En ata wo? Ŋai yaŋag man aŋsam na yen la ya. ¹⁰Nek saen an lo dop, tamolpein ilo rumok dubusei wa, ago dop teidi ager tuod lo didirai a. Nug lo ago digane dop siai dam digane wa. ¹¹Ago dop profet sewak adi dumasap tamolpein wei mi dirawai a. ¹²Ago dop kagin sisaiak tubun mi ilasap ilod iŋanefute wa, an lo dop tamolpein wei kasik sad ilo panek kagin an kute ibol yaup ibubarum geig a. ¹³Ak man, talpein enti iŋsan ilo rumok yabi sakar dop, yaup iŋanen kumaen tan en san itout gup man, Anut talpein an patun ipasi wa. ¹⁴Agod ŋaineg tamolpein bilaluŋ uyanan Anut anen kagin panek niŋen o dubol ilasap, tamolpein tan titin fidian lo yan duloŋ a. Ago dop ŋaineg ru rumok tamolpein fidian malad lo walal te ilasap yen a. Ante gup, nal wadan ilasa wa.

¹⁵“Saen ilasa dop, mel ta tempel san aben gun ak lo duguni dop ale wa. Mel an gubak mi profet Daniel niŋen o ibol a. Mel an Anut malan lo man iganan geig a, nek mel amaiak igane dop daon panek ilasa wa. (Oŋ ru e suti den ulon uyan o ta pasauman na yak man, maeg gane tap ka ulon ak boi.) ¹⁶Nal an lo dop, tamolpein a Judea na dumado dan, dusol diaup did luluŋad lo sed imianai a. ¹⁷Talpein ab fufo na imado dan, imul idup iŋanen biouŋ isini wo ta iladu na wa, tia, itaot mi isol yau a. ¹⁸Agod talpein abi lo imado dak dam, kulos madid san ak iŋane wo ta imul yau na wa. ¹⁹O kabel, nal en san pein luam anda yak, agod aŋ pein aŋanem nanuk su apidinai dan dam, ŋai ilog tubun mi imuŋanaŋ da! Nal en man saian geig a. ²⁰Aŋ gidad agudani wa, man dugo, kabelan aŋ madid san saen lo, tia, ubou nal lo asol au banau. ²¹Man ata wo? Saen an lo dop muruan tubun geig ak ilasa wa. Muruan naok ago yak gubak mi ta ilasa na ya, saen tan en ilasag ipalug gamu en lo, mel igo yak ilasa man tia geig a, agod murna gup afon ta ilasa da na wa. ²²Anut saen en itutep katukan a, iŋ ago ta igane na tap man, tamolpein fidian mi dideg diau a. Ak man, saen an lo dop Anut tamolpein a ipilianai la yan niŋedi wo ilon isou wa. Amaiak niŋen o iŋ saen an itutep katukan a. ²³Saen ante talpein ta irupaiaŋ a, ‘Ale, Kristus ebe ya!’ Tia, ta ibol, ‘Ŋ obo imado da!’ Ago dubol tap, aŋ ilom ta rumok na wa. ²⁴Man dugo, kristus sewak, iŋ profet sewak adi dida dilasa wa, ago dop iŋ kulob girager tubun ak, agod mel naon senamo geig ak tamolpein malad lo dukubiaip dile wa. An lo dop iŋ tamolpein a Anut ipilianai la yan dam dirawaip lo diau dudu wo ago maeg digane wa. Ago bo man dirawai san ta idaisuda na wa. ²⁵Ale, mel en gamugo ilasa dugo ŋai imug an niŋen o kuai tem ŋurupaiaŋ la ya.

²⁶“Amaiak niŋen o talpein ta aŋ durupaiaŋ pe dubol, ‘Ale, iŋ onte aben kawan talpein tia yak ate imado da!’ Iŋ ago dubol tap, aŋ ante ta au na wa. Nag igo dubol, ‘Ale, ab on san galuŋ ilon lo mok imado da!’ Aŋ ilom ta rumok na wa. Tia geig a. ²⁷Man ata wo? Saen keit irafule dan, san lilaman aben o ad ilasa dak atep, aben o ad idiau dak ate yau dop,

tamolpein fidian leil dupani wa. Nek ago mi, saen Tamol Nanun ipalu dan, kulob an san leil man naon kisaek a. ²⁸Tamol sisanun dugon te yen dak ate bog dupalup dutumani wa.

²⁹“Saen muruan tubun en itout dop, ad ta ided uyan na wa. Saen an lo ‘adian tidom oŋ ilasa wa,
ago dop kalam dam ta ided na wa.
Ante patui keit dibiseip dudu wa,
agod Anut mel dabai a keit lo yan fidian imiriranai a.’

³⁰“Saen an lo dop, Tamol Nanun san kob keit lo kuai isi wa, an lo dop tan en san tamolpein fidian tinaŋ aru digane wa. Ago dop iŋ fidian Tamol Nanun keit lo timtaen titiŋaem kuai te ilasa dop, dabai agod girager tubun geig ak da ipalu dan, dile wa. ³¹Ago dop eŋel ta tour iwip Tamol Nanun iŋanen eŋel adi idiraip dufurak diau a. Ante dop iŋanen tamolpein a ipilianai an dutumanai a. Iŋ tim sukurun iwoiwo, agod tan tilianek fidian dam ante diŋal dupalu wa.

³²“Aŋ gurab niŋen o ilo sou agane wa, iŋ maŋau ka ipanaŋ a. Saen iŋsan raen you aman da dop, roun foun ak ilasa wa. An lo ale aloŋ ak madid itout agod ad ilasa san saen sumeikan ipanaŋ da. ³³Amaiak niŋen o, aŋ murnap melmel fidian a dilasa dan ale dop, aŋ aloŋ ak Tamol Nanun ipalu wo dak, sumeik dalawan te itur da. ³⁴Iŋai rumok ŋurupaiaŋ da, warou gamu en san tamolpein gamugo itout yau dop melmel en fidian dilasa wa. ³⁵Rumok geig, keit iŋ tan da murnap itout a, ak gug ŋaisag ru man ta itout na wa.

Nal mok ante mel en ilasa wan id fidian tiŋaon a

Mak 13:32-37; Luk 17:26-30,34-36

³⁶“Ak gug talpein ta auwa dugo, agod nal dugon lo melmel en dilasa wan ta ilon na wa. Kumaen panu san eŋel adi agod Nanun dam ta dulon na ya. Bai sen mi ilon a. ³⁷Kulob a Noa san saen lo digane yan, nek amaiak mi saen Tamol Nanun imul ipalu dop digane wa. ³⁸Saen lom tubun ak ta ilasa na dugo, iŋ anaŋ diani dugo, you dam duluk dugo, nug diŋane dugo, pein ŋiedi dupidinai dugo, yaug saen Noa wog tubun ak lo iladu ya. ³⁹Iŋ ilo girek amad tia dumado dugo, lom tubun ak ilasa saltik oŋ go tamolpein an fidian irianai diaug dumat pasir a. Nek ago mi, saen Tamol Nanun ipalu dop, tamolpein ta dulon na dop kulob an iŋ lo ilasa saltik oŋ a. ⁴⁰Gidad tamol uraru abi lo dumado wa. Ago dop Anut tamol kisaek iŋane dop, kisaek ibiseip imado wa. ⁴¹Pein uraru bret dukubune wo pat nam wit patun dibaltitale wa. Anut kisaek iŋane dop, turan ibiseip imado wa. ⁴²Amaiak niŋen o malam ipuk pe amado wa. Aŋ ta aloŋ na dak, nal dugomaiak lo aŋanem Tubun ak ipalu wa. ⁴³Aŋ mel en niŋen ilo sou agane wa. Ab taman iŋ saen dugon lo gumagam tamol tidom lo ab igilep ilon lo iladu wan ilon tap, iŋ ŋion ta yabi na wa. Tia, tawaŋ igane

uynan pe gumugam isadu san dal ifou wa. ⁴⁴Ago yak ninen o an dam malam ipuk pe aban ale wa. Man dugo, saen a Tamol Nanun ipalu san an an ta akubiani na dop, saen nek an lo in imul ipalu wa.

Urat tamol uyan ak in urat tamol saian ak da sad ru fanan

Luk 12:41-48

⁴⁵“Amaiak ninen o mel en ninen o ilom isou wa. Ab taman ta in san urat pinein a manau aman da yak, agod awan iri ipani dan, kob ipanig an lo in inanen urat pinein aenta itirnai san, agod anan diani san saen ante mi anan ipidinai da. Ak dugo, an lulunam lo man, enti in urat pinein naok ago yak i? ⁴⁶Saen ab muroun ipalup urat pinein an in san urat igane uynan dan ile tap, in lo uyan a. ⁴⁷Ŋai rumok jurupaian da. Tamol tubun en inanen urat pinein emaiak kob ipanip, an lo inanen bioun fidian kagin ad igane wa. ⁴⁸Ak man urat pinein an tamol saian tap, ilon lo igo ibol, ‘Ŋaisag tamol tubun en ta ipalu kisaek on na da.’ ⁴⁹An ninen o fun iganep urat pinein aenta ifu isudap, lukluk tamol dida anan diani dop, you sakar ak duluk o kagin naok ago igane wa. ⁵⁰Urat pinein an san gurman, nal dugon lo, agod auwa dam ta ilon na dop ipalu wa. ⁵¹An lo dop tamol tubun en ipalu saltik on pe urat pinein an ibaltiti idu wa. Ago dop balek rararu san tamol luad te iganep dida dumado wa. Aben ante man tamolpein tinan digane dop madai lo luod dugurmi wa.

Pein baras nuɗod 10 ak sad ru mitilaen

25 ¹“Saen an lo, Anut san kagin panek man igo ya. Nug nanek san saen lo, pein baras 10 in sad lam dusulanaig duburoug diaug, ab a ate tamolpein dutumani dan te dilasa ya. Ante man kuai te dumasig tamol a in san iwon inane wo ipalu dan dititianig dumado se ya. ²Pein baras nuɗod 5 man kankan ad tia ya, ago dugo 5 aenta man kankan ad da ya. ³Man dugo, pein baras kankan ad tia yak in siganed lam disinig dupalu yak gug, in gureɗ ided san subunan taidam ta dijaneg dupalu na ya. ⁴Ago man pein a kankan ad da yan gureɗ ided san in siganed butol lo dililig lam da disinig dupalu ya. ⁵Tamol a iwon inane dan, in ta ipalu kisaek on na ya, amaiak ninen o pein fidian mi malad muruan dugo ɗionɗ diabi se ya.

⁶“Ak man tidom luak talpein ta igo iwagin dugo dulong a, ‘Ale, tamol, pein inane wo damaiak ipalu wo da! Amaiak ninen o apalup tau, dal te tile dop tinanep ida tamul tupalu wa.’ ⁷Ago man pein baras an fidian dumasag inaned lam dukubine idu ya. ⁸Agog pein kankan amad tia yan dumasag, pein kankan amad da yan igo durupidai, ‘Gidad an sam gureɗ kitek apanama. Man sama lam dumat o da.’

⁹“Ak gug pein kankan amad da yan ru naon durupidaig dubol, ‘Tia ya, gureɗ e mabi den, id sisem ninɗe o ta idaisuda na ya. Gidad amul aup an siganem gureɗ foun ak didaen aben lo adad a.’

¹⁰“An niŋen o pein kankan ad tia yan gureŋ didad o dumul go diau a. In diau dugo tamol a iwon pein inane wan ipalu ya. Ante man pein a dititianig dumado se yan, dida nug njalaŋal san ab an lo diladu dugo, tamol ante yan dalawan dufutani a.

¹¹“Murnag pein baras aenta dupalug igo dubol, ‘O tamol tubun ak, palup maŋ dalawan pasi panama!’

¹²“Ak man in ru naon igo irupidai, ‘Inai rumok njurupaian da, nai an ta njalon na ya.’

¹³“Amaiak niŋen o malam ipuk pe amado wa. Man dugo, nal dugo, agod auwa dugon lo Tamol Nanun imul ipalu wan ta alon na da.”

Urat pinein moni diŋane yak sad ru mitilaen

Luk 19:11-27

¹⁴“Agod fon, murna dop Anut san kagin panek nek igo wa. Gurman ta tureŋ yabi wo dak niŋen o inanen urat tamol igiaig dupalu ya. Agog naon na dilasa man inanen melmel an kagin dupani san tuod lo yabitig ipidinai a. ¹⁵Inanen urat tamol kisaek kisaek insad kagin, agod dabai dam, niŋen o ilon isou dugo moni yabitig ipidinai a. Tamol ta 5,000 kina ipani dugo, ta 2,000 kina, ago dugo ta 1,000 kina ipani a. In ago igane itout go ibisawaig tureŋ yabig yau a. ¹⁶In yau dugo, tamol 5,000 kina inane yan yau kisaek on go, moni subuŋan taida an fufo igane wo didaen urat igane se ya. Agog 5,000 kina subuŋan taidam inane ya. ¹⁷Tamol a in 2,000 kina inane yan, in dam nek ago mi iganeg 2,000 kina taidam inane ya. ¹⁸Ak gug tamol a 1,000 kina inane yan, yaug tan gib yabig ilon lo moni an imianig yen a.

¹⁹“Saen milaen kasik yau la gug, gurman an imul ipalu ya. Saen ipalu man urat tamol an igiaig moni ipidinai amaiak niŋen o, dida ru dukubuneg diŋineŋ a. ²⁰Ago dugo tamol 5,000 kina inane yan, 5,000 kina subuŋan anda isinig ipalug igo ibol, ‘Inaineg gurman, 5,000 kina e panag en ule, nai didaen urat njiganeg onane 5,000 kina subuŋan taidam njigane ya.’

²¹“Inanen tubun ak igo irupe, ‘On urat tamol uyanan mok a, awag uri pani siŋaokan, onane urat dam kagin pani uyanan a. On melmel kititik e bani lo njigane emaiak kagin pidinai uyanan a, amaiak niŋen o melmel tubun geig ak wei mi tirnai san njupano wa. Palup, nai da uyasusai tigane.’

²²“Tamol 2,000 kina inane yan dam ipalug ago ibol, ‘Inaineg gurman, on 2,000 kina panag a. Ule, nai didaen urat njiganeg onane 2,000 kina taidam njigane ya.’

²³“Inanen tubun ak igo irupe, ‘On urat tamol uyanan mok a, awag uri pani siŋaokan, onane urat dam kagin pani uyanan a. On melmel kititik e bani lo njigane emaiak kagin pidinai uyanan a, amaiak niŋen o melmel

tubun geig ak wei mi tirnai san nupano wa. Palup, n̄ai da uyasusai tigane.’

²⁴“Ak man tamol iñ 1,000 kina iñane yan dam ipalug ago ibol, ‘N̄aineg gurman, n̄ai n̄alōñ ak man oñ tamol silei a. Oñ abi san urat tamol sad silali naon n̄ane da. ²⁵Amaiak niñen o n̄ai n̄arer go, oñane 1,000 kina n̄isini n̄aug tan n̄isareg n̄imiani a. Ule, oñane moni ebe ya, ka n̄ane wa.’

²⁶“Ak man iñsan gurman ru naon igo irupe, ‘Oñ urat tamol saia geig a. Oñ yalis tina ya. Oñ ulōñ ak, n̄ai abi san urat tamol sad silali naon n̄iñane da. ²⁷Fun an niñen o n̄aineg moni an moni ab san urat tamol pani ak man, iñ ka urat ipani wa, an lo moni en san tim anda n̄ane wa.’

²⁸Agog gurman an iñsan urat gurman irupeig ibol, ‘Aria, tamol an san na 1,000 kina n̄anep, tamol a 10,000 kina aman da yan pani wa. ²⁹Ata wo? Talpein enti iñ da yan, n̄ai suguan taidam n̄upanip an lo iñ idaisuda wa. Ak man, enti iñ tinin lo tia agod, gidad iñ kitek da bo man, iñsan melmel an banin lo dupasi itout a. ³⁰Urat tamol lou aman tia yan wabip ubal patun fo ilasap tidom tubun lo imado wa. Aben ante man tamolpein tinan digane dop madai lo luod dugurmi wa.’

Tamol Nanun sipsip bilelek da itarpasai a

³¹“Saen Tamol Nanun iñanen girager aman da lo ipalu dop iñanen eñel adi fidian dida dupalu wa. Ante iñanen kiñ san badim fo na imasip imado wa. ³²Ago dop iñ tan titin fidian sad tamolpein itumanai dop naon na dutur a. Ante dop iñ itarpasaip malan uraru lo idirai a, nek ibol titianek tamol sipsip sen idirai dop bilelek sen idirai dak ago mi a. ³³An lo dop iñ sipsip tuon won ak ate idiri dop, bilelek tuon n̄as ak ate idiri wa.

³⁴“Agop Kiñ tamolpein a tuon won ak ate dumado dan, igo irupidai, ‘An̄ n̄aineg Bai san bar añane ya. Apalup kagin panek aben e Anut fun lo mok tan igane ilasa wo dugo ikubuneg yen den añane wa. ³⁵Enta wo? Gubak mi n̄ai kadag lo n̄umado dugo anan̄ apanag a. You o n̄amat dugo you dam apanag a. N̄ai tamol gol ak gug an̄ an̄iliag go an̄sam ab lo tau a. ³⁶N̄ai kulos amag tia yak gug, kulos apanag a. N̄ai subam amag da yak gug, kagin apanag se ya. N̄ai subanek lo n̄umado dugo, an̄ bubeg abisa wo apalug aliag a.’

³⁷“Agod tamolpein itaotan ak ru naon igo durupe, ‘O Tubun, saen dugon lo kadag ifuno dugo miliog, anan̄ mupano yak i? Tia, saen dugon te you o umat dugo you mupano yak i? ³⁸Saen dugon te tamol gol ak oñ milio dugo minilio ab lo tau ak i? Ago dugo saen dugon lo kulos ama tia dugo miliog kulos mupano yak i? ³⁹Saen dugon lo subam ifuno dugo milio boi, tia, subanek lo mado dugo maug milio yak i?’

⁴⁰“Agop Kiñ ru naon igo irupidaip ibol, ‘N̄ai rumok n̄urupaian̄ da, kulob dugo n̄ai teig e yan̄an tia yen lo agane man, kulob ago agane yan, an n̄ai lo dam ago agane ya.’

⁴¹“Agop in aenta tuon ɲas ak ate dumado dan igo irupidai, ‘An tamolpein Anut san misilane am da ya, abisawag sen alasap, yai o ta imat na dan lo au a. Yai an man Satan inanen enel adi dida lo idiraip diau o Anut ikubune pidinai lag yen da. ⁴²Man ata wo? Gubak mi kadag ɲai ifunag dugo anan ta apanag na ya. ɲai you o ɲamat dugo you ta apanag na ya. ⁴³ɲai tamol gol ak gug, an anjiliag go ansam ab lo ta tau na ya. ɲai kulos amag tia yak gug, an kulos ta apanag na ya. ɲai subam amag da subanek lo ɲumado dugo, aug ta aliag na ya.’

⁴⁴“Agop in dam ru naon igo durupe, ‘O Tubun en, saen dugon lo kadag ifuno boi, tia, you o umat boi, tia, on tamol gol ak on boi, tia, on kulos ama tia, subam ama dag, subanek lo mado dugo milio gug, man kagin ta mupano na yak i?’

⁴⁵Ante dop in ru naon irupidaip ibol, ‘ɲai rumok ɲurupaian da, kulob dugo ɲai teig e yaɲan tia yak lo ta agane na yan, nek kulob an ɲai lo dam ta agane na ya.’

⁴⁶Agop tamolpein an dibiseip diaup ai wadan saian geig saen fidian yen dan lo diladup ante pempem mi dumado wa. Ak man tamolpein itaotan ak kumaen pempem san dijanep dumado wa.”

Gurman adi Jesus dufuni imat o awad kisaek a

Mak 14:1-2; Luk 22:1-2; Jon 11:45-53

26 ¹Jesus ru mitilaen en fidian ibol itout go inanen megeloum irupidaig ibol, ²“An alon ak, Pasova san ad nanek idu san man nal uraru mi yen da. An lo dop Tamol Nanun ager banid lo diganep aigim fo dubali wa.”

³Saen an lo pris tutubu, agod Isrel san tamol gurman adi, pris gurman yaɲan Kaiafas dubol dak san ab lo dutumani a. ⁴In Jesus pasak nam dirawi nap diabip dufuni imat o dukubiai se ya. ⁵Ak man in dubol, “Id tumanek gun ak san nal lo kulob en ta tigane na wa, kabelan tamolpein lulunad lo ager diabisa banau.”

Pein ta Jesus kabuɲan fo gureɲ iwali a

Mak 14:3-9; Jon 12:1-8

⁶Jesus in Betani panu na imado dugo, tamol ta yaɲan Saimon tinin gubak mi lepra aman da yak inɲan ab lo ida dumado ya. ⁷Ago dugo pein ta gureɲ, butol ta pat siɲaokan ak nam digane yak, isinig san na ipalu ya. Butol an ilon lo gureɲ naon lak na geig ak awana ya. Jesus tebol siɲiren na imasi dugo pein an ipalug gureɲ an kabuɲan fufo na iwali a.

⁸Saen inanen megeloum ago dile man, tiɲaed saian go igo dubol pein an dusumiani, “Enta wo gureɲ kawan bidani dak i? ⁹Gidad tubuseip, didaen lo tiganep moni naon tubun ak lo didad dop moni an tiɲanep tamol filiad tia yak ka tupidinai a.”

¹⁰ Jesus iɲsad ɲiɲeɲ an iloɲ go igo ibol irupidai, “Enta wo pein en muruan apani dak i? Inɲ man ɲai niɲeg o kulob siɲaokan geig ak igane ya. ¹¹ Saen fidian tamolpein filiad tia yak aɲ luluɲam lo dida amado wa, ak gug ɲai man saen milaen aɲ da ta tumado na wa. ¹² Pein inɲ ɲai tinig fufo gureɲ iwali an, nek kagin an lo man inɲ ɲaisag sisanun mutou lo diginiag amaiak san dal ikubune da. ¹³ ɲai ru rumok ɲurupaiaɲ da. Tan dugon te bilaluɲ uyanan en dubol ilasa wan, ante dam kulob a pein en igane yan niɲen o dubol ilasap, lo pein en niɲen o ilo sou digane wa.”

Judas Jesus gurman adi tuod lo igane wo awad kisaek a
Mak 14:10-11; Luk 22:3-6

¹⁴ Saen an lo, nuɲod 12 amaiak luluɲad lo, tamol kisaek yaɲan Judas Iskeriot amaiak pris tutubu yak sad na yau a. ¹⁵ Ante inɲ igo ibol, “Aɲ ata mel ta ɲai apanag dop, ɲai Jesus tuom lo ɲigane wak i?” Ago man moni silva 30 an dupani a. ¹⁶ Agog Judas imasag, Jesus tamol tutubu yak tuod lo igane wo, dal an abaɲ yabi se ya.

Jesus megeloum dida soubul wadan diani a
Mak 14:12-26; Luk 22:7-23; Jon 13:21-30; 1Kor 11:23-25

¹⁷ Tumanek a yaɲan bret yis an tia yak san nal malan te yan lo, megeloum adi Jesus san na dupalug ago dubol, “Oɲsa ilo lo, maɲ dugon te melmel mukubinep oɲ ate tumanek an san anaɲ wani wo rupaiaama dak i?”

¹⁸ Ago dugo inɲ ibol, “Aup Jerusalem na aladup tamol ta ɲai ɲaloɲ ak naon na alasap, igo arupeɲ, ‘Girek maɲau igo ibol a. ɲaisag saen ipalug sumeik la ya. Oɲsa ab lo ɲaineg megeloum dida tumanek anaɲ mani wo da.’ ” ¹⁹ Ago tag megeloum ru kagin Jesus irupidai an dirig, anaɲ dukubune ya.

²⁰ Gurai idu dugo Jesus tebol siɲiren na imasig, nuɲod 12 an dida dumado ya. ²¹ Inɲ anaɲ diani dugo igo ibol, “ɲai rumok ɲurupaiaɲ da. Aɲ lulaɲam lo tamol kisaek, ɲai ager adi tuod lo iginiag ɲau a.”

²² An lo na ilod muruan geig dugo, anen anen dusumianig dubol, “O Tubun ak, ɲai i?”

²³ Ago dugo inɲ ru naon irupidaig ibol, “Tamol nek a daeg lo ɲai da sisem banima musomini dan, nek amaiak ɲai ibilag pe ager banid lo ɲilasa wa. ²⁴ Tamol Nanun ru a inɲ niɲen o buk lo digire yan nek ago mi inɲ lo ilasa wa. Ak gug tamol enti a Tamol Nanun iganep iɲanen ager adi sad tuod lo ilasa wan, rumok inɲ muruan tubun kasik ak ile wa! Gidad tinan ta igansi na yak man, an uyan a.”

²⁵ Agog Judas, tamol iɲsen Jesus ager tuod lo igane yan, igo ibol isumiani, “Girek maɲau, ak ɲai i?” Jesus irupeig ibol, “Awo, nek oɲse ubol la ya.”

²⁶Aria, iŋ anan diani dugo Jesus bret iŋaneg, Anut ilo uyan ru ipanig yafuteg, iŋanen megeloum adi ipidinai dugo ibol, “Aŋ aŋanep ani, en man ŋaineg tinig.” ²⁷Agog iŋ gab wain anda yak iŋaneg, Anut ilo uyan ipanig, ipidinai dugo ibol, “Aŋ fidian gab en lo aluk a. ²⁸En man ŋaisag dar kontrak san, tamolpein wei mi iŋaned aupasek isasi san tinig lo yak ilasa wa. ²⁹Ŋai ŋurupaian da, ŋai afon ai wain san nuŋon lo ta ŋaluk na wa, ago yaup nal ilasa dan te gup, afon Tamag san kagin panek aben lo fon aŋ da sisem taluk a.”

³⁰Iŋ bar diabi itout gug kuai te dilasag Did Oliv ate diau a.

Jesus ibol, murnap Pita iŋ niŋen o itot a
Mak 14:27-31; Luk 22:31-34; Jon 13:36-38

³¹Agog ante Jesus iŋ irupidaig ibol, “Gamu tidom nek en lo, aŋ fidian mi ŋai niŋeg o ilom idup yaup abisawag a. Man dugo, Anut san girek lo ru igo ibol,

‘Ŋai titianek tamol ŋufuni wa,

ago dop iŋsan sipsip dusol pe gidigidad diau a.’

³²Ak man Anut ŋai ifufunag pe fon ŋumasa gup, ŋai ŋiriŋanan pe imug mi Galili na ŋau a.”

³³Pita ru naon igo irupe, “Gidad tamol fidian oŋ niŋe wo ilod idup dibisawo bo man, ŋai man tia ya.”

³⁴Jesus ru naon igo ibol irupe, “Ŋai rumok ŋurupaio da, gamu tidom nek en lo kurek ta ibob na dop, saen utol oŋ ŋai niŋeg o utot a.”

³⁵Agog Pita irupe, “Gidad, ŋai oŋ da tamat bo man, ŋai oŋ niŋe wo ta ŋatot na wa, tia geig a!” Ago dugo megeloum fidian dam nek ago mi dubol se ya.

Jesus abi Getsemani lo yaug igudani a
Mak 14:32-42; Luk 22:39-46

³⁶Ago man Jesus iŋ dida, aben ta yaŋan Getsemani dubol dan ate diau a. Ante Jesus megeloum irupidai, “Aŋ ente amasip amado dop, ŋai onte ŋaup ŋugudani wo da.” ³⁷Agog iŋ Pita agod Sebedi nanun uraru dida iŋal go diau a. Saen an lo iŋ fun iŋaneg ilon ipapao dugo ilon dam muruan idu ya. ³⁸An lo igo irupidai, “Ŋai ilog tubun mi muruan idu dugo ŋamat o sumeik da. Aŋ gidad igo amado dop ŋai da sisem malad ipuk pe tumado wa.”

³⁹Ago dugo iŋ kitek ipar yaug, turun isoluwig, kabuŋan idug tan itutig, igo ibol imosiai, “O ŋaineg Bai, idaisuda tap, gab en ŋai banig lo ka pasi yau a. Ak gug oŋ ŋai ilog ta uri na wa, tia, oŋsigane ilo mi uri wa.”

⁴⁰Agog iŋ iŋanen megeloum adi sad na ipalug, ŋion diabi dugo yil a. An lo iŋ Pita irupeig isumiani, “En dugo, aŋ auwa kisaek ŋai da malad kumaen tumado san ta idaisuda na yak i? ⁴¹Aŋ malam kumaen amado dop amosiai a, man

dugo, kabelan bitinaek ta ipalup ilom ijanep ari banau. Njutum lo man awag yabi wo ilom ibol da, gug tinimi man dabai an tia ya.”

⁴² Inj afon imul yaug imosiaig igo ibol, “O naineig Bai, gab en ta irijanag na dop, gidad naluk a. Onane ilo naj o an, ago ka ilasa wa.”

⁴³ Saen imul ipalu man njon diabi dugo yil a, man dugo, maladi muruan geig a. ⁴⁴ An lo afon ibisawaig imosiai o imul yau a. Gudanek naok gubak mi igane yan ago mi fon igane da ya.

⁴⁵ Imosiai itout go megeloum adi sad na ipalug igo irupidai, “An njon abi dugo yaes abal on dak i? Ale, naisag saen idu wo da, Tamol Nanun aupasek tamol tuod lo digane san saen idu la ya. ⁴⁶ Amasap, tau. Ale, tamol a palan ag imari amaiak ipalu da!”

Ager adi Jesus diabi a

Mak 14:43-50; Luk 22:47-53; Jon 18:3-12

⁴⁷ Saen Jesus injen se man, Judas ipalu ya. Inj megeloum 12 ak lulunad lo aben anda ya. Inj ipalu dugo tumanek malan tubun ak dida, sabiri agod tok dam duburoug naon na dilasa ya. Pris tutubu agod Isrel sad gurman adi didinaig dupalu ya. ⁴⁸ Imug palan niganag tamol a inj tuod lo igane san man, kob ta njen o irupidai, “Tamol a naj musuk njupani dop ale dan, nek an Jesus, an tamol amaiak abi wa.” ⁴⁹ Aria, inj Jesus san na ipalu kisaek on go ibol, “O girek manau, tidom uyan.” Ago ibol go musuk ipani a.

⁵⁰ Jesus ru naon igo irupe, “Turag, ilo yen dan ago gane.” Ago ibol go inj Jesus sumeik dupanig diabi a. ⁵¹ Ago dugo tamol ta Jesus da dumado yan, insinan sabiri igursig pris gurman an san urat pinein kududon aen ta ituteg tan na idu ya.

⁵² Ak gug Jesus irupe, “Onane sabiri gane imul a. Man dugo, tamol fidian a sabiri duburoup lo wagai digane dan, sabiri lo nam daon dijaneg wa. ⁵³ An dugo ilom isou di? Ak dugo, naj Tamag nusumiani dop, enel malan 12 agod suguan taidam wei kasik dida ipanag kisaek on o imoi ak i? ⁵⁴ Ak man naj ago njigane tap, en dugo won ru a Anut san buk lo, kulob gamu e ilasa wo ibol en, nunon ilasa wak i?”

⁵⁵ Saen amaiak lo Jesus ager tamol an igo irupidai, “Enta wo an sabiri inj ai tok da asinig aliag pe abiag o apalu yak i? Ak dugo, naj wagai adi dida gabman mabi idu san gurman igo won an ago ilom isou di? Nal fidian naj tempel aben lo njumasi dugo tamolpein njupitenanai se ya, ak gug naj ta abiag na ya. ⁵⁶ Ak man melmel en fidian ilasa san fun man, ru gubak mi profet adi digire yan gamu en nunon ilasa ya.” Agog megeloum fidian mi Jesus dubuseig dusol go diau a.

Juda adi Jesus kot lo digane ya

Mak 14:53-65; Luk 22:54-55,63-71; Jon 18:13-14,19-24

⁵⁷ Tamol a Jesus diabi an, dijaneg pris gurman Kaiafas san ab lo diau a. Kubiaen san girek manau, agod pris tutubu dida imug mi diaug ab

ante dutumanig Jesus ditiitanig dumado se ya. ⁵⁸ Ak man Pita Jesus njen aban irig yau ak gug, in kitek asau mi imado ya. In pris gurman san ar lo iladug ai katuk adi dida dumado ya. In ata mel ta Jesus njen o ilasa dop ile wo malan igane se ya.

⁵⁹ Pris tutubu, agod kaunsil fidian mi, tamol aenta digiaig sewak ru dubol dop, Jesus kagin saiak ta igane yak, ate dufunip imat san dal ta dile wo dukubiai se ya. ⁶⁰ Ak man tamol wei mi sewak ru amad da yan naod na dilasa bo man, dal ta dile na ya. Ak gug murnag tamol uraru dupalug naod na dilasa ya, ⁶¹ in ago dubol, “Tamol en igo ibol a, ‘Ŋai dabai amag da yak lo Anut san tempel n̄urubep, nal utol lo mi foun ak n̄abisa wa.’ ”

⁶² Ago man pris gurman imasag Jesus igo isumiani, “On ru naon ta ubol na wak i? Ru e on n̄ine wo tamol emaiak dubol den dugo yak i?”

⁶³ Ak man Jesus ru ta, ta ibol na ya, itokibol itur se ya.

Ago dugo pris gurman irupei, “Ŋai Anut kumaen imado dan san yajan lo, on n̄urupaio dak an njen o, itaot mi rupaiaama wa. On Kristus, Anut Nanun i? Rupaia map malon.”

⁶⁴ Ago man Jesus igo ibol irupei, “Awo, nek onse ubol la ya. Ak man n̄ai an n̄urupaian da, murna gup Tamol Nanun in Anut a dabai tubun geig anda yan tuon won ak ate imasi dop ale wa. Agod Tamol Nanun keit lo timtaen titinaem kuai tem ipalu wa, mel amaiak dam ale wa.”

⁶⁵ Agog pris gurman, ru an njen o imasa saian go, in san ilo muruan an kuai te ikubiai dile wo inanen kulos irasireg igo ibol, “In Anut yajan malan isue ya. Gidad, tamol taidam, tamol en san kagin njen o dubol ilasa san id ta tigiai na wa. Man dugo, gamu geig inanen ru lo Anut yajan malan isue yan ansemi alon a. ⁶⁶ Ansam ilo sou lo, tamol en dugo tigane wak i?”

Ago tag in ru naon igo durupei, “In mel saian geig ak igane, ak njen o ka imat on a.”

⁶⁷ Ago man in Jesus naon fo na dulusu dugo banid nam dufuni na ya, agod aenta in kudanan dugufute dugo igo dubol, ⁶⁸ “Kristus, on gamu profet ru ubol a, tamol e ifuno den enti ak i?”

Pita Jesus njen o itot a

Mak 14:66-72; Luk 22:56-62; Jon 18:15-18,25-27

⁶⁹ Aria, saen an lo Pita kot ab patun fo imasig imado dugo, urat pein ta sinjiren na ipalug igo ibol, “On dam Jesus Galili san tamol amaiak da amado ator se ya.”

⁷⁰ Ak gug Pita tamol an fidian malad lo itot go igo ibol, “Ru on ubol dan n̄ai ta n̄alon na ya.”

⁷¹ Murna gug yang ar san dalawan te imado dugo, urat pein sen ak ta ileg, njen o tamolpein sumeik dumado yan fidian irupidai, “Tamol an in Jesus Nasaret san amaiak ida dumado dutor se ya.”

⁷²Ago man fon Pita itot go ru sakar nam irupidai, “Rumok geig naji tamol an ta njalon na ya!”

⁷³Kitekan taidag tamolpein a dutur na yan Pita san na diaug durupeig dubol, “Rumok geig, onj injsad kisaek a. Onjane njinen lo se kuai te ibulo lasa ya.”

⁷⁴Agog fun iganeg sen imisilanig ibol, “Njai sewak njigane tap Anut ka imisilanag a! Njai tamol an ta njalon na ya!”

Saen ago ibol itout man, kurek ibob. ⁷⁵Ago dugo Pita in Jesus ru ibol an ilon isou a, “Saen kurek gamugo ibob dop, saen utol naji njineg o utot a.” Ago man in kuai te ilasag tinan tubun mi igane se ya.

Jesus dijaneg ida Pailat san na diau a

Mak 15:1; Luk 23:1-2; Jon 18:28-32

27 ¹Salso idu dugo pris tutubu adi, agod Isrel tamolpein sad gurman adi, dal dugon lo Jesus dufunip imat o nug lo dukubiaig ilod kisaek dilasa ya. ²Agog in Jesus rasau nam dusubanig dida diaug Rom san gurman Pailat tuon lo digane ya.

Judas sen buron isuseg imat a

Apo 1:18-19

³Tamol Judas, nek emaiak Jesus ager adi tuod lo igane ya. In leil igane dugo Jesus pilapil ru lo diabi idug muruan lo digane ya. An lo man in ilon tubun mi geig imuani a, ago yan lo inanen aupasek njinen sen ipasi wo moni patun silva 30 dupani an isinig imul yang ipidinai a. ⁴In igo ibol, “Njai au njapas a. Njai tamol a tuom lo njigane yan, in kulob saian ak ta igane man tia ya, ak gug an afunip imat o da.”

Ak man in dubol, “En man manjsama mel tia ya, onjane ilo saian mi a.”

⁵An lo man, Judas moni patun silva 30 dupani an, tempel san ar lo yabibol idu dugo, aben an ibiseig yang sen buron isuseg imat a.

⁶Pris tutubu adi moni an dijaneg igo dubol, “Moni en man tamol dufuni imat ak san naon, an dar idad a. An lo id moni en tempel san moni da tutumani san njinen o idsad kubiaen ipadau a.” ⁷Amaiak njinen o in awad dutumanig moni an urat dupani wo ilo sou digane ya. Ago man tamol bod niganag, injsan tan titin ta didad a, an lo dop ante in ka tamolpein gol ak sad sisanud disiriai a. ⁸Ago yak njinen o, tan titin nek an yanan man igo ya, “Dar san tan” ago dubol a. Gamu en dam tamolpein in yajak nek an mi dubol da. ⁹Saen pris tutubu adi in tan titin an yajak amaiak dupate man, ru ta profet Jeremaia ibol ilasa yan nunon ilasa ya. In igo ibol, “In moni patun 30 silva ak dijaneg ya. An man injsan dader san naon. Isrel san tamol aenkadi, tamol an in didad san naon amaiak digansi a. ¹⁰Moni an dijaneg, lo tamol bod niganag san tan titin didad a, nek ibol Tubun en ru kagin naji ipanag ak nek ago mi digane ya.”

Jesus Pailat san sumiaek lo dugunig itur a
Mak 15:2; Luk 23:3-5,13-25; Jon 18:33–19:16

¹¹ Jesus gabman gurman naon na dugunig itur dugo, ago isumiani, “Oŋ Juda sad kiŋ ak i?”

Ago dugo Jesus ibol, “Awo, nek oŋse ubol la ya.”

¹² Ak gug saen pris tutubu adi agod Juda sad gurman adi iŋ Jesus ru dupani man, iŋ ru naon ta ibol man tia ya. ¹³ Ago yak niŋen o Pailat irupeig isumiani, “Oŋ ru fidian dupano den kududo lo ta ulonŋ na yak i?” ¹⁴ Ak man Jesus ru naon ta Pailat irupe i man tia ya, gidad ru wei mi dupani bo man ru naon ta irupidai na ya. An niŋen o Pailat irut go ilo sou wei mi igane se ya.

¹⁵ Aria, anaŋar fidian, Pasova san saen lo, gabman gurman subanek tamol kisaek o lian yaŋan dupate dop, ipasip kawan imado wa. Kagin nek an san nal idu ya. ¹⁶ Saen an lo man tamol ta yaŋan Barabas iŋ subanek lo imado ya. Tamol emaiak iŋ man saian geig an tamolpein fidian mi dulonŋ fufei a. ¹⁷ Amaiak niŋen o saen tamolpein dutumani itout man, Pailat igo ibol isumianai, “En dugo woŋ ilom isou di? Enti ŋubuseip aŋsam na imul o? Iŋai Barabas ŋubusei wo, tia, Jesus e Kristus dubol damaiak ŋubuseip imul o?” ¹⁸ Man dugo, iŋ ilonŋ uyan ak man, tamol an iŋ mala sek lo Jesus diŋaneg kot lo dupalu ya. ¹⁹ Mel taida mi, saen Pailat iŋ tulek tamol san kalik fo imasig imado dugo, iŋsan pein san na ru igane ipalug igo ibol, “Oŋ mel ta tamol e itaot aman en niŋen o ta gane na wa. Man ata wo? Gamu na ŋai ŋioŋamin ta lo ŋile dugo iŋ niŋen o madai wei mi ifunag na ya.”

²⁰ Ak gug pris tutubu agod Juda sad tamol gurman adi, tamolpein malan an ilod diŋane ya. Iŋ tamolpein an dududuwaig Pailat dusumianig Barabas ipasi pidinai dop, Jesus daonŋ ipani wo ago dubol se ya.

²¹ An niŋen o Pailat fon ibol isumianai, “Aŋ tamol uraru en luluŋad lo enti ŋupasi wo amat di?”

Ago man duwagiŋ dugo igo dubol, “Nek Barabas mi a.”

²² Agog Pailat ibol isumianai, “Aŋsam ilo sou lo, Jesus e Kristus dubol den niŋen o ŋai dugo ŋigane wak i?”

Ago man fidian mi duwagiŋ dugo dubol, “Aigim fo bali wa!”

²³ Gug iŋ ibol, “Ata mel o? Iŋ ata mel saian ak igane yak i?”

Ago bo man iŋ awad tubun mi duwagiŋ go disasai, “Aigim fo bali wa!”

²⁴ Pailat iŋ sen ikubiani man, iŋsan ru ta idaisuda na dugo, ager tubun ak ilasa wo da. Amaiak niŋen o iŋ you iŋaneg, tamolpein malad lo banin ifulani a. Ago dugo iŋ igo ibol, “Tamol en imat dop man ŋaisag muruan tia ya. An man aŋsiganem mel mi a.”

²⁵ Agog tamolpein fidian ru naon durupeig igo dubol, “Ai wadan en man maŋsigama, agod nanum murouma dida lo, ka yen a!”

²⁶Agog saen ante man in Barabas ibiseig sad na yau dugo, Jesus ipidinaig rasau nam dufuni a. Dufuni itout go Jesus aigim fo dibali wo yu tamol tuod lo igane yau a.

Yu tamol adi Jesus kukok an digane ya

Mak 15:16-20; Jon 19:2-3

²⁷Agog gabman gurman san yu tamol adi, Jesus dijaneg gabman san ab lo diau a. Ante man in Pailat san yu tamol fidian mi dupalu wo digiai a. Aria, dupalug naon na dutumani a. ²⁸Jesus tinin fo kulos dupasi dugo, yamel daran ak ta nam kin san kob igo won tinin dubuluwi a. ²⁹Ago dugo in kam dudurun aman da yak, kin san kitikat⁹ igo won ditiladeg, Jesus kabunan fo na digane ya. Makud ta dijaneg tuon won ak ate diganeg kin igo won yabi a. Ago dugo naon na turud disoluwig, kukok an digane dugo igo dubol, “Per o, Juda sad Kin!” ³⁰Agog tinin fo dulusu se ya, ago dugo makud a banin lo yabi an dijaneg ate kabunan te dufuni se ya. ³¹Saen kukok an digane itout man, yamel daran tinin fo yan dupasi dugo, insiganen kulos digane pani a. Agog aigim fo dubali wo dijaneg diau a.

Jesus aigim fo dubali a

Mak 15:21-32; Luk 23:26-43; Jon 19:17-27

³²In Jesus dida turenj diabig diau dugo, yu tamol adi dal te tan Sairini san tamol ta, yanan Saimon dubol dan dile ya. Agog Saimon an disodudunig Jesus san aigim isini a. ³³In diaug aben ta, yanan Golgota dubol dak, ate dilasa ya. Yanak an san fun igo ya, “Kabuna tatu san aben.” ³⁴Aben ante dilasag, marasin gigen ta wain da dukubulig, Jesus iluk dop lo madai yabi idu wo dupani a, agog kitek iluk ak man ikubiani ile tag, ta iluk na ya. ³⁵Agog yu tamol adi Jesus aigim fo dubali la gug, insed nug ilon lo insan biounj diabititi san ninen o satu lo dukok se ya. ³⁶Dukok itout man, dumasig ditianig dumado se ya. ³⁷Ru ate kot dupani amaiak ai lapan fo digireg, aigim kabunan fufo na dubali a. Ru en san sutek lo man igo ya, “En Jesus, Juda sad Kin.” ³⁸Jesus giranen na man ager tamol gumagam digane na yak urarum aigim fo dubalai a. Ta tuon won ak ate dusanjani dugo, ta tuon nas ak ate dusanjani a. ³⁹Tamolpein diau dumul dop ninen o ru kukok dubol dugo, kabunad dukupari pani se ya. ⁴⁰Ago dugo igo dubol se ya, “On tamol amaiak tempel subarip, nal utol lo mi foun wabisap guni wak ubol a, an ninen o on se ka patu pasi wa! On Anut Nanun mok tap, aigim biseip udu.”

⁴¹Nek ago mi pris tutubun adi, kubiaen san girek manau adi, agod Juda sad gurman adi dam, in kukok an digane dugo igo dubol se ya,

⁹ Katkat

42 “Inj tamol aenta patud ipasi na yak gug, inſen patun ipasi san man tia ya. Inj Isrel sad Kin, an niſen o inj aigim ibiseip idu dop, an lo na id ilod rumok a. 43 Inj Anut niſen o ilon rumok da, aria, Anut tamol en niſen o imat mok tap, gamu geig en Anut mi ka ibinawi wa. Ak gug Anut inj o imat mok di? Man dugo, inj ibol ak, ‘Injai man Anut Nanun a.’ ” 44 Dal kisaek mi lo gumagam tamol uraru Jesus giranjen na aigim fo dusujanai an dam ru kukok wei mi tinin fo digane se ya.

Jesus imat a

Mak 15:33-41; Luk 23:44-49; Jon 19:28-30

45 Ad mitilaen 12 kilok an lo, tidom tubun tan an fidian yafutani geig go yang 3 kilok gurai isi a. 46 Saen kitek 3 kilok sumeik ipani dugo, Jesus awan tubun mi iwagin dugo ibol, “Eli, Eli, lama sabaktani?” Ru en fun igo ya, “Injaisag Anut, njaisag Anut, ata wo njai bisawag ak i?”

47 Tamol aenta sumeikan dutur man dulong go dubol, “Tamol en man Elaija iwagi da.”

48 Ago dugo yu tamol ta ririan mi imaspalug yang, mel ta beig san titalin igo won ak inaneg, wain gigen an lo isominig, den luon ate isueg, Jesus iluk o awan te igane ya. 49 Ak man aenta dubol, “Ale funi won dop, Elaija ipalup ibinawi dop tile wa.”

50 Jesus afon awan tubun mi iwagin dugo, inanen ur tinin lo yak ibiseig yau dugo imat a.

51 Saen nek amaiak lo mi, yamel tubun tempel lo iyuk yen an, o lak na fun inaneg imasireig yang tan na idug uraru dilasa ya. Saen an tan isuruwor dugo pat tutubu yak sed igile yau se ya. 52 Ago dugo mutou san aben dam awad ikasap dugo, tamolpein gun ak wei mi gubak mi dumat la yan sad sisanudi fon kumaen dumasa ya. 53 Inj mutou dubusei a. Murnag saen Jesus imasa yan lo Jerusalem na diaug diladu dugo tamolpein wei mi dil a.

54 Yu gurman inanen yu tamol dida Jesus ditiſianig dumado na yan, tan isuruwor dugo melmel dilasa yan ago dil man, tubun mi direr se ya. An niſen o yu gurman an ibol, “Rumok geig, en man Anut Nanun.”

55 Pein wei mi dumado na yan dam, asau mi dutur dugo leil digane se ya. Pein amaiak saen Jesus Galili ibiseig turen yabi dugo dubunawi wo njien aban diri se ya. 56 Lulanad lo pein kisaek ta man taun Magdala san Maria, agod turan man Maria sen ta, Jems inj Joses da tinadi, agod ta man Sebedi nanun uraru amaiak tinadi.

Jesus san sisanun pat san gib lo digane ya

Mak 15:42-47; Luk 23:50-56; Jon 19:38-42

57 Ad idiau o sumeik dugo, taun Arimatea san moni tamol ta yanan Josef ipalu ya. Inj dam Jesus san megeloum mi a. 58 Inj Pailat san na yang

Jesus san sisanun inane wo isumiani. Inanen yu tamol adi ru dabai anda yak ipidinaig diaug Jesus san sisanun dijaneg Josef dupani a. ⁵⁹Josef sisanun an isini yang, yamel foun ikok aman geig ak nam ifou ya. ⁶⁰Agog innsinanen mutou foun ak lo igane ya. Mutou an man pat san gib, Josef innsen gubak mi tamol irupidai dugo diabi a. Agog Josef pat muruan tinan ak ta ibili ipalug mutou awan ate ibalfutani a. Agog aben an ibiseig yau a. ⁶¹Taun Magdala san Maria, in Maria ta da mutou an fun na dumasig leil digane se ya.

Yu tamol adi mutou ditiiani a

⁶²Nal a Soubul Kubunek San dubol dan itout la gug, nal tinin te yak lo, pris tutubu adi agod Farisi adi diaug Pailat naon na dutumani a. ⁶³Agog igo dubol durupe, “O tamol tubu, ru ta sewak tamol en kumaen imado dugo ibol an man iloma isou da. In ibol, ‘Nal utol itout la gup, fon kumaen numasa wa.’ ⁶⁴Amaiak ninen o, on gidad ubol dop yu tamol adi mutou fun na nal utol tawan diganep dumado wa. Kabelan inanen megeloum adi sisanun gumagam aman dijane dop, mutou lo imasa la yak ago dubol tamolpein durupidai banau. Ago dop man insad ru sewak foun en, insiganen ru sewak gubak mi ibol an irinani banau.”

⁶⁵An ninen o Pailat irupidai, “An yu tamol ajal dop, arupidaip mutou fun na tawan digane wo uyanan a. Mutou kagin apai dop dugo agane wo ilom ibol tap ago ka agane wa.” ⁶⁶Ago man diaug mutou dufutani wo uyanan a. Agog in gib awan san pat amaiak fo na kob ta digane ya. An lo tamol ta pat an ibili tap kob an malan isue wa. Ago dugo yu tamol didiraig mutou kagin dupanig dumado se ya.

Jesus fon kumaen imasa ya

Mak 16:1-10; Luk 24:1-12; Jon 20:1-10

28 ¹Aria, ubou san nal Sabat dubol dan^r itout go nal patun fo, ubou turan san nal malmalan,^s tidom lom geig Maria Magdala san pein, in Maria turan da mutou dile wo diau a.

²Ago dugo kanaurig tubun ak ilasa ya. Man dugo, Tubun ak san enel ta in kumaen panu ibiseig idug, pat a mutou awan ifutani an ibilig fufo na imasig imado se ya. ³Enel an san leil man ibol weil irakilawi dak san leil ago mi a, agod insan kulos milkouk kasik man ibol ais igo won a. ⁴Ago man yu tamol adi, in ninen o durut direr se yan lo dusuruwor go tan fufo na dudug tamol dumat ak igo won dien se ya.

⁵Ago dugo enel pein uraru an igo irupidai, “An ta arer na wa. Inai nalon ak an uraru mi Jesus ale wo apalu ya, tamol nek a aigim fo dubali ama ya. ⁶In ete ta yen na da, in imasa la ya, nek ibol imug irupaijan ak

^r Sarere ^s Sande

ago mi a. Apalup yen ak aben ka ale wa. ⁷Ago dop ririan aup inanen megeloum igo arupidai a. ‘Inj mutou ibiseig imasa la ya. Ago man inj imug mi Galili na yau dop an njien aban ari wa, an aben ante gup inj ale wa.’ Aria, bilalun njupanan o njupalu yan njurupaian itout a.”

⁸Pein uraru an direr geig ak gug, inj uyasusai tubun mi digane ya. Ago man inj ririan mi mutou dubuseig dumaspalu onj inisan megeloum durupidai o diau se ya. ⁹Dal dirig diau dugo Jesus naod na ilasag ibol, “Tidom lom mi!” Agog pein an sinjiren na diaug njien diabig ubou an dile ya. ¹⁰Ago dugo Jesus uraru an igo irupidai, “Anj ta arer na wa, an aup naj teig muroug arupidaip Galili na diau a. Inj aben ante gup naj diliag a.”

Yu tamol adi sad ru

¹¹Pein uraru an turenj diabi dugo, yu tamol adi mutou kagin dupani se yan, taun ilon lo diaug diladug melmel ilasa yan, ninen o pris tutubu yan durupidai a. ¹²Amaiak ninen o pris tutubu yan inj Juda sad gurman adi dida dutumani dugo nug lo dukubiaig an lo ru dufuni a. Agog moni patun silva an idaisuda mi yu tamol an dupidinai a. An lo awad dufutani wo ago digane ya. ¹³Ago dugo inj igo dubol durupidai, “Anj tamolpein igo arupidai a. ‘Tidom lo manj maen onj dugo, inisan megeloum adi pasak nam dupalug sisanun an gumagam an digane ya.’ ¹⁴Agod gabman gurman ru en ilonj tap, manj ida ru ka mukubune wa, ago dop an muruan am tia wa.” ¹⁵Ak ninen o yu tamol adi, moni an dinjane dugo, gurman adi dubol ak ago mi digane ya. An ninen o ru amaiak Juda adi lulujad lo ifurak yau a, an lo Juda adi ru nek an mi dubol dugo ipalug gamu da mi a.

Ru kagin tubun geig ak Jesus id irupaiaid a

Mak 16:14-18; Luk 24:36-49; Jon 20:19-23; Apo 1:6-8

¹⁶Aria, megeloum nuḡod 11 an, Galili na diau wo turenj diabig dutor nag, did ta gubak mi Jesus ninen o ibol an sinjiren na dilasa ya. ¹⁷Ante saen inj dile man, ubou an dile yak gug, aenta Jesus ninen o ilod uraru a. ¹⁸Agog Jesus inj sumeik mi ipalug igo irupidai, “Anut dabai fidian mi, kumaen panu san, agod tan en san dam, lo melmel fidian njitirnai o ipanag a. ¹⁹Ago yak ninen o, anj gidad aup an lo tamolpein a tan fidian lo dumado dan, njaisag megeloum adirai dilasa wa. Ago dop anj Bai yanan lo, Nanun yanan lo, Awan Urgun yanan lo afulanai a. ²⁰Ru kagin fidian naj an njurupaian amaiak inj duri dupani uyanan o apitejanai a. Agod en ale, naj pempem mi anj da tumado da, ago mi yaup saen en itout a.”